

# 王安石全集

國學叢書之一



最新標點

上海龍



# 王安石全集卷十一

## 古詩

### 寄題鄂州白雪樓

折楊黃華笑者多，陽春白雪和者少，知音四海無幾人，況乃區區鄂中小。千載相傳始欲慕，一時獨唱誰能曉，古心以此分冥冥，俚耳至今徒擾擾；朱樓碧瓦何年有，棖桷連空欲驚矯，鄂人爛漫醉浮雲，鄂女參差躡飛鳥，丘墟餘響難再得，欄檻茲名復誰表，我來欲歌聲更吞，石城寒江暮雲繞。

### 聖俞爲狄梁公孫作詩要予同作

虎豹不食子，鷓鴣不乘雄，人惡甚鳥獸，吾能與成功；愛有以計留，去有勢不容，吾謀適合意，幾亦齒姦鋒。時恩淪九泉，褒取異代忠，堂堂社稷臣，近世孰如公？空使苗裔稱，稱揚得詩翁，一讀亦使我，慨然想餘風。

### 蒙亭

隱者委所逢，在物無不足，山林與城市，語道歸一轂，詩人論巨細，此指尙局束，頗知區區者，自屏忍所欲。孰識古之人，超然遺耳目，豈於喧與靜，趣舍有偏獨，命亭今何爲，似乃畏驚俗，至意不標揭，小名聊自屬，夏風簷檻寒，冬雪牕戶燠，春樊亂梅柳，秋徑深松菊，壺觴日笑傲，裙屐相追逐，此樂已難言，持琴作新曲。

### 和王樂道烘蟲

秋水汗流如炙暍，敝衣濕蒸塵垢澆，施施衆蝨當此時，擇肉甘於虎狼餓。咀嚙侵膚未云已，爬搔次骨終無那，時時對客輒自捫，千百所除纔幾箇。皮毛得氣強復活，爪甲流丹真暫破，未能湯沐取一空，且以火攻令少挫，踞爐熾炭已不暇，對竈張衣誠未過，飄零乍若蛾赴燈，驚擾端如蟻旋磨，欲毆百惡死焦灼，肯貸一凶生棄播，已觀細黠無所容，未放老奸終不墮，然臍廓塢患溢世，焚寶鹿臺身易貨，冢中燎入化秦屍，池上焮隨遷莽坐，彼皆勢極就煙埃，況汝命輕倖涕唾，逃藏壞絮尙欲索，埋沒死灰誰復課（一本無此八句）熏心得禍爾莫悔，爛額收功吾可賀，猶殘衆蟻恨未除，自計寧能久安臥。

和聖俞農具詩十五首

田廬

田父結田廬，聊容一身息，呼兒取茅竹，不借鄉人力，起行不入朝，歸臥廬下夕，悠悠各有願，勿笑田廬窄。

樵斧

百金聚一冶，所賦以所遭，此豈異莫耶，奈何獨當樵。朝出在人手，暮歸在人腰；用捨各有時，此日兩無邀。

耕牛

朝耕草茫茫，暮耕水滴滴，朝耕及露下，暮耕連月出。自無一毛利，主有千箱實，皖彼天上星，空名豈余匹！

水車

取車當要津，膏潤及遠野，與天常斡旋，如雨自瀑瀉，置心亦何有，在物偶相假；此理乃可言，安得圓機者。

牧笛

綠草無端倪，牛羊在平地，芊綿杳靄間，落日一橫吹；迢遙送逸響，澶漫寫真意，豈比賣錫人，吹簫販童稚。

颶扇

精良止如留，疏惡去如擯，如擯非爾憎，如留豈吾吝！無心以擇物，誰喜亦誰慍，翁乎勤簸颶，可使糠粃盡。

田漏

占星昏晚中，寒暑已不疑，田家更置漏，寸晷亦欲知。汗與水俱滴，身隨陰屢移，誰當哀此勞，往往奪其時。

牛衣

百獸冬自暖，獨牛非氈毛，無衣與卒歲，坐恐得空牢。主人覆護恩，豈啻一綈袍；問爾何以報？離離滿東臯。

耨種

富家種論石，貧家種論斗，富貧同一時，傾瀉應心手。行看萬壑空，坐使千箱有，利物博如此，何慙在牛後。

### 耒耜

耒耜見於易，聖人取風雷，不有仁智兼，利端誰與開。神農后稷死，般爾相尋來，山林盡百巧，揉斲無良材。

### 錢鏹

於易見耒耜，於詩聞錢鏹，百工聖人爲，此最功不薄。欲收禾黍善，先去蒿萊惡，願同敬器悟，更使臣工作。

### 耨耨

鍛金以爲曲，揉木以爲直，直曲相後先，心手始兩得。秦人望屋食，以此當金革，君勿易耨耨，耨耨勝鋒鏑。

### 襪

采采霜露下，披披煙雨中。蒲茅以爲友，絺褐相與同；勿妬市門人，綺紈被奴僮，當慙

邊城戍，擐甲徂春冬。

臺笠

（史記索隱謂蓬累笠也）

耕有春雨濡，耘有秋陽暴，二物應時須，九州同我服。欲爲生少慕，得此自云足，君思周伯陽，所願豈華穀。

耘鼓

逢逢戲場聲，攘攘戰時伍，日落未云休，田家亦良苦。問兒今蠶上，聽此何莽鹵，昨日應官繇，州前看歌舞。

次韻酬微之贈池紙并詩

微之出守秋浦時，椎冰看擣萬穀皮，波工龜手咤今樣，魚網肯數荊州池。霜執奪手賈不售，虹玉喪氣山無輝。方船穩載獻天子，善價徐取供吾私；十年零落尙百一，持以贈我隨清詩，君寧久寄金穀地，方執賜筆磨坳螭。當留此物朝上國，日侍帝側書新儀。不然名山副史本，褒拔元凱誅窮奇，咨子文章非世用，畫鏤空爾糜冰脂，揮毫才足記姓字，竊學文恥從師宜，忽忽點汗亦何忍，嘉貺但覺難爲辭，篇終有意責趙璧，窮國恐誤連城歸，傾囊倒篋聊一



報，安敢坐以秦爲雌。

### 酬沖卿月晦夜有感

夜雲不見天，況乃星與月；蕭蕭暗塵走，坎坎寒更發；樓歌客尙飲，酩酊不畏雪；巷哭復有人，鄰風送幽咽；紛然各所遇，悲喜孰優劣？君方感莊周，浩蕩擺羈絆，歸來亦置酒，玉指調絃撥，獨我坐無爲，青燈對明滅。

### 送子思兄參惠州軍

云云曲江水，天借九秋色，樓臺飛半空，秀氣盤韶石。載酒填里閭，吹花換朝夕，笙簫震河漢，錦繡爛冠幘，地靈瘴癘絕，人物傾南極，先朝有名臣，臥理訟隨息，稍稍延諸生，談笑與賓客，子來適妙年，謁入交履舄，寂寥九齡後，此獨望一國，虞翻禮丁汜，韓愈俟起德，孤岸鎮頽波，俗流未易識。我方文葆中，旋逐旌旗蹟，去思今豈忘，耳目熟遺迹，吏舍殷勤言，俛仰問乖隔，當時府中兒，侵尋鬢邊白，下帷雖著書，不掇寒饑迫，謂宜門闈士，宦路久烜赫，奈何猶差池，更捧承檄檄，驛摧千里蹄，鵬墮九霄翮，人生無巧愚，天運有通塞，試觀馳聘人，意氣宇宙窄，榮華去路塵，謗辱與山積，優游祿仕間，較計誰失得，送君

強成歌，陟岵翻感激。

### 送董伯懿歸吉州

我來以喪歸，君至因謫徙，蒼黃憂患中，邂逅遇於此。去年服初除，聽赦相助喜，看君數歸月，但屈兩三指。茫然冬更秋，一笑非願始，籃輿楊柳下，明月芙蓉水，僮僕屢闕門，客罷方隱几，是非評衆詩，成敗斷前史，時時對弈石，漫浪爭生死，送迎皆幅巾，設食但陳米，亦曾戲篇章，揮翰疾嚆矢，君豪才有餘，我老憊先止，東城景陽陌，南望長干紫，欲斷三畝蔬，於焉寄殘齒；經過許後日，唱和猶在耳；新恩忽捨我，欣悵生彼已，江湖北風帆，振拖卽千里；相逢知何時？莫惜縑與紙！

### 八月十九日試院夢冲卿

空庭得秋長漫漫，寒露入幕愁衣單，喧喧人語已成市，白日未到扶桑間。永懷所好卻成夢，王色髮鬢開心顏，逆知後應不復隔，談笑明月相與閒。

### 平甫歸飲

無田土相弔，亦以廢燕樂；我官雖在朝，得飲乃不數。詩書向牆戶，賓至無杯杓，空取

上古言，疇之等糟粕，有如楊子雲，歲晚天祿開，但無載酒人，識字真未博，叔兮歸自東，一笑堂上酌；緒餘不及客，兒女聊相酢；高談非世歡，自慰亦不惡；寄言繁華子，此趣由來各。

### 答陳正叔

天馬志萬里，駕鹽不如閑，壯士困局束，不如棄之完。利行有阨轍，勢涉無恬瀾；明明千里羞，促促一日歡；孰肯避此世，引身取平寬；超然子有意，爲我歌考槃；予方慕孔氏，委吏久盤桓；得失未云殊，聊各趨所安。

### 過食新城藕

他年過食新城藕，枕藉船中載親友，今年卻到經行處，獨坐昏煙對舞柳。甘酸向口無所適，牢落盤餐與樽酒；冰房玉節漫自好，欲御還休涕垂手。曾參宦學居常近，陽城離別初不久；人閒此願兩未能，西風落日空回首。

### 明州錢君倚衆樂亭

侯君幕府開東部，名高海曲人知慕，蠶船談笑政卽成，洗滌山川作嘉趣。平泉浩蕩銀河

注，想見明星弄機杼，載沙築成天上路，投虹爲橋取孤嶼；掃除荆棘水中央，碧瓦朱甍隨指顧；春風滿城金版舫，來看置酒新亭上；日女吹笙綵鳳悲，一夫伐鼓靈鼉壯；安期羨門相與遊，方丈蓬萊不更求；酒酣忽跨鯨魚去，陳迹空令此地留。

### 愛日

雁生陰沙春，冬息陽海澨，冥冥取南北，豈以食爲累。咨予愁病軀，朴鄙人所戲，無才治時難，量力當自棄。豈知塞上霜，飄然亦何事，高堂已白髮，愛日負明義；悲風吹平原，秣馬聊一榻；含懷孰與語，仰屋思歎喟；孟母知身從，萊妻恥人制，一肉儻易謀，萬鍾非得計。

### 答裴煜道中見寄

君遊苦數歸苦晚，一驛險有千里遠，知君陟降旦暮間，馬力不勁厭長坡。兩脚墜地花枝低，風頭入溪蒲葉偃，此處登臨不奈愁，瓊樹森森遮疊巘。

### 餘寒

餘寒駕春風，入我征衣裳，捫鬢祗得凍，蔽面尙疑創。士耳恐猶墜，馬毛欲吹僵，牢持

有失箸，疾飲無留湯，矐矐扶桑日，出有萬里光，可憐當此時，不濕地上霜，冥冥鴻雁飛，北望去成行，誰言有百鳥，此鳥知陰陽，豈時有必至，前識聖所臧，把酒謝高翰，我知思故鄉。

### 孤城

孤城回望（一作首）距幾何，記得好處常經過；最思東山煙樹色，更憶南湖秋水波，百年顛倒（一作三年飄忽）如夢寐，萬事乖隔（一作萬事感激）徒悲歌，應須飲酒不復道，今夜江頭明月多。

### 和微之藥名勸酒

赤車使者錦帳郎，從容珂馬留閑坊，紫芝眉宇傾一坐，笑語但聞雞舌香。藥名勸酒詩實好，陟釐爲我書數行，真珠的皪鳴槽牀，金罍琥珀正可嘗，史君子細看流光，莫惜覓醉衣淋浪，猶醒至死誠可傷，歡華易盡悲酸早，人間沒藥能醫老，寄言歌管衆少年，趁取烏頭未白前。

### 客至當飲酒二首

結屋在牆陰，閉門讀詩書，懷我平生友，山水異秦吳。杖藜出柴荆，豈無馬與車，窮通適異趣，談笑不相愉；豈復求古人，浩蕩與之俱，客至當飲酒，日月無根株。

一一

天提兩輪光，環我屋角走，自從紅顏時，照我至白首，纍纍地上土，往往平生友，少年所種樹，硯礫行復朽，古人有真意，獨在無好醜，冥冥誰與論，客至當飲酒。

乙未冬婦子病至春不已

天旋無窮走日月，青髮能禁幾回首，兒呻婦嘆冬復春，強欲笑歌難發口。黃卷幽尋非貴嗜，藜牀穩臥雖貧有，二物長乖亦可憐，一生所得猶多苟。

強起

寒堂耿不寐，轆轤聞車聲，不知誰家兒，先我霜上行。歎息夜未央，遽呼置前楹，推枕欲強起，問知星正明，昧且聖所勉，齊詩有雞鳴，嗟予以竊食，更覺負平生。

飲裴侯家

裴侯飲我日向中，四坐賓客顏皆紅，掃除高館邀我入，自出糶麥憐民窮，天邊眼力破萬

里，桑麻冥冥山四起，野心探尋殊未已，更欲滌衣北城水。忽見碧樹櫻桃懸，下馬恣食不論錢，赤星磊落入我眼，恐是半醉遊青天。裴侯方坐塵沙裏，沒身救物當如此，我曹偶脫簿領間，何忍愛惜一日間，且歸拂席飽眠睡，明日更看滌南山。

### 送謝師宰赴任楚州

珠玉不自貴，故爲人所憐，賢愚亦如此，好惡有自然。聞子欲東南，使我抱幽悵；炎風沙土中，甘與子留連；大梁非無客，跪起廢食眠；相看獨不厭，以此知子賢；衰氣以難強，壯心方少年；才高豈易得，勗子在雕鐫。

### 二

崐崙一支流向東，七月八月船如風；愛君少壯此行樂，恨我留連成老翁；仲頭兩岸水無窮，伏檻荷花滿地紅，當時不得君攜手，今日山川在眼中。

### 次韻遊山門寺望文脊山

宣城百山間，文脊尤奇峯，拔出飛鳥上，圖畫難爲容。聞昔有幽人，捫蘿追赤松，遺形此古室，孤坐鹿裘重。人去邈不反，洞壑空藏龍；側行蒼崖煙，俯仰求靈蹤；遊者如可得，

感棄萬戶封；安能久塵土，傾倒相迎逢。

### 車螯

海於天地間，萬物無不容，車螯亦其一，埋沒沙水中。獨取常苦易，衛生乏明聰；機械誰使然，含蓄略相同；坐欲腸胃得，要令湯火攻；置之先生盤，噉客爲一空；蟹夏怪四坐，不論殼之功，狼籍堆左右，棄置任兒童；何當強收拾，持問大醫工。

### 疥

浮陽燥欲出，陰濕與之戰，燥濕相留連，蟲出乃投間。搔膚血至股，解衣燎鑪炭；方其愜心時，更自無可患；呼醫急治之，莫惜千金散，有樂卽有苦，愜心非所願。



# 王安石全集卷十二

## 古詩

### 和平甫舟中望九華山二首

楚越千萬山，雄奇此山兼。盤根雖巨狀，其末乃脩纖。去縣尙百里，側身勇前瞻。蕭條煙嵐上，縹緲浮青尖。徐行稍復逼，所矚亦已添。精神去塵壘，氣象來漸漸。御席取近岸，移船傍蒼兼。窺觀坐窮晡，未覺晷刻淹。江空萬物息，四面波瀾恬。峨然九女鬢，爲出一鏡匳。臥送秋月沒，起看朝陽暹。遊氛蕩無餘，瑣細得盡覘。陵空翠纓直，照影寒銛銛。冢木立紺髮，崖林張紫髯。變態生倏忽，雖神詎能占。當留老吾身，少駐誰云壓。惜哉秦漢君，黃屋上衡潛。等之事嬉遊，捨此何其廉。我疑二后荒，神物久已厭。埋藏在雲霧，不欲登昏儉。又疑避褻封，蔽匿以爲謙。或是古史書，脫落簡與籤。當時備巡遊，今不在細縑。終南秦之望，泰山魯所詹。天王與秩祭，俎豆羅醢鹽。苟能澤下民，維此遠亦沾。方今東雨旱，

十脈燥不黏；尙無膚寸功，豈免竊食嫌；神菴吾難知，士病吾能砭；文章巧傳會，智術工飛  
 箝；薦寶互珪璧，論材自樛栮；苟以飾婦妾，謬云活蒼黔；豈如幽人樂，茲山談閭闔；穴石  
 作戶牖，垂泉當門簾；尋奇出後徑，覽勝倚前簷；超然往不返，舉世徒咕咕；高興寄日月，  
 千秋伴烏蟾；遐追商洛翁，秦火不能炎；近慕楚穆生，意脫楚人鉗，吾意竊所向，人謀諒難  
 僉。

## 一一

誰謂九華遠，吾身未嘗詹；唱篇每起予，予口安能箝；憶在秋浦北，空江上新蟾；光潔  
 寫一鏡，廻環兩堤奩；露坐引衣袂，風行敬帽簷；維舟當此時，巨細得盡瞻；試嘗論大略，  
 次乃述微纖；此山廣以深，包畜萬物兼；嘯雲吐霧雨，生育靡不漸；巍然如九皇，德澤四海  
 沾；此山相後先，各出羣峯尖；毅然如九官，羅立在堂廉，挺身百辟上，附麗無姦儉，此山  
 高且寒，五月不覺炎；草樹萋已綠，冰霜尙涵淹；頽然如九老，白髮連蒼髯；此山當無雲，  
 秀色鬱以添；姹然如九女，靚飾出重簾，珮環與巾裙，紺玉青紈縑；遠之妍西施，近或醜無  
 鹽，變態不可窮，詩者徒咕咕；我初勇一往，役世難安恬；浪荒不走職，民瘼當誰砭；乖離

今數旬，夢想欲窺覘；自期得所如，何啻釋囚鉗；念昔太白巔，下視海日暹；竭來天柱遊，履齒尙苔黏；猶之健飲食，屢饗亦云饜；胡爲慕攀躋，已憊且不嫌；豈其仁智心，山水固所潛；男兒有所學，進退不在占；功況苟不諧，廊廟等閭閻；况乃論椽棧，其誰辨榱桷，歸歟巖崖居，料理帶與籤；得石坐兀兀，逢泉飲厭厭；取舍斷在獨，豈必詢謀僉，子語實慰我，寧殊邑中黔；玉枝將在山，當倚以葭蒹；詩力我已屈，鋒鏖子猶銛；扶復更一戰，語汝其無謙。

### 和中甫兄春日有感

雪釋沙輕馬蹄疾，北城可遊今暇日；濺濺溪谷水亂流，漠漠郊原草爭出；嬌梅過雨吹爛漫，幽鳥迎陽語啾啾；分香欲滿錦樹園，翦綵休開寶刀室；胡爲我輩坐自苦，不念茲時去如失；飽開高逕動車輪，甘臥空堂守經帙；淮蝗蔽天農久餓，越卒圍城盜少逸；至尊深拱罷籥韶，元生相看進刀筆；春風生物尙有意，壯士憂民豈無術；不成歡醉但悲歌，回首功名古難必。

### 信陵坊有籠山樂官

萬里山林姿，羽毛何瑾瑾，鳴聲應律呂，唯有知者愛。都門市井兒，誰翫汝文采；應須鎖樊籠，勿受丸籜害。

### 收鹽

州家飛符來比櫛，海中收鹽今復密，窮囚破屋正嗟歎，吏兵操舟去復出；海中諸島古不毛，島夷爲生今獨勞；不煎海水餓死爾，誰肯坐守無亡逃，爾來賊盜往往有，劫殺賈客沈其艘；一民之生重天下，君子忍與爭秋毫。

### 省兵

有客語省兵，兵省非所先；方今將不擇，獨以兵乘邊；前攻已破散，後距方完堅；以衆亢彼寡，雖危猶幸全；將既非其才，議又不得專；兵少敗孰繼，胡來飲秦川；萬一雖不爾，省兵當何緣；驕惰習已久，去歸豈能田；不田亦不桑，衣食猶兵然；省兵豈無時，施置有後前；王功所由起，古有七月篇；百官勤儉慈，勞者已息肩；游民慕草野，歲熟不在天；擇將付以職，省兵果有年。

### 發廩

先王有經制，頒賚上所行；後世不復古，貧窮主兼并；非民獨如此，爲國賴以成；築臺尊寡婦，入粟至公卿；我嘗不忍此，願見井地平；大意苦未就，小官苟營營；三年佐荒州，市有棄餓嬰；駕言發富藏，云以救鰥惸；崎嶇山谷間，百室無一盈；鄉豪已云然，罷弱安可生；茲地昔豐實，土沃人良耕；他州或皆窳，貧富不難評；爾詩出周公，根本詎宜輕；願書七月篇，一寤上聰明。

### 感事

賤子昔在野，心哀此黔首；豐年不飽食，水旱尙何有。雖無剽盜起，萬一且不久；特愁吏之爲，十室災八九；原田敗粟麥，欲訴嗟無賦；間關幸見省，笞扑隨其後；況是交冬春，老弱就僵仆；州家閉倉庾，縣吏鞭租負；鄉隣銖兩徵，坐逮空南畝；取貲官一毫，義築已云富；彼昏方怡然，自謂民父母；竭來佐荒郡，懷懷常慚疚；昔之心所哀，今也執其咎；乘田聖所勉，況乃余之陋；內訟敢不勤？同憂在僚友。

### 美玉

美玉小瑕疵，國工猶珍之；大賢小玷缺，良交豈其絕；小缺可以補，小瑕可以磨自來補

亦不磨，人爲奈爾何！

### 寄曾子固

吾少莫與合，愛我君爲最；君名高山嶽，峒嶸嵩與太；低心收恣友，似不讓塵埜；又如滄江水，不逆溝畎澮；君身揭日月，遇輒破氛霧，我材特窮空，無用補倉廩，謂宜從君久，垢污得洮汰；人生不可必，所願每顛沛；乖離五年餘，牢落千里外；投身落俗窄，薄宦自鉗鈇；平居每自守，高論從誰丐，搖搖西南心，夢想與君會；思君挾奇璞，願售無良儉；窮閭抱幽憂，凶禍費禳禱；州窮吉士少，誰可培諸妹；仍聞病連月，醫藥誰可賴；家貧奉養狹，誰與通貨貝；詩人刺曹公，賢者荷戈設；奈何遭平時，德澤盛汪濊；鸞鳳鳴上下，萬羽來翻翻；呦呦林間鹿，爭出噬苹蘓；方令高世事，動輒遭狼狽；人事旣難了，天理尤茫昧；聖賢多如此，自古云無奈；周人貴婦女，扁鵲名醫滯，今世無常勢，趨舍唯利害；而君信斯道，不閱身窮泰；并捐人間樂，濯耳受天籟；諒知安肥甘，未肯顧糠粃；龍螭雖蟠屈，不慕蛇蟬世；令人重感奮，意勇忘身衰；何由日親炙，病體同砭艾；功名未云合，歲月尤須悞；懷思切劘劼，中夜淚五霑；君嘗許過我，早晚治車軌；山溪雖峻惡，高眺發蒙肺，峯巒碧參差，

木樹青曉藹；桐江路尤駛；飛漿下鳴瀨；魚村指暮火；酒舍瞻晨旆；清醪足消憂；玉鯽行可  
膾；行行願無留，日夕佇傾蓋；會將見顏色，不復謀蒼蔡；延陵古君子，議樂恥言郢；細事  
豈足論？故欲論其大；披披發韃囊，懷懷見戈銳；探深犯巖壁，破惑醜強旆；離行步荃蘭，  
偶坐蔭松檜；宵牀連衾幃，晝食共盞甌；茲歡何時合，清瘦見衣帶；作詩寄微誠，誠語無綵  
繪。

### 同杜使君飲城南

山公遊何處，白馬鳴翩翩；檀那十畝碧，五月浮寒烟；留客聽其間，風吹江海縣；出鱗  
不見口，竹外空青天；焚蠟助月出，酒光發金船；狂客惜不去，醉翁舞回旋；何必吹簫人，  
玉枝自嬋娟；歸路借紅燭，雨星低馬前。

### 有感

憶昔與胡子，戲娛西城幽；放斥僕與馬，獨身步田疇；牛豎歌我旁，聽之爲久留；一接  
田父語，嘆之勝王侯；追逐恨不恣，暮歸輒懷愁；顧常輕千乘，祇願足一丘；子時怪我少，  
好此寂寞遊；笙簧不入耳，又不甘隱羞；那知抱孤傷，罷頓不能逾；世味已鮮少，但餘野心

禍；乖離今十年，斑髮滿我頭；昔興亦略盡，食眠常百憂；每逢佳山水，欲往輒復休；方壯遂如此，況乃高春秋。

### 送孫叔康赴御史府

古人喜經綸，萬事慚強聒，時來上青冥，俯仰但一節；危言回丘山，聲利盡毫末；由來治亂體，宿昔心已達；肯隨俗好惡，議論輕自決；遺風何寥寥，夢寐待豪傑；天書下東南，趣召赴嚴闕；長材晦朝倫，高行隱家闕；新除鷗問望，宿蘊行施設；念吾非忘形，此理未易說。

### 別馬祕丞

伯夷惡一世，季也皆鄉人；吾嘗論夫子，有似李之倫。人情路萬殊，近世餘荆榛；唯君遊其間，坦坦得所循。意君誠愷悌，慕向從宿昔；奈何初相懽，鶴首已云北。莓莓郊原青，漠漠風雨黑，冠蓋滿津亭，君今去何適？

### 到郡與同官飲

時倅舒州

瀉碧云云橫帶郭，浮蒼靄靄遙連關；草木猶疑夏鬱蔥，風雲已見秋蕭索。荒歌野舞同醉



醒，水果山肴互酬酢；自嫌多病少權顏，獨負嘉賓此時樂。

自舒州追送朱氏女弟憩獨山館宿木瘤僧舍明日度長安嶺至皖口

晨霜踐河梁，落日憩亭臯，念彼千里行，惻惻我心勞。攬轡上層岡，下臨百仞濠；寒流咽欲絕，魚鼈久已逃；暮行苦遄迴，細路隱蓬蒿；驚驛出馬前，烏駭亡其曹；投僧避夜雨，古槩昏無膏；山木鳴四壁，疑身在波濤；平明長安嶺，飛雪忽滿袍；天低浮雲深，更覺所向高。

招同官遊東園

青青石上藥，霜至亦已凋；冉冉水中蒲，爾生信無聊。感此歲云晚，欲懽念誰邀；嘉我一二子，爲回東城鑣，幽菊尙可泛，取魚繫榆條；毋爲百年憂，一日以逍遙。

九日隨家人遊東山遂遊東園

暑往詎幾時，涼歸亦云暫；相隨東山樂，及此身無憾。聊回清池拖，更伏荒城檻；采采黃金花，持杯爲君泛。

秋懷

城南平野寒多露，窗壁含風秋氣度；鄰桑槭槭已欲空，悲蟲啾啾促機杼。柴門半掩掃鳥迹，獨抱殘編與神遇，韓公既去豈能追？孟子有來還不拒。

既別羊王二君與同官會飲於城南因成寄

用藥名

赤車使者白頭翁，當歸入見天門冬；與山久別悲忽忽，澤瀉半天河漢空。羊王不留行薄晚，酒肉從容追路遠；臨流黃昏席未卷，玉壺倒盡黃金盞；羅列當辭更繾綣，預知子不空青眼；嚴徐長卿誤推挽，老年揮翰天子苑；送車陸續隨子返，坐聽城雞腸宛轉。

試茗泉

此泉地何偏，陸羽曾未括；坻沙光四射，寶乳甘潛洩。靈山不可見，嘉草何由啜；但有夢中人，相隨掬明月。

躍馬泉

古木縮蛟螭，憎山欲墮突；山祇來伐之，半嶺跳鬻膝；玉珂鳴寒空，組練光照日；崩騰赴不測，一陷常萬匹，神戰異人間，千秋爲倏忽，泉傍往來客，夜寄幽人室；但聽鳴蕭蕭，何田見神物。

### 白紵山

白紵乘山巔，江湖所縈帶，浮雲卷晴明，可見九州外。肩輿上寒空，置酒故人會，峯巒帳錦繡，草木吹竽籟，登臨信地險，俯仰知天大；留歡薄日晚，起視飛鳥背，殘年苦局束，往事嗟摧壞；歌舞不可求，桓公井空在。

### 七星硯

余聞星墮地，往往化爲石；石上有七星，此理余莫測。持來當白日，光彩不爲匿；恍如起鴻濛，俛仰帝垣側；當由偶然似，見取參筆墨；豪心蕩珍異，樂以萬金得；南工始爲僞，傳合巧無隙；亦時疑世人，故自有能識。

### 九鼎

禹行掘山走百谷，蛟龍竄藏魍魎伏；心誌幽妖尙覬隙，以金鑄鼎空九牧。冶雲赤天漲爲黑，縹風餘吹山拔木；鼎成聚觀變怪素，夜人行歌鬼晝哭；功施元元後無極，三姓衛守相傳屬；弱周無人有宜出，沈之九幽折地軸；始皇區區求不得，坐合神姦窺邑屋。

### 九井

得盈字

松崖涉澗三十里，高下犖确無人耕；捫蘿挽葛到山趾，仰見吹瀉何崢嶸？餘聲投林欲風雨，末勢卷土猶溪阬；飛蟲淩兢走獸慄，霜雪夏落雷冬鳴；野人往往見神物，鱗甲漠漠雲隨行。我來立久無所得，空數石上莒蒲生。中官繫龍沉玉册，小吏磔狗澆銀觥；地形偶爾藏險怪，天意未必司陰晴；山川在理有崩竭，藝壑自古相虛盈。誰能保此千世後，天柱不折泉常傾！

### 寄題衆樂亭

陵陽遊觀吾所好，恨不卽過衆樂亭；嘗聞髣髴如夢寐，吟筆自欲圖丹青。千峯秀出百里外，忽於其上崢蒼楹；朝雲嘯岳日曖曖，夜水落澗風泠泠。春花窈窕鳥爭舞，夏木蔭鬱猿哀鳴；潦收葉落天地爽，海月影到山川明；籃輿晨出誰與適，坐與萬物觀虛盈；令思民事不忍後，田間笑語催蠶耕。吏休歸舍獄訟少，墟落飲酒欲秋成；唯愁一日奪令去，出來老稚交逢迎。彼民安知方祿仕，徒喜使我寬逋征，令知道義士林服，遺憂豈用吾諸評。

### 書會別亭

西城路居人送客，西歸處，年年借問去何時？今日扁舟從此去。春風吹花落高枝，飛來

飛去不自知，路上行人亦如此，應有重來此處時！


題舒州山谷寺石牛洞泉穴

皇祐三年

九月十六日，自州至太湖，過懷

寧縣由谷乾元寺宿與道人文銳弟安國擁火遊石牛洞，見李翱習之書，聽泉久之，明日復遊，乃刻習之後。

水泠泠而北出，山靡靡而旁圍，欲窮源而不得，竟悵與以空歸！



# 王安石全集卷十三

## 古詩

### 泊舟姑蘇

朝遊盤門東，暮出閶門西；四顧茫無人，但見白日低。荒林帶昏煙，上有歸鳥啼；物皆得所託，而我無安棲。

### 崑山慧聚寺次生郊韻

僧蹊蟠青蒼，莓苔上秋狀；露翰饑更清，風鷗遠亦香。掃石出古色，洗松納空光，久遊不忍還，迫迨冠蓋場。

### 如歸亭順風

春江窈窕來無地，飛帆浩浩窮必際；朝出吳川夕霽溪，回首喬林吹岸薺。柁師高臥自嘯歌，戲彼挽舟行復止；人生萬事反覆多，道路後先能幾何！

## 垂虹亭

三江五湖口，地與天不隔；日月所蔽虧，東西渺然白。漫漫浸北斗，浩浩浮南極；誰投此虹蜺，欲濟兩間阨。中流雜蜃氣，欄楯相本翼，初疑神所爲，滅沒在頃刻。晨興坐其上，傲兀至中昃；猶憐變化功，不謂因人役。令君持酒漿，談笑顧賓客；頗誇九州物，壯麗此無敵。焚煌丹沙柱，璀璨黃金壁；中家不慮始，助我皆豪殖。喟予獨感此，剝爛有終極，改作不可無，還當采民力。

## 張氏靜居院

動者利進爲，靜者樂正居；物性有偏得，惟賢時卷舒。張侯始出仕，所至多名譽；老矣歸偃休，買地廝荒蕪。屋成爲令名，名實與時俱；南堂棲幽真，晨起瞻像圖。北堂畫五禽，游戲養形軀；燕有諸賓庭，學有諸子廬；問侯年幾何？矯矯八十餘；問侯何能爾？心不藏憂愉；問侯客何爲？弦歌飲投壺；問侯兒何讀？夏商及唐虞；嵩山填門戶，洛水遶階除；疾於山水間，結駟有通衢；我念老退者，古多賢大夫；留侯亦養生，乃欲凌空虛；閉門不餘酒，豈異山中臞；疎傳稍喜客，揮金能自娛；不聞喜教子，滿屋青紫朱；張侯能兼取，勝事古所



無；褒稱有樂石，丞相爲之畫，而我不自量，聞風亦歌呼。

丙戌五日京師作二首

北風間雨去不下，驚沙蒼茫亂曉；傳聞城外八九里，雹大如拳死飛鳥。

二

浮雲雖披久不合，太陽獨行乾萬物；誰令昨夜雨霽霑，北風蕭蕭寒到骨！

答客

士常疑西伯，何至姜里辱？普鰥親父子，尙脫井廩酷。昏主雖聖臣，飛禍安可卜？致命遂其志，雖窮不爲戮。

次韻唐彥猷華亭十詠

顧林亭

野于所居也

寥寥湖上亭，不見野王居；平林豈舊物，歲晚空扶疎。自古聖賢人，邑國皆丘墟；不朽在名德，千秋想其餘。

寒穴

神農洩冰霜，高穴與雲平；空山滄千秋，不出鳴咽聲。山風吹更寒，山月相與清；北客不到此，如何洗煩醒。

### 吳王獵場

吳王好射虎，但射不操戈；匹馬掠廣場，萬兵助遮羅。時平事非昔，此地桑麻多；猛獸亦已盡，牛羊在田坡。

### 始皇馳道

穆王得八駿，萬事得期修；茫茫萬載間，復此好遠遊。車輪與馬跡，此地亦嘗留，想當治道時，勞者尸如丘。

### 柘湖

湖中有山生柘，故名柘湖。記云秦有女入湖爲神，今有廟。

柘林著湖山，菱葉蔓湖濱，秦女亦何事？能爲此湖神。年年賽雞豚，漁子自知津；幽妖窟險阻，禍福易欺人。

### 陸瑁養魚池

野人非昔人，亦復水上居；紛紛水中游，豈是昔時魚。吹波浮還沒，競食糟糠餘；吞舟

不可見，守此歲月除。

### 華亭谷

水行三百里入松江。

巨川非一源，源亦在衆流；此谷乃清淺，松江能覆舟。蟲魚何所知？上下相沉浮；徒嗟大盈北，浩浩無春愁。（華亭水自大盈入松江而北入海。）

### 陸機宅

故物一已盡，嗟此歲年深；野桃自著花，荒棘自生鍼。芊芊谷水陽，鬱鬱崑山陰；俛仰但如昨，遊者不可尋。

### 崑山

世傳陸氏家生機雲，故名崑山，言生玉也。

玉人生此山，山亦傳此名；崖風與六水，清越有餘聲。悲哉世所珍，一出受敬傾；不如鶴與猿，棲恩尙全生。

### 三女岡

吳王葬三女於此

自古世士雄，慷慨擅功名；當時豈有力，能使死者生。三女共一丘，此憾亦難平；音容若有作，無力傾人城。

太白嶺

太白龍從東南馳，衆嶺環合青紛披；煙雲厚薄皆可愛，樹石疎密自相宜。陽春已歸鳥語樂，溪水不動魚行遲；生民何由得處所，與茲魚鳥相諧熙。

秃山

吏役滄海上，瞻山一停舟；怪此秃誰使，鄉人語其由。一狙山上鳴，一狙從之遊；相匹乃生子，子衆孫還稠。山中草木盛，根實始易求；攀挽上極高，屈指亦窮幽。衆狙各豐肥，山乃盡侵牟；攘爭取一飽，豈暇議藏收。大狙尙自苦，小狙亦已愁；稍稍受咋噉，一毛不得留，狙雖巧過人，不善操耒耨；所嗜在果穀，得之常似偷。嗟此海山中，四顧無所投；生生未云已，歲晚將安謀！

贈曾子固

曾子文章衆無有，水之江漢星之斗；挾才乘氣不媚柔，羣兒謗傷均一口。吾語羣兒勿謗傷，豈有曾子終皇皇；借令不幸賤且死，後日猶爲班與揚。

鮑公水

村南鮑公山，山北鮑公水；高穴逗遠源，冷冷落山嘴。玉色與飴味，不可他味比，竹樹四蒙密，翠藤相披靡；漫郎昔少年，幽居得之此；臨窺若有遇，愛歎無時已；浮名未汙染，永矣終焉爾。奈何中棄人，長安十年風塵化舊顏，譁囂滿耳不可洗，此水泠泠空在山！

### 寄李士寧先生

樓臺高聳間晴霞，松檜陰森夾柳斜；渴愁如箭去年華，陶情滿滿傾榴花；自嗟不及門前水，流到先生雲外家。

### 僧德殊家水簾求予詠

淙淙萬音落石顛，皎皎一派當簷前；清風高吹鸞鶴唳，白日下照蛟龍涎。浮雲妝額自能卷，缺月琢鉤相與懸；朱門試問幽人價，翡翠蛟綃不值錢。

### 杭州修廣師法喜堂

浮屠之法與世殊，洗滌萬事永空虛；師心以此不挂物，一堂收身自有餘。堂陰置石雙嶂嶮，石脚立竹青扶疎；一來已覺肝膽豁，況乃宴坐窮朝晡。憶初救時勇自許，壯大看俗尤崎嶇；豐車肥馬載豪傑，少得志願多憂虞；始知進進各有理，造次未可分賢愚；會將築室返耕

釣，相與此盧吟山湖。

復至曹娥堰寄剡總丁元珍

溪水渾渾來自北，千山抱水清相射；山深水急無艇子，欲從故人安可得。故人昔日此水上，罇酒扁舟慰行役；津亭把手坐一笑，我喜滿懷君動色；論新講舊情未足，落日低徊已催迫，我心自醉不復飲，秋果寒花空滿席。今年卻坐相逢處，招恨難求別時迹；可憐溪水自南流，安得溪船問消息。

答曾子固 南豐道中所寄

吾子命世豪，術學窮無間；直意慕聖人，不問閔與顏。彼昏何爲者，誣搆來嘖嘖？應逮犯秋陽，動爲人所歎。不卹我窮瘁，乃嗟天澤慳；令人念公卿，燁燁趨王班；泊無憫世意，狙猿而佩環；愛子所守卓，憂予不能攀。永矢從子游，合如屏上環；願言借餘力，迎浦疎潺湲。亦有衣上塵，可攀禰泰山；大江秋正清，島淑相縈彎；四盼浩無主，日暮煙霞斑；水竹密以勁，霜楓衰更殷；賞託亦云健，行矣非間關；相期東北遊，致館淮之灣；無爲襲甯羸，悠然及溫還。

寄贈胡先生

并序

孔孟去世遠矣，信其聖且賢者，質諸書焉耳。翼之先生與予並世，非若孔孟之遠也。聞薦紳先生所稱述，又詳於書，不待見而後知其人也。歎慕之不足，故作是詩。

先生天下豪傑魁，胸臆廣博天所開；文章事業望孔孟，不復睥睨蔡與崔。十年留滯東南州，飽足藜藿安蒿萊；獨鳴道德警此民，民之聞者源源來；高冠大帶滿門下，舊如百蟄乘春雷；惡人沮服善者起，昔時躑躅今蹇回；先生不試乃能爾，誠令得志如何哉！苦願聖帝榮太平，補葺廊廟枝傾頽；披旒發纒廣耳目，照徹山谷多遺材；先收先生作梁柱，以次構架桷與椽；羣臣面向帝深拱，仰戴堂陛方崔嵬。

得曾子固書因寄

始吾居揚日，重問每見及；云將自親側，萬里同講習。子行何舒舒，吾望已汲汲；窮年夢東南，顏色不可挹。仁賢豈欺我，正恐事維繫；嚴親抱憂衰，生理賴以給；不然航江外，天寒北風急；無乃山路惡，僕弱馬行澁；孤懷未肯開，歲物忽如蟄；竭來高郵住，巷屋頗卑濕；蓬蒿稍芟除，茅竹隨補葺；苟云禦風氣，尙恐憂雨汁；故人莫在眼，屢獨開巾笈；忠信

蓋未見，吾敢誣茲邑；出關誰與語，念子百憂集；眺聽聊自放，日暮城頭立；徐歸坐當戶，使者操書入；時開識子意，如渴得美漬；驪駒日就道，玉手行可執；舊學待鐫磨，新文得刪拾；重登城頭望，喜氣滿原隰。

### 寄虔州江陰二妹

買水日夜下，下與章水期；我行二水間，無日不爾思。飄若越鳥北，心常在南枝；又如歧首蛇，南北兩欲馳。逝者日已遠，百憂詎能追；生存苦乖隔，邂逅亦何時！女子歸有道，善懷見於詩；庶云留汝車，慰我堂上慈。

### 登越州城樓

越山長青水長白，越人長家山水國；可憐客子無定宅，一夢三年今復北。浮雲縹緲抱城樓，東不見空回頭；人間未有歸耕處，早晚重來此地遊。

### 憶昨詩示諸外弟

憶昨此地相逢時，春人窮谷多芳菲；短垣困困冠翠嶺，蹕躡萬樹紅相圍。幽花媚草錯雜出，黃蜂白蝶參差飛；此時少壯自負恃，意氣與日爭光輝。乘閒弄筆戲春色，脫略不省旁人



譏；坐欲持此博軒冕，肯言孔孟猶寒饑。丙子從親走京國，浮塵盆並緇人衣；明年親作建昌吏，四月挽船江上磯。端居感慨忽自寤，青天閃爍無停暉；男兒少壯不樹立，挾此窮老將安歸！吟哦圖書謝慶弔，坐室寂寞生伊威；材疎命賤不自揣，欲與稷契遐相希。晏天一朝畀以禍，先子泯沒子誰依？精神不離肝肺絕，昔血被面無時晷。母兄呱呱泣相守，三載厭食鐘山薇；屬聞降詔起羣彥，遂自下國趨王畿。刻章琢句獻天子，釣取薄祿歡庭闈；身著青衫手持版，奔走卒歲官淮沂。淮沂無山四封瘴，獨有廟塔尤峨巍；時時憑高一悵望，想見江南多翠微。歸心動蕩不可抑，靈若猛吹飈旌旂；騰書漕府私自列，仁者惻隱從其所。暮春三月亂江水，勁櫓健帆如轉機；還家上堂拜祖母，奉手出涕縱橫揮。出門信馬向何許，城郭宛然相識稀；永懷前事不自適，欲指舅館接山扉。當時髻兒戲我側，於今冠佩何頎頎；況復巨奠滿秋色，蜂蝶摧藏花莫腓。令人感嗟千萬緒，不忍倉卒回驂騑；留當開樽強自慰，邀子劇飲毋子違。



# 王安石全集卷十四

## 律詩五言

### 欣會亭

數家鄰水竹，一塢共雲林；晚食靜適已，獨謠欣會心。移牀隨漫興，操筴取幽尋；未愛神錐汝，猶憐妙斲琴。

### 東臯

起伏晴雲徑，縱橫暖水陂；草長流翠碧，花遠沒黃鸝。楚製從人笑，吳吟得自怡；東臯興不淺，遊走及芳時。

### 歲晚

月映林塘澹，風含笑語涼；俯窺憐淨綠，小立佇幽香。攜幼尋新葯，扶衰坐野航；延緣久未已，歲晚惜流光。

半山春晚卽事

春風取花去，酬我以清陰；翳翳陂路靜，交交園屋深。牀敷每小息，杖履或幽尋；惟有北山鳥，經過遺好音。

欵眠

翠幙卷東岡，欵眠月半牀；松聲悲永夜，荷氣馥初涼。清話非無寄，幽期故不忘；扁舟亦在眼，終自懶衣裳。

露坐

露坐看溝月，飄然風度荷；珠跳散作點，金湧合成波。老失芳歲易，靜知良夜多；陵秋久不寐，吾樂豈弦歌。

山行

出寫清淺景，歸穿蒼翠陰；平頭均楚製，聾耳嗣吳吟。暮嶺已佳色，寒泉仍好音；誰同此真意，倦鳥亦幽尋。

題雩祠堂

在寶公塔院

斯文實有寄，天豈偶生才？一日鳳鳥去，千秋梁木摧。煙留衰草恨，風造暮林哀。豈謂登臨處，飄然獨往來。

定林

漱甘涼病齒，坐曠息煩襟。因脫水邊履，就敷巖上衾。但留雲對宿，仍側目相尋。眞樂非無寄，悲蟲亦好音。

送張甥赴青州幕

人情每期費，之子適予心。老餞城東陌，悲分歲暮襟。少留班露草，遂往隔雲林。未覺青丘遠，因風嗣好音。

送張宣義之官越幕二首

會稽遊宦鄉，海物錯句章。土潤箭萌美，水甘茶串香。今君誠暫屈，他日恐難忘。唯有西興渡，靈胥或怒張。

一一

誰謂貴公子，乃如寒士家。眞宜舉敦樸，已自勝浮華。洲荻藏迷子，溪篔擁若耶。相望

只在眼，音問莫言賒。

### 送贊善張軒民西歸

柴荆雀有羅，公子數經過；邂逅相知晚，從容所得多。百憂生暮齒，一笑隔滄波；早晚西州路，遙聽下坂珂。

### 送鄧監簿南歸

不見驪塘路，茫然四十春；長爲異鄉客，每憶故時人。水閣公三世，雲浮我一身；濠梁送歸處，握手但悲辛。

### 秋夜二首

客臥書顛倒，蟲鳴坐寂寥；殘燈生暗暈，重露集寒條。真樂閑尤見，深禪靜更超；此懷無與晤，擁鼻一長謠。

### 二

幔逗長風細，窗留半月斜；浮煙暝綠草，泫露冷黃花。獨曳綠雲策，仍尋渡水槎；歸時參夜半，鄰犬靜中譁。

卽事

徑暖草如積，山晴花更繁；縱橫一川水，高下數家村。靜憩雞鳴午，荒尋犬吠昏；歸來  
向人說，疑是武陵源。

晝寢

甲子四月十七日午時作

井逕從蕪漫，青藜亦倦扶；百年唯有且，萬事總無如。棄置蕉中鹿，驅除屋中烏；獨眠  
牕日午，往往夢華胥。

過故居

泝棧開新屋，扶輿遶故園；事遺心獨寄，路翳目空存。野果寒林寂，蠻花午簟溫；難忘  
舊時處，欲宿愧桑門。

雁

北去還爲客，南來豈是歸？倦投空渚泊，饑帖冷雲飛。垣柵雞長暖，溝池鷺自肥；憐渠  
不知此，更墮野人機。

與道原過西莊遂遊寶乘

元豐四年十月二十四日

桑楊（一作麻）已零落，藻荇亦（復作一）消沈；園宅在人境，歲時傷我心。強穿西（一作南）塋路，共望北山岑；欲覓（一作與）道人語，跨鞍聊一尋。

一一

親朋會合少，時序感傷多；勝踐聊爲樂，清談可當歌。微風淡水竹，淨日暖煙蘿；與極猶難盡，常如薄暮何。

送陶氏婦兼寄純甫

雲結川原暗，風連草木萎；遙瞻季行役，正對女傷悲。夢事中千變，生涯老百罹；更慚無道力，臨路涕交頤。

自府中歸寄西庵行詳

意衰難自力，扶路便思還；強逐蕭蕭水，遙看慘淡山。行尋香草遍，歸漾晚雲閒；西崦分明見，幽人不可攀。

贈上元宰梁之儀承議

梁多留在詩江寧僧舍

白下有賢宰，能歌如紫芝；民欺自不忍，縣治本無爲。風月誰同賞，江山我亦思；粉牆



侵醉墨，悵悵綠苔滋，

### 贈殊勝院簡道人

早悟者山善，今爲洛社豪，有生常寂寞，所得是風騷。露夕吟逾苦，雲收思共高，此懷差自適，千社一牛毛。

### 懷吳顯道

南郭紅亭冷，西山白道曛，江光凌翠氣，洲色亂黃雲。歲暮誰邀客，情親故憶君，天涯獨惆悵，歸鳥黑紛紛。

### 靜照堂

任公躡會稽，海上得招提，淨觀堂新構，幽尋客屢攜。飛簷出風雨，灑翰落虹霓，投老黃塵陌，東看路恐迷。

### 重遊草堂次韻三首

垣屋荒葛藟，野殿冷檀沈，鶴有思顛意，鷹無戀道心。禪房閉深竹，齋鉢度遙岑，寂寞黃塵裏，金身倚一尋。

一一

僧殘尚食少，佛古但泥多；寒守三衣法，饑傳一鉢歌。寬閑每迸竹，危朽漫牽蘿；惛悞庭前柏，西來意若何。

三

野寺眞蘭若，山僧老病多；疎鐘挾谷響，悲梵入樵歌。水映茅簷竹，雲埋蕙女蘿；拂塵書所見，因得擬陰何。

### 題齊安寺山亭

此山無躑躅，故國有楊梅；悵望心常折，慙懃手自栽。暮年逢火改，晴日對花開；萬里鳥塘路，春風自往來。

### 自白門歸望定林有寄

蹇蹙愁石路，余亦倦躋攀；不見道人久，忽然芳歲殘。朝隨雲暫出，暮與鳥爭還；杳杳青松壑，知公在兩間。

### 宿定林示無外

行移周

天女穿林至，姮娥度隴來；欲歸今畹晚，相值且徘徊。誰謂我忘老，如聞蟲造哀；鄰衾亦不寐，共盡白雲杯。

### 宿北山示行詳上八

郡城羈旅日，獨許上人賢；誰爲孤峯上，還來宴坐邊。是身猶夢幻，何物可攀緣；坐對青燈落，松風咽夜泉。

### 獨飯

窗明兩不借，榻淨一籬條；栩栩幽人夢，天天老者居。安能問香積？誰可告華胥；獨飯牆陰轉，看雲坐久如。

### 草堂

草堂今寂寞，往事翳山椒；蕙帳空留鶴，蘿衣終換貂。生皆墮天裘，隱或寄公朝；蠶穎何勞怒，東風汝自搖。

### 示耿天隲

挾策能傷性，捐書可盡年；弦歌無舊習，香火有新緣。白土長岡路，朱湖小洞天；望公

時顧我，於此暢幽情。

### 光宅

今知光宅寺，牛首正當門；臺殿金碧毀，丘墟桑竹繁。蕭蕭新犢臥，冉冉暮鷗翻；回首千歲夢，雨花何足言。

### 示無外

支頤橫口語，椎髻曲肱眠；莫問誰賓主，安知汝輩年。鄰雞生午寂，幽草弄秋妍；卻憶東窗簾，蠻藤故宛然。

### 北山暮歸示道人

千山復萬山，行路有無間；花發蜂遞繞，果垂猿對攀。獨尋寒水度，欲趁夕陽還；天黑月未上，兒童初掩關。

### 懷古二首

日密畏前境，淵明欣故園；那知飯不賜，所喜菊猶存。亦有牀座好，但無車馬喧；誰爲吾侍者，稚子候柴門。

一一

長者一牀室，先生三徑園；非無飯滿鉢，亦有酒盈樽。不起華邊坐，常開柳際門；漫知談實相，欲辯已忘言。

### 與寶覺宿精舍

擾擾復翩翩，秋牀燭屢昏；真爲說萬物，豈止挾三言？問義曹溪室，捐書闕里門；若知同二妄，目擊道逾存。

### 中書偶成

忽忽余年往，茫茫不自知；慙慙照清淺，邂逅見衰遲。輔世無賢業，容身有聖時；歸歟今可矣，何以長人爲？

### 華藏寺會故人

得泉字

百憂成阻闕，一笑得留連；城郭西風裏，園林落照前。共知官似夢，莫負酒如泉；興罷重攜手，江湖卽渺然。

### 求全

求全傷德義，欲速累功名；玉要藏而待，苗非揠故生。未妨徐出畫，何苦急墮成；此道今亡矣，嗟誰可與明。

### 秋風

擊斂一何饜，天機亦自勞；牆隈小飜動，屋角盛呼號。漠漠驚沙密，紛紛斷柳高；江湖豈在眼？昨夜夢波濤。

### 次韻昌叔歲暮

城雲漏日晚，樹凍裏春深；摻密魚雖暖，巢危鶴更陰。橫風高曠弩，殘溜細鳴琴；歲換兒童喜，還傷老大心！

### 次韻酬昌叔羈旅之作

君方困旅食，子亦誤朝簪；自索東方米，誰多季子金？高門萬馬散，窮巷一燈深；客主竟何事，蕭條梁父吟。

# 王安石全集卷十五

## 律詩五言

### 次韻唐八公三首

#### 東陽道中

山蔽吳天密，江蟠楚地深；浮雲堆白玉，落日寫黃金。渺渺隨行旅，紛紛換歲陰；強將詩詠物，收拾濟時心。

#### 江行

材非當世用，轂有故人推；使節春冬換，征帆日夜開。南遊取於越，東望得州來；試盡風波惡，生涯亦可哀。

#### 旅思

此身南北老，愁見問征途；地大蟠三楚，天低入五湖。看雲心共遠，步月影回孤；慷慨

秋風起，悲歌不爲鱸。

烏塘

地僻居人少，山稠伏獸多；怒狸朝搏雁，曉虎夜窺騾。籬落生孫竹，門庭上女蘿；未應  
悲寂寞，六載一經過。

欲歸

水漾青天暖，沙吹白日陰；寒垣春錯莫，行路老侵尋。綠稍還幽草，紅應動故林；留連  
一杯酒，滿眼欲歸心。

發館陶

促轡數殘更，時聞雞一鳴；春風馬上夢，沙路月中行。笳鼓遠多思，衣裘寒始輕；稍知  
田父穩，燈火閉柴荆。

王村

曉靄王村路，春風北使旗；塵摧輕騎走，寒咽短蕭吹。攬轡聯貂帽，投鞭各酒卮；紛紛  
小兒女，何事倚牆窺？



長垣北

攬轡長垣北，貂寒不自持；霜風急鼓吹，煙月暗旌旗。騎火流星點，牆桑亞戟枝；柴荆掩春夢，誰見我行時。

冬日

擾擾今非昔，漫漫夜復晨；風沙不貸客，雲日欲迷人。散髮愁邊老，開顏醉後春；轉思江海上，一洗白綸巾。

壬辰寒食

客思似楊柳，春風千萬條；更傾寒食淚，欲漲冶城潮。巾髮雪爭出，鏡顏朱早雕；未知軒冕樂，但欲老漁樵。

雨中

尙疑櫻欲吐，已怪菊成漂；紫萸淩風怯，青苔挾雨驕。鏡閑故有味，多難自無聊；牢落柴荆晚，生涯付一瓢。

宿雨

綠攪寒蕪出，紅爭暖樹歸；魚吹塘水動，雁拂塞垣飛。宿雨驚沙盡，晴雲晝漏稀；卻愁春夢短，燈火著征衣。

乘日

乘日塞垣入，御風塘路歸；胡皆躍馬去，雁卻背人飛。煙水吾鄉似，家書驛使稀；忽忽照顏色，恨不洗征衣。

秋露

日月凋何急，荒庭露送秋；初疑宿雨泫，稍怪曉霜稠。曠野將馳獵，華堂已御裘；空令半夜鶴，抱此一端愁。

還自河北應客

魏客問謠俗，舊傳今自如；材難知驥馬，味美賽河魚。塞水移民久，川防動衆初；北人雖異論，時議或非疎。

將次洺州憩漳上

漠漠春風裏，茸茸綠未齊；平田鷄散啄，深樹馬迎嘶。地入河流曲，天隨日去低；高城

已在眼，聊復解輕齋。

### 和仲庶夜過新開湖憶冲之冲涂共泛

水遠浮秋色，河空洗夜氛；行隨一明月，坐失兩孤雲。露髮此時濕，風顏何處醺；淹留各有趣，不比漢三君。（白樂天有二處成孤雲之句）

### 送契丹使還次韻答淨因老

老欲求吾志，時方撫我華；強將愁出塞，空得病還家。日轉山河暖，風含草木葩；勝遊思一往，不敢問三車。

### 送吳叔開南征

摻袂不勝情，犀舟擊汰行；倦遊無萬里，惜別有千名。春草淒淒綠，江楓湛湛青；金陵多麗景，此去屬蘭成。

### 遊棲霞庵約平甫至因寄

渺渺林間路，蕭蕭物外僧；高陰涼易入，閑貌老難增。官事真傷錦，君恩更飲冰；求田此山上，終欲忤陳登。

和棲霞寂照庵僧雲渺

平甫

蕭然一世外，飛樂有誰同？宴坐能忘老，齋蔬不過中。無心爲佛事，有客問家風。笑謂西來意，雖空亦不空。

宜春苑

宜春舊臺沼，日暮一登臨。解帶行蒼蘚，移轡（一作鞍，）坐綠陰。樹疎啼鳥遠，水靜落花深；無復增修事，君王惜費金。

春日

冉冉春行暮，非非物競華。鸞獨求舊友，鷲不肯貧家。室有賢人酒，門無長者車。醉眠聊自適，歸夢到天涯。

癸卯追感正月十五事

正月端門夜，金輿縹緲中。傳觴三鼓罷，縱觀萬人同。警蹕聲如在，嬉遊事已空。但令千載後，追詠太平功。

晚興和沖卿學士

剌剌風生晚，娟娟月上初。白沙眠綠驪，清浪浴鱗魚。竟欲從君飲，猶便讀我書。斜陽不到處，牆角樹扶疎。

### 耿興和沖卿

雲浮朝慘淡，風起夜颼颼。欲作冰霜地，先迴草樹秋。征人倚笛怨，思婦向砧愁。爲問隨陽雁，哀鳴豈有求！

### 次韻沖卿除日立春

猶殘一日臘，併見兩年春。物以終爲始，人從故得新。迎陽朝翦綵，守歲夜傾銀。恩賜隨嘉節，無功祗自塵。

### 題友人郊居水軒

田中三畝宅，水上一軒開。爲有漁樵樂，非無仕進媒。槎頭收晚釣，荷葉卷新醅。坐說魚腴美，功名挽不來。

### 遊賞心亭寄虔州女弟

秀發千峰霧，清涵萬里秋。滄江天上落，明月鏡中流。眼與魂俱斷，身依影獨留。爲憐

幽興極，不見爾來遊。

### 江亭晚眺

日下崦嵫外，秋生沆碭間；清江無限好，白鳥不勝閑。雨過雲收嶺，天空月上灣。歸鞍侵調角，回首六朝山。

### 金山寺

重經高處寺，一與白雲親；樹木有春意，江山如故人。幽軒含氣象，偏影落風塵；日暮臨歸去，徘徊欲損神。

### 揖仙閣

結閣揖仙子，疏塘隱翠屏；水花紅四出，山竹翠相圍。雲度疑棋下，鳧驚恐鳥飛；蜀糧寧可恃，投釣此忘歸。

### 舟夜卽事

火炬臨遙岸，餘光照客船；水明魚中餌，沙暖鷺忘眠。感慨無窮事，遲回欲曉天；山泉如有意，枕上送潺湲。

何處難忘酒二首

擬白樂天作

何處難忘酒，英雄失志秋；廟堂失莽卓，巖谷死伊周。賦斂中原困，干戈四海愁。此時無一盞，難遣壯圖休。

二

何處難忘酒，君臣會合時；深堂拱堯舜，密席坐臯夔。和氣襲萬物，歡聲連四夷；此時無一盞，真負鹿鳴詩。

送孫子高

蕩漾江南客，融怡席上珍；一罇相別酒，千里獨歸人。客路貧堪病，交情遠更親；自慚兒女意，失淚滴衣巾！

送董傳

悠悠隴頭水，日夜向西流；行路未云已，歸人空復愁。文章合用世，顏髮未驚秋；一聽秦聲罷，還來上國遊。

寄深州鼂同年

秀色歸荒隴，新聲換鬣毛；日催花藥急，雲避雁行高。駐馬旌旗暖，傳觴鼓吹豪；班春知不負，短髮爲君搔。

白雲然師

白首一山中，形骸槁木同；苔爭庵徑路，雲補衲穿空。塵土隨東轍，波濤信施工；昏昏老南北，應謝此高風。

自白土村入北寺二首

木杪日家出，城陰野逕分；溜渠行碧玉，畦稼臥黃雲。薄槿胭脂染，深荷水麝焚；夕陽人不見，雞鶩自成羣。

二

雨過百泉出，秋聲連衆山；獨尋飛鳥外，時渡亂流間。坐石偶成歇，看雲相與還；會須營一畝，長此聽潺湲。

題朱郎中白都莊

蕭灑桐廬守，滄洲寄一廛；山光隔釣岸，江氣雜炊煙。藜杖聽鳴舫，籃輿看種田；明時



須共理，此興在他年。

### 史教授獨善堂

湖海十年舊，林塘三畝餘；靜非談者隱，貧勝富人居。列鼎亦何有？幅巾聊自如；猶應不獨善，學子滿階除。

### 寄福公道人

帝力護禪林，滄洲側布金；樓依水月觀，門接海潮音。開士但軟語，遊人多苦吟；曾同方丈宿，燈火夜沉沉。

### 身閒

身閒宜晚食，歲宴忌晨興；人自嘲便腹，吾方樂曲肱。睡蛇雖不去，夢虺已無憑。寄語中林客，思禪病未能。

### 還家

還家豈不樂，生事未應閑。朝日已復出，征鞍方更攀。傷心百道水，闔目萬重山。何以忘羈旅，悠然醉夢間。

題湯泉壁示諸子有欲閑之意

吟哦一水上，披寫衆峯間，偶運非彭澤，留名此岷山。君才今高稷，家行古原顏。平世雖多士，安能易地閑。

和唐公舍人訪淨因

西城方外士，傳法自南華。高蹈玩一世，旁通兼數家。來遊仁者靜，傳詠正而葩。乘興何時載？還能託後車。

沂溪懷正之

故人何處所？天角浪漫漫；寂寞斷音驛，徘徊愁肺肝！世情紛可怪，旅況浩難安。願化東南鶴，高飛託羽翰。

答許秀才

秀目錄作茂

高陽有才子，負笈求晨饘。飛越少知者，其辭多慨然。樵妻竟謝絕，漂母嘗哀憐。尙友古之人，於今猶壯年。

王安石全集卷十五終

# 王安石全集卷十六

律詩五言 五言長律附

## 次韻景仁雪霽

新聲生屋雷，殘點着垣衣；委翳無多在，飄零不更飛。坳中餘宿潤，暖處自朝暉；稍見青青色，還從柳上歸。

## 次韻范景仁二月五日夜風雪

何知此邂逅，談笑接清揚；對雪知春淺，回燈惜夜長。密雲通炫晃，殘月墮冥茫。故有臨邛客，抽毫興未忘。

## 次韻沖卿過睢陽

宮廟此神鄉，留親泊楚艫。天開今壯麗，地積古悲涼。不改山河舊，猶餘草木荒；還聞足賓客，誰是漢鄒陽？

答冲卿

風作九衢黃，南昌坐正涼。破瓜青玉美，浮薺白雲香。詩懶猶能強，官閑肯便忘。賢愚各有用，尺寸果誰長。

得書知二弟附陳師道舟上汴

兒童聞太丘，邂逅兩心投。與汝今爲伴，知吾不復憂。園桃已解萼，沙水欲驚舟。一見南飛雁，江邊肯更留。

初憩和州

衣足一囊弊，粟餘三釜陳。猶依食貧地，已媿省煩人。塵上病催老，風波愁過春。詩書今在眼，還欲討經綸。

瘧起舍弟尙未已示道原

側足呻吟地，連薺瘧瘧秋。窮鄉醫自細，小市藥難求。肝膽疑俱破，筋骸漫獨瘳。慚君遠從我，契闊每同憂。

送杜十八之廣南

東南炎海外，尋訪又輸君。過嶺猿啼暖，倉程馬送曛。清談消瘴癘，秀句起煙雲。及早來鄉薦，朝廷尙右文。

· 岷山慧聚寺次張祐韻

峯嶺互出沒，江湖相吐吞。園林浮海角，臺殿擁山根。百里見漁艇，萬家藏水村。地偏來客少，幽興祗桑門。

吳江

莽莽昔登臨，秋風一散襟。地留孤嶼小。天入五湖深。柑橘無千里，魚鰕有萬金。吾雖輕范蠡。終欲此幽尋。

江

靈源開闢有，贏縮但相隨；逆折山能礙，奔流海與期。泥沙折蚌蛤，雲雨暗蛟螭；欲問深何許？馮夷祗自知。

江南

江南春起柁。秋至尙波濤。問舍才能定，呼舟已復操。行歌付浩蕩，歸夢得蕭騷。冉冉

欲何補？紛紛爲此勞。

賈生

漢有洛陽子，少年明是非；所論多感慨，自信肯依違。死者若可作，今人誰與歸！應須蹈東海，不但涕沾衣。

還自舅家書所感

行行過舅居，歸路指親廬；日苦樹無賴，天空雲自如。黃焦下澤稻。綠碎短樊蔬；沮溺非吾意。惘嗟聊駐車。

世事

世事一可稠，論心日已偷；尙蒙今士笑，宜見古人羞。老圃聊須問，良田亦欲求。非關畏黻冕，無責易身修。

寄純甫

塞上無花草，飄風急我歸；稍林聽澗落，卷土看雲飛，想子當紅藥。思家上翠微；江寒亦未已，好好著春衣。

### 招丁元珍

默默不自得，紛紛何所爲。書邊聊取食，獵較且隨時。秋入江湖暗，風生草樹悲。黃花一杯酒，思與故人持。

### 遊杭州聖果寺

登高見山水，身在水中央；上視樓臺處，空多樹木蒼。浮雲連海氣；落日動湖光；偶坐吹橫笛，殘聲入富陽。

京兆杜嬰大醕能讀書其言近莊其爲人曠達而廉清目託於醫無貴賤請之輒往卒也以詩二首傷之

蕭瑟野衣巾，能忘至老貧；避囂依市井，蒙垢出埃塵。接物工齊物，勞身恥爲身；傷心宿昔地，不復見斯人。

### 一一

叔度醫家子，君平卜肆翁，肅條昨日事，髣髴故人風。舊宅雨生菌，新阡寒轉蓬；存亡誰一問，嗟我亦窮空！

江上

潮連風浩蕩，沙引客淹留；落日更清坐，空江無近舟。共看葦葦宅，聊卽稻粱謀。未敢  
嗟艱食，凶年半九州。

二

書自江邊使，鄉鄰病餓稠；何言萬里客，更作百身憂。補敗今誰卹，趨生我自羞；西南  
雙病眼，落日倚扁舟。

夏夜舟中頗涼因有所感

扁身畏朝熱，望夜倚危檣；日共火雲退，風兼水氣涼。未秋輕病骨，微曙浣愁腸；堅我  
江湖意，滔滔興不忘。

孤桐

天質白森森，孤高幾百尋；陵霄不屈己，得地本虛心。歲老根彌壯，陽驕葉更陰；明時  
思解慍，願斲五絃琴。

遲明



欹枕浩無情，遶遶獨遲明；霜繁紅樹老，雲月素蟾清。倦鵲猶三市，寒雞未一鳴。故山何處所，應有曉猿驚。

### 陪友人中秋夕賞月

海霧看如洗，秋陽望卻昏；光明疑不夜，清瑩欲無垠。掃掠風前坐，留連露下尊；苦吟應到曉，況有我思存。

### 慎縣修路者

春築今三歲，康莊始一修。何言野人意，能助令君憂。戮力非無補，論心豈有求。十年空志食，因汝起予羞。

### 河勢

河勢浩難測，禹功傳所聞；今觀一川破，復以二渠分。國論終將塞，民嗟亦已勤；無災等難必，從衆在吾君。

### 送河間鼂寺丞

公孫富文墨，名字世多知。談笑取高第，弦歌當此時。臨河薪石費，近塞繭絲移。緩急

常愁此，看君有所爲。

### 暮春

春期行晚晚，春意賸芳菲。曲水應修楔，披香未試衣。雨花紅半墮，烟樹碧相依。悵望夢中地，王孫底不歸。

### 遊北山

攬轡出東城，登臨目暫明。煙雲藏古意，猿鶴弄秋聲。客坐苔紋滑，僧眠樾蔭清。賞心殊未已，山下日西榮。

### 吳正仲謫官，得故人寄蟹以詩謝之，余次其韻。

越客上荆卮，秋風憶把螯。故煩分巨跪，持用佐清糟。飲量寬滄海，詩鋒捷孟勞。甘滄飽觴詠，餘事付鈞陶。

### 陳師道宰烏程縣

嘗聞太丘長，德不負公卿。墟墓今千載，昆雲亦一城。本懷深閉蓄，餘論略施行。故自有仁政，能傳家世聲。

冬至

都城開博路，佳節一陽生，喜見兒童色，歡傳市井聲。幽閑亦聚集，珍麗各攜擎。卻憶  
外年事，關商閉不行。

湯泉

寒泉詩所詠，獨此沸如蒸。一氣無冬夏，諸陽自廢興。人游不附火，蟲出亦疑冰。更憶  
驪山上，歛然雲滿脰。

讀鎮南邸報癸未四月作

賜詔寬言路，登賢壯陛廉。相期正在治，素定不煩占。衆喜夔龍盛，予虞絳灌儉。太平  
詎可致，天意慎猜嫌！

擬和御製賞花釣魚

雲暖蓬萊日，風酣太液春。水光承步輦，花氣入鈎陳。伏檻留清蹕，傳觴屬從臣。霏香  
連釣餌，落葉亂游鱗。鎬飲恩知厚，衢樽賜願均。更看追夏諺，先知詠逢辰。

和吳冲卿雪霽紫宸朝

虎士開闔闔，雞人唱九霄；雲移銀闕角，日轉玉廊腰；箠動川收潦，靴鳴海上潮；舞袍沾宿潤，拜笏擁殘飄；賜飲人何樂，歸嘶馬亦驕；低徊但忘食，吟咏得逍遙。

### 和吳冲卿集禧齋祠

緘封祝辭密，占寫御名真；帝坐遙臨物，星圖俯映人；風含煙外節，月點霧中茵；沈壺升煙遠，槐檀取燎新；羽衣歸寂寞，金鏤立逡巡；卻想來時路，還疑隔一塵。

### 送周都官通判湖州

淶水烏程地，青山顧渚濱；酒醪猶美好，茶薺正芳新；聚泛樽前月，分班焙上春；仁風已入俗，樂事始關身；橘柚供南貢，楓槐望北辰；知君白羽扇，歸日未生塵。

### 雙廟

張巡許遠

兩公天下駿，無地與騰驤；就死得處所，至今猶耿光；中原擅兵革，昔日幾侯王；此獨身如在，誰令國不亡；北風吹樹急，西日照窗涼；志士千年淚，泠然落奠觴。

### 和子瞻同王勝之游蔣山

并序

子瞻同王勝之游蔣山有詩，余愛其峯多巧障日，江遠欲浮天之句，因次其韻。

金陵限南北，形執豈其然？楚役六千里，陳亡三百年。江山空幕府，風月自旣船。主迷悲涼岸，妃理想故蓮。臺傾鳳久去，城踞虎爭偏。司馬墻廟域，獨龍層塔顛。森疎五願木，蹇淺一八泉。柅杖窮諸嶺，籃輿罷半天。朱門園淥水。碧瓦第青煙。墨客真能賦。留詩野竹娟。

### 送鄆州知府宋諫議

盛世千齡合，宗工四海瞻。天心初籲俊，雲翼首離潛。德望完圭角，儀形壯陛廉。徐鳴蒼玉佩，盡校碧牙籤。綸掖清光注，鑾坡茂渥霑。文明誠得主，政瘼尙煩砭。右府參機務，東塗贊景炎。廟謨資石畫，兵略倚珠鈐。坐鎮均勞逸，齋居養智恬。謳謠喧井邑，惠化穆蒼黔。進律朝章舊，疏恩物議僉。通班三殿邃，徙部十城兼。申甫周之翰。龜蒙魯所詹。地靈奎宿照，野沃汶河漸。首路龍旗盛，提封虎節嚴。賜衣纏紫艾，衛甲綴朱綬。海谷移文省，谿堂燕豆添。班春回紺幟，問俗卷彤襜。舟楫商巖命，熊羆渭水占。治裝行人覲，金鼎重調鹽。

### 見遠亭上王鄆中

高亭豁可望，朝暮對谿山。野色軒楹外，霞光几席間。樹侵蒼靄沒，鳥背夕陽還。草帶  
平沙闊，煙籠別戍閑。圃畦荷氣合，田徑燒痕斑。樵笛吟晴塢，漁帆出暝灣。登臨及芳節，  
宴喜發朱顏。夾砌陳旌旆，褰簾進珮環。觀風南國最，應宿紫宸班。康樂詩名舊，蕪音詎可  
攀。

# 王安石全集卷十七

## 律詩七言

### 歲晚懷古

先生歲晚事田園，魯叟遺書廢討論。問訊桑麻憐已長，按行松菊喜猶存。農人調笑追尋壑，稚子歡呼出候門。遙謝栽膠祛惑者，吾今欲辯已忘言。

### 段約之園亭

愛公池館得忘機，初日留連至落暉。菱暖紫鱗跳復沒，柳陰黃鳥囀還飛。徑無凡草唯生竹，盤有嘉蔬不采薇。勝事閩州雖或有，終非吾土豈如歸。

### 又段氏園亭

欹眠隨水轉東垣，一點炊煙映水眠。漫漫芙蓉難覓路，脩脩楊柳獨知門。青山呈露新如染，白鳥嬉游靜不煩。朱雀航邊今有此，可能搖蕩武陵源。

回橈

柴荆散策靜涼颿，隱几扁舟白下潮。紫磨月輪升靄靄，帝青雲幕卷寥寥。數家雞犬如相識，一塢山林特見招。尙憶木瓜園最好，興殘中路且回橈。

醖醖金沙二花合發

相扶照水弄春柔，發似矜夸斂似羞。碧合晚雲霞上起，紅爭朝日雪邊流。我無丹白知如夢，人有朱鉛見卽愁。疑此治容詩所忌，故將樛木比綢繆。

次韻公闢正議書公戲語申之以祝助發一笑

故人辭祿未忘情，語我猶能作扞城。身不自遭如貢辭，兒應堪教比韋平。老罷豈得長高臥，雛鳳仍聞已間生。把盞祝公公莫拒，緇衣心爲好賢傾。

次韻致遠木人洲二首

迷子山前漲一洲，木人圖志失編收。年多但有柳生肘，地僻獨無茅蓋頭。河側鮑生乾尙立，江邊屈子槁將投。未妨他日稱居士，能使君疑福之求。



枳爾何年客此洲，飄流誰棄止誰收。無心使口肝使目，有幹作身根作頭。暴露神靈難寄託，麟祠村落幾依投。紛紛翦紙真虛負，立稿安知富可求。

次韻幽龔深甫二首

恩容楚老護松楸，復得一龔從我遊。講肄劇談兼祖謝，舞雩高蹈異求由。北尋五柞故乘慙，東挽三楊仍有樛。陟巘降原從此始，但無瑤玉與君舟。

二

握手東岡雪滿簷，後期惆悵老吳蠶。芳辰一笑真難值，暮齒相思豈久堪。他日杜詩傳渭北，幾時胡宅對漳南。百年邂逅能多少，且可勤來共草菴。

次葉致遠韻

生涯聊占水中洲，豈即乘桴逐聖丘。身與鳧飛仍雁集，心能茅久亦波流。由來杞梓常先伐，誰謂菰蒲可久留？乘興吾慮知未厭，故移修竹徵延騶。

（一作：知君聊占水中洲，去即東浮逐聖丘。憂國無時須問舍

，得抵有興即乘流。由來要路當先據，誰謂窮鄉可久留？他日五湖尋范蠡，想能重此駐前騶。）

次韻酬朱昌叔五首

點也自殊由與求。既成春服更何憂。拙於人合且天合，靜與道謀非食謀。未愛京師傳谷口，但知鄉里勝壺頭。嗟上老矣無一事，復得此君相與遊。

二

去年音問隔淮州，百謫難知亦我憂。前日杯盤共江渚，一歡相屬豈人謀。山蟠直瀆輸淮口，水抱長干轉石頭。乘興舟輿無不可，春風從此與公遊。

三

烏榜登臨興未休，共言何許更消憂。聯裾蕭寺尋真覺，方駕孫陵弔仲謀。語罷每開歡笑口，詩來仍掉苦吟頭。已知軒冕真吾累，且可追隨馬少游。

四

白下門東春水流，相看一噓散千憂。穿梅入柳曾莫逆，度壑緣岡初不謀。世事但如吹劍首，官身難卽問刀頭。長臨鍛竈真自苦，有興復來從我遊。

五

樂世閑身豈易求，巖居川觀更何憂。放懷自事如初服，買宅相招亦本謀。名譽子真矜谷

口，事功新息困壺頭，知君於此皆無累，長得追隨塘垠遊。

次韻送程給事知越州

千騎東方占上頭，如何誤到北山遊。清明若覩蘭亭月，暖熱因忘蕙帳秋。投老始知歡可惜，通宵豫以別爲憂。西歸定有詩千首，想肯重來賁一丘。

次韻酬徐仲元

投老逍遙配與堂，天刑眞已脫桁楊。緣源靜翳無魚淦，度谷深追有鳥顏。每茲交遊尋五柳，最嫌尸祝擾庚桑。相看不厭唯夫子，風味眞如顧建康。

詩奉送覺之奉使東川

三秋不見每惓惓，握手山林復悵然。後會敢期黃耆日，相看且度白雞年。畏途石棧王尊馭，榮路金門祖述鞭。一代官儀新藻拂，得瞻宸宇想留連。

次韻奉選覺之

久知乘傳入西州，雞黍從容本不謀。戶外驚塵尺書至，眼中飛浪片帆收。山林病骨煩三顧，湖海離腸欲萬周。尚有光華賁岑寂，篋中佳句得長留。

### 送程公闢得謝歸姑蘇

東歸行路嘆賢哉，碧落新除寵上才。白傅林塘傳畫去，吳王花鳥入詩來。唱和自有微之在，談笑應家逸少陪。（少保，元絳謝事居姑蘇，又）除此兩翁相見外，不知三徑爲誰開。

### 送項判官

斷蘆洲渚落楓橋，渡口長沙過午潮。山鳥自呼泥滑滑，行人相對馬蕭蕭。十年長自青衿識，千里來非白壁招。握手祝君能強飯，華簪當得從雞翹。

### 次韻張德甫奉議

知君非我戴醪人，終日相隨免汗茵。賞盡高山見流水，唱殘白雪值陽春。中分香積如來鉢，對現毗耶長者身。誰拂定林幽處壁，與君圖寫繼吾真。

### 北山三詠

#### 寶公塔

道林真骨葬青霄，四堵千秋未寂寥。寶勢旁連大江起，尊形獨受衆山朝。雲泉別寺分三徑，香火幽人止一瓢。我亦鶯峯同聽法，歲了歌頌豈辭遙。

覺海方丈

往來城府住山林，諸法備然但一音。不與物違真道廣，每隨緣起自禪深。舌根已淨誰能壞，足迹如空我得尋。歲晚北窗聊寄傲，蒲萄零落半牀陰。

道光泉

籊龍將雨繞山行，注遠投深靜有聲。雲涌浴槽朝自暖，如垂齋鉢午還晴。銅瓶各滿幽人意，玉甃因高正士名。神力可嗟妨智巧，桔槔零落使蒼生。

登寶公塔

倦童疲馬放松門，自把長筇倚石根。江月轉空爲白晝，嶺雲分暝與黃昏。鼠搖岑寂聲隨起，鴉矯荒寒影對翻。當此不知誰客主，道人忘我我忘言。

重登寶公塔復用前韻二首

空見方墳涌半霄，難將生死問參寥。應身東返知何國，瑞像西歸自本朝。遺寺有門非輦路，故池無鉢但僧瓢。獨龍下視皆陳迹，追數齊梁亦未遙。

碧玉旋螺恍隔霄，冠山仙冢亦寥寥。空餘華構延風月，無復靈蹤落市朝。帳座追嚴多獻寶，供盤隨施有操瓢。他方出沒還如此，與物何心作邈遙。

### 紙暖閣

聯屏蓋障一尋方，南設鈎簾北置床。側座對敷紅絮暖，仰牕分啓碧紗涼。氈廳易以梅蒸壤，錦幄終于草野妨。楚穀越藤真自稱，每糊因得減書囊。

### 雨花臺

盤互長干有絕陁，幷包佳麗入汪亭。新霜浦溆綿綿淨，薄晚林巒往往青。南上欲窮牛渚怪，北尋難忘草堂靈。便與卻走垂楊陌，已戴寒雲一兩星。

### 北牕

病與衰期每強扶，雞壘桔梗亦時須。空花根蒂難尋摘，夢境烟塵費掃除。着域藥囊真妄有，軒轅經匱或元無。北窗枕上春風暖，漫讀毗耶數卷書。

### 小姑

小姑未嫁與蘭支，何恨流傳樂府詩。初學水仙騎赤鯉，竟騎山鬼從文狸。繽紛雲鬢空棠

楫，綽約烟鬢獨桂旗。弄玉有祠終或往，飛瓊無夢故難知。

### 榮上人遽欲歸以詩留之

道人傳業自天台，千里脩然赴感來。梵行毗沙爲外護，法筵靈曜得重開。已能爲我邁神足，便可隨方長聖胎。肯顧北山如慧約，與公西崦斷莓苔。

### 呈陳和叔 并序

嘉祐末，和叔以集賢校理判登聞鼓院同知太常禮院皮場街，有園數畝，中置二椽，輒表丈，北戶臨溝，略約通街旁，作小屋，毀輜車爲蓋。某以直集賢院爲三司度支判官，以知制諸糾察在京刑獄同管旬三班，院間度約飯車蓋下，隨所有無，生臥輒上，笑語常至夜，如此三歲，而和叔遭太夫人憂，未幾，某亦喪親以去，時永昭陵尙未復土也。復與和叔皆蒙今上拔用，數會議，語皆憂傷之，餘責半，事叢無復故情。元豐元年，某食觀使祿，居鍾山南，和叔經略廣東，道舊悵然，某作詩以敘其事。

毀車爲屋僅容身，三歲相要薄主人。書寓棹輒常至夜，冬泐湯約復尋春。南陔不泊公歸里，蒼墓垂成我喪親。後會縱多無此樂，山林投老一傷神。

招呂望之使君

陸溝東路兩牛鳴，十畝漪漣一草亭。委質山林如許國，寄懷魚鳥欲忘形。紛紛易變浮雲白，落落難鍾老柏青。尙有使君同好惡，想隨秋水肯揚舲。

公關枉道見過獲聞新詩因敘歎仰

青丘神父能爲政，碧落僊翁好作詩。舊事齊兒應共記，新篇楚老得先知；懷輒大峴如迎日，供帳闔門勝去時。若與鷗夷門百少，錦囊佳麗適西施。

全椒張公有詩在北山西庵僧者爰之悵然有感

十年招悵躡山阡，終欲持杯滴到泉。東路角巾非故約，西州華屋漫脩椽。幽磴永隔休炊黍，真俗相妨久絕弦。遺壘每看疑邂逅，復隨人事散如煙。

嶺雲

蓼虫合處小盤桓，人得敷裘馬解鞍。寒莢著天榆歷歷，淨華浮海桂團團。交遊渙散淵明喜，吏卒蕭條叔夜寬。方丈老翁無一髮，更知來不爲皮冠。


蓼蟲



蓼蟲事業無餘習，芻狗文章不更陳。隱几自憐居喪我，倨堂誰覺似非人。難堪藏室稱中士，祇合箕山作外臣。尙有少緣灰未死，欲持新句惱比鄰。

莫疑

莫疑禪伯未知禪，莫笑仙翁不學仙。靈骨肯傳黃蘗燼，真心自放赤松煙；蓮華世界何關汝？楮葉工夫浪費年。露鶴聲中江月白，一燈岑寂擁書眠。



# 王安石全集卷十八

## 律詩七言

### 示俞秀老

繚繞山如涌翠波，人家一半在煙蘿，時豐笑語春聲早，地僻追尋野興多。翠塔朱萸開北向，招提素脊隱西阿。暮年要與君攜手，處處相煩作好歌。

### 外廚遺火示公佐

刀匕初無欲清（七姓切）人，如何竈鬼尙嫌嗔？脩脩短褐方場（一作圍）火，冉冉青烟已被宸。邂逅焚巢連鳥雀，倉黃濡幕愧比鄰。王陽幸有囊衣在，報賞焦頭亦未貧。

### 讀眉山集次韻雪詩五首

若木昏昏未有鷄，凍雷深閉阿香車。搏雲忽散筵爲屑，翳水如分綴作花。擁帚尙憐南北巷，持杯能喜兩三家。戲按掬輸兒女，羔袖龍鍾手獨叉。

一一

神女青腰寶髻鴉，獨藏雲氣委飛車。夜光往往多聯璧，白小紛紛每散花。球網纒連拘翼座，瑤池淼漫阿環家。銀爲宮闕尋常見，豈卽諸天守夜叉。

三

惠施文字黑如鴉，於此機緘漫五車。嚼若易緇終不染，紛然能幻本無花。觀空白長甯知處？疑有青腰豈作家。慧可忍寒真覺晚，爲誰將手少林叉。

四

奇聲三足阿環鴉，問訊青腰小駐車。一一照肌甯有種，紛紛迷眼爲誰花？爭妍恐落江妃手，耐冷疑連月姊家。長恨玉顏春不久，畫圖時展爲君叉。

五

戲搖微縞女鬢鴉，試咀流酥已頰車。歷亂稍埋冰揉粟，消沉時點水圓花。豈能舴艋真尋我，且與蝸牛獨臥家。欲挑青腰還不敢，直須詩膽付劉叉。

讀眉山集愛其雪詩能用韻復次韻一首

靚粧嚴飾曜金鷄，益比興難工漫百。水種所傳清有骨，天機能識嫩非花。嬋娟一色明千里，綽約無心熟萬家。長此賞懷甘獨臥，袁安交戟豈須叉？

### 八功德水

雪山馬口出琉璃，聞說諸天與護持。此水遙連八功德，供人真淨四威儀。當時迦葉無塵染，何事闕鄉有土思？道力起緣并一路，但知瓢飲是生疑。

### 寄題程公關物華樓

吳楚東南最上游，江山多在物華樓。遙瞻旌節臨尊酬，獨臥柴荆阻獻酬。想有新詩傳素壁，怪無餘墨到滄洲。涓涓南望重重綠，章水還能向此流。

### 酬俞秀老

灑掃東庵置一牀，於君獨覺故情長。有言未必輸摩詰，無法何曾泥飲光。天壤此身知共弊，江湖他日要相忘。猶貪半偈歸思索，却恐提桓妄揣量。

### 次韻吳冲卿召赴資政殿聽讀詩義事

冲卿詩云：雪銷鳩鵲御溝融，燕見殊恩綴上公，晝日乍驚三接寵，正風簾聽二南終。解

頭共仰天顏喜，牆面裁容聖域通。撰經義，所初進二南，有旨資政殿讀云。

周南麟趾聖人風，未有騶虞繫召公。雅頌兼陳爲四始，笙歌合奏以三終。討論詔使成書上，休辭恩容著籍通。牆面豈能知奧義，延陵聽賞自爲聰。

### 張侍郎示東府新居詩因而和酬二首

待賢方慕北山萊，赤白中天二府開。功謝蕭規慙漢第，恩從隗始詫燕臺。曾留上主經起跡，更費高人賦詠才。自古落成須善頌，掃除東閣望公來。

### 二

榮觀流傳動草萊，中官賜設上尊開。鼓歌竚竚聽疑夢，肴果聯翩餽有臺。斧藻故應宜舊德，棟梁非復稱凡材。虛堂欲踵曹參事，試問齊人或肯來？

### 次韻冲卿上元從駕至集禧觀偶成

昭陵持橐從遊人，更見熙寧第四春。寶構中開移玉座，華燈錯出映朱塵。輦前時看新歌舞，仗外還如舊徼巡。投老逢時追往事，却含愁思度天津。

### 次韻陪駕觀燈

繡簀含風下玉除，宮商挾奏斐然殊。福祥周室流爲火，恩澤堯樽散在衢。伏枕但能知廣樂，揮毫何以報明珠？願留巾篋歸田日，追詠公歡每自娛。

### 和吳相公東府偶成

承華往歲幸躊躇，風月清談接緒餘。並轡趁朝今已老，連牆得屋喜如初。誅茅我夢江皋地，澆雍公思洛水渠。斂退故應容拙者，先營環堵祭牢蔬。

### 和蔡樞密孟夏旦日西府書事

宮闕初晴氣象饒。寶車攢轂會東朝。重輪慶自離明發，內壤陰隨解澤消。賜篚外廷紛錦繡，燕庖中禁續薪樵。聯翩人賀知君意，咫尺威顏不隔霄。

### 和蔡副樞賀平戎慶捷

城郭名王據兩陲，軍前一日送降旗。羌兵自此無傳箭，漢甲如今不解纍。幕府上功聯舊代，朝廷稱慶具新儀。周家道泰西戎喙，還見詩人詠串夷。

### 次韻奉和蔡樞密南京種山藥法

（蔡詩并序云：蒙見索南都種山藥法，并以生頭數十莖送上，輒成小詩。青青正是中分

天，區種何妨試玉延。卽見引須綠夏木，定知如蹠薰冬筵。（俗傳睡時以足按之，卽如人足。）澗邊御水冰霜結，蔭近堯雲雨露偏。自裹自題還自媿，振苗應笑宋人然。（區種拋來六七年，春風條蔓想宛延。難追老圃莓苔徑，空對珍盤玳瑁筵，嘉種忽傳河右壤，靈苗更長闕西偏。故畦穿斷知何日，南望鍾山一慨然。）

### 次韻元厚之平戎慶捷

（來詩有：何人更得通天帶謀，合君心只晉公之句。）

朝廷今日四夷功，先以招懷後殲戎。胡地馬牛歸隴底，漢人煙火起遑中。投戈更講諸儒藝，免胄爭趨上將風。文武佐時慚吉甫，宣王征伐自膚公。

### 謁曾魯公

卽赴會時

翊戴三魯冕有蟬，歸榮今作地行仙。且開京闕（一作洛）蕭何第，未放江湖范蠡船。老景已鄰周呂尚，慶門方似漢章賢。一觴豈足爲公壽，願賦長虹吸百川。

### 駕自啓聖還內



衣冠原廟漢家儀，羽衛親來此一時。天子當懷霜露感，都人亦歎鼓簫悲。紛紛瑞氣隨雲漢，漠漠榮光上日旗。塵土未驚閭闔閉，綠槐空覆影參差。

集禧觀池上詠野鵝

池上野鵝無數好，晴天鏡裏色氍毹。似憐暄暖鳴相逐，疑戀寬閑去卻回。京洛塵沙工點汗，江湖槍戈飽驚猜。羽毛的的人難近，嗟此謀身或有才。

次韻東廳韓侍郎齋居晚興

齋禁雖嚴異太常，蕭然高臥意何長。煙含欲暝宮庭紫，日映新秋省闈黃。壯節易摧行踽踽，華年相背去堂堂。追攀坐歎風塵隔，空聽鈞天夢帝鄉。

酬和甫祥源觀醮罷見寄

竊祿祠官久見容，每持金石薦宸衷。鈞天忽忽清都夢，方丈寥寥弱水風。知結勝緣人意外，想尋陳迹馬蹄中。新詩起我超然興，更感鍾山蕙帳空。

和御製賞花釣魚

藍幄晴雲拂曉開，傳呼仙仗九天來。披香殿上留朱輦，大液池邊送玉杯。宿藥暖含風浩

蕩，戲鱗清映日徘徊。宸章獨與春爭麗，恩許賡歌豈易陪。

一一

鶴鶴祥雲輦路晴，傳呼萬歲雜春聲。蔽虧玉杖宮花密，映燭金溝御水清。珠藥受風天下暖，錦鱗吹浪日邊明。從容樂飲眞榮遇，願賦嘉魚頌太平。

次楊樂道韻六首

後殿朝次偶題

百年文物士優游，萬國今方似綰旒。發策東堂招備又，卬輿北苑罷倡優。忽隨諸彥登龍尾，尙憶當年應鵠頭。獨望清光無補報，更慚虛食太官羞。

御溝

渺渺金河漲欲平，數支分綠報清明。常縈輦路漂花去，更引流杯送酒行。靜見金輿穿樹影，清含玉漏過牆聲。衰顏一照自多感，迴首江南春水生。

幕次憶漢上舊居

漢水泱泱繞鳳林，岷山南路白雲深。如何憂國忘家日，尙有求田問舍心。直以文章供潤

色，未應風月負登臨。超然便欲遺榮去，卻恐元龍會見侵。

### 後苑詳定書懷

文墨由來妙禁中，家傳豈獨賦河東。平生聽想風聲早，數日追隨笑語同。御水新如鴨頭綠，宮花更有鶴翎紅。看花弄水聊爲樂，不晚朝廷相弱翁。

### 上已聞苑中樂聲書事

苑中誰得從春遊，想見漸臺瓦欲流。御水曲隨花影轉，宮雲低繞樂聲留。年華未破清明節，日暮初回祓禊舟。更覺至尊思慮遠，不應全爲拙倡優。

### 用藥道舍人韻書十日事呈樂道舍人聖從待制

東門八物亂如麻，想見新羈照路華。午鼓已傳三刻漏，從官初賜一杯茶。忽忽殿下催分首，擾擾宮前聽賣花。歸去莫言天上事，但知呼客飲流霞。

### 詳定幕次呈聖從樂道

殿閣掄材覆等差，從臣今日擅文華。楊雄識字無人敵，何遜能詩有世家。舊德醉心如美酒，新篇清目勝真茶。一觴一詠相從樂，傳說猶堪異日誇。

崇政殿詳定幕次偶題

嬌雲漠漠護層軒，嫩水濺濺不見源。禁柳萬條金細撚，宮花一段錦新翻。身閑始更知春樂，地廣還同避世喧。不恨玉盤冰未賜，清談終日自蠲煩。

詳定試卷二一首

簾垂咫尺斷經過，把卷空聞笑語多。論衆勢難專可否，法嚴人更謹誰何。文章直使有無類，勳業安能保不磨？疑有高鴻在寥廓，未應迴首顧張羅。

二

童子常誇作賦工，暮年羞悔有揚雄。當時賜帛倡優等，今日論才將相中。細甚客卿因筆墨，卑於爾雅注魚蟲。漢家故事真當改，新詠知君勝弱翁。

奉酬楊樂道

邂逅聯裾殿閣春，卻愁容易即離羣。相知不必因相識，所得如今過所聞。近代聲名出虛略，前朝筆墨數淵雲。與公家世由來事，愧我初無百一分。

奉酬聖從侍制

斑行想望歲空多，知有龍門未敢過。和近聖人師展季，勇爲君子盜荆軻。三刀舊協庭幃夢，五袴今傳里巷歌。復道諫書嘗滿篋，不唯詩句似陰何。

次韻吳仲庶省中畫壁


畫史雖非顧虎頭，還能滿壁寫滄洲。九衢京洛風沙地，一片江湖草樹秋。行數儵魚賓共樂，臥看鷗鳥吏方休。知君定有扁舟意，卻爲丹青肯少留。

夜讀試卷呈君實待制景仁內翰

篝燈時見語驚人，更覺揮毫捷有神。學問出來多可喜，文章非特巧爭新。舊中得鹿初疑夢，牖下窺龍稍眩真。邂逅兩賢時所服，坐令孤朽得相因。

答張奉議

五馬渡江開國處，一牛吼地作菴人。結蟠茅竹纔方丈，穿築溝園未過旬。我久欲忘言語道，君今來見句文身。思量何物堪斟酌？棒喝如今總不親。



# 王安石全集卷十九

律詩

七言

## 次韻和吳仲庶池州齊山畫圖

知制誥時作

省中何忽有崔嵬，六幅生綃坐上開。指點便知巖石處，登臨新作使君來。雅懷重向丹青得，勝勢兼隨翰墨回。更想杜郎詩在眼，一江春雪下離堆。

## 次韻祖擇之登紫微閣二首

漠漠秋陰護掖垣，青雲祇在兩楹間。宮樓唱罷雞人遠，門闕朝歸虎士閑。華蓋北瞻天帝座，蓬萊東想道家山。卻慚久此隨諸彥，文采初無豹一斑。

一一

掖門相對敞銅鑲，轍轍飛堯在兩間。潤色平生知地禁，登臨此日愧身閑。浮雲倒影移

隙，落木回飄動屋山。忽憶初來秋尚早，紫微花點綠苔斑。

### 送沈興宗察院出使湖南

諫書平日阜囊中，朝路爭看一馬驄。漢節飽曾衝海霧，楚帆聊復借湖風。皇華命使今爲重，直道酬君遠亦同。投老承明爲補助，得爲湘守卽隨公。

### 春風

一馬春風北省燕，卻疑身得舊山川。陽浮樹外滄江水，塵漲原頭野火煙。日借嫩黃初著柳，雨催新綠稍歸田。回頭不見辛夷發，始覺看花是去年。

### 永濟道中寄諸舅弟

燈火忽忽出館陶，回看永濟日初高。似開空舍烏烏樂，更覺荒陂人馬勞。客路光陰真棄置，春風邊塞祇蕭騷。辛夷樹下烏塘尾，把手何時得汝曹。

### 道逢文通北使歸

朱顏使者錦貂裘，笑語春風入貝州。欲報京都近消息，傳聲車馬少淹留。行人盡道還家樂，騎士能吹出塞愁。回首此時空慕羨，驚塵一段向南流。



### 將次相州

青山如浪入漳州，銅雀臺西八九丘。螻蟻往還空蠶畝，麒麟埋沒幾春秋？功名蓋世知誰是，氣力迴天到此休。何必地中餘故物，魏公諸子分衣裘。

### 次韻平甫喜唐公自契丹歸

予辭北使，而唐公代往。

留犁撓酒得戎心，繡袷通歡歲月深。奉使由來須陸賈，離良何必強曾參？燕人候望空甌脫，胡馬追隨出蹀林。萬里春風歸正好，亦逢佳客想揮金。

### 尹村道中

滿眼霜吹宿草根，謾知新歲不逢春。卻疑書幃非人世，更覺黃雲是塞塵。萬里張侯能奉使，百年曾子肯辭親。自憐許國終無用，何事紛紛客此身？

### 次韻王勝之詠雪

萬戶千門車馬稀，行人卻返鳥休飛。玲瓏翦水空中墮，的皪裝春樹上歸。素髮聯華驚老大，玉顏爭好羨輕肥。朝年已賀豐年瑞，更問田家果是非。

次韻酬府推仲通學士雪中見寄

朝來看雪詠君詩，想見朱衣在赤墀。爲問火城將策試，何如雲屋聽臆知。曲牆稍覺吹來密，窮巷終憐掃去遲。欲訪故人非興盡，自緣無路得傳卮。

次韻宋次道憶太平早梅

大梁春費寶刀備，不似湖陰有早梅。今日盤中看翳綵，當時花下就傳杯。紛紛自向江城落，杳杳難隨驛使來。知憶舊游還想見，西南枝上月徘徊。

和曾子翊授舒椽之作

皖城終歲靜如山，府椽應從到日閑。一水碧羅裁繚繞，萬峯蒼玉刻孱顏。舊遊筆墨苔今老，浪走塵沙鬢已斑。攬轡羨君橋北路，春風枝上鳥關關。

送劉和父奉使江西

劉郎今日擁旌麾，傳到江南喜可知。上冢還非擊羊豕，下車應不問狐狸。無人敢效（作勸）公榮酒，爲我聊尋逸少池。亦見嶺頭花爛漫，更將春色寄相思。

次韻張子野竹林寺二首

澗小橫斜石路深，水源窮處有叢林。青鴛幾世開闢若，黃鶴當年瑞卯金。敗壁數峯連粉墨，涼煙一穗起檀沈。十年親友半零落，回首舊遊成古今！

一一

京峴城南隱映深，兩牛鳴地得禪林。風泉隔屋撞哀玉，竹月緣塔貼碎金。藻井仰窺漠漠，青燈對宿夜沈沈。扁舟過客十年事，一夢此山愁至今。

### 送吳龍圖知江寧

才高明主睠方深，屬郡聞風自革心。閭里不須多按治，山川從此數登臨。茅簷坐隔雲千里，柏壟初抽翠一尋。東望泫然知有寄，但疑公豈久分襟。

### 送直講吳殿丞宰鞏縣

青嵩碧洛曾遊地，墨綬銅章忽在身。擁馬尙多畿甸雪，隨衣無復禁城塵。古來學問須行已，此去風流定慰人。更憶少陵詩上語，知君不負鞏梅春。

### 送真州吳處厚使君

江上齋船駐彩橈，鳴笳應滿綠楊橋。久爲漢吏知文法，當使淮人服教條。拱木延陵瞻故

國，叢祠瓜步認前朝。登臨莫負山川好，終欲東歸聽楚謠。

### 送李質夫之陝府

平世求才漫至公，悠悠羈旅事多窮。十年見子尙短褐，千里隨人今北風。戶外屨貧虛自滿，樽中酒賤亦當空。共嫌欲老無機械，心事還能與我同。

### 題儀真致政孫學士政歸來亭

彭澤陶潛歸去來，素風千歲出塵埃。明時儂老心無累，故里高門子有才。更作園林負城郭，常留花月映池臺。卻尋五柳先生傳，柴木區區但可裁。

### 次韻吳季野題岳上人澄心亭

高亭五月尙寒生，回首塵沙自鬱蒸。砌水亂流穿石底，檻雲高出蔽山層。躋攀欲絕人間世，締搆知從物外僧。腸胃坐來清似洗，神奇未怪佛圖澄。

### 送彥珍

挾筴窮鄉滿鬢絲，陂田荒盡豈嘗窺。未應谷口終身隱，正合菑川舉國推。握手百憂空往事，還家一笑卽芳時。拓岡定有辛夷發，亦見東風使我知。

寄張先郎中

留連山水住多時，年比馮唐未覺衰。篝火尙能書細字，郵笳還肯寄新詩。胡牀月下知誰對，蠻榼花前想自隨。投老主恩聊欲報，每瞻高躅恨歸遲。

汜水寄和甫

虎牢關下水逶迤，想汝飄然過此時。灑血祇添波浪起，脫身難借羽翰追。留連厚祿非朝隱，乖隔殘年更土思。已卜冶城三畝地，寄聲知我有歸期。

寄黃吉甫

朱顏去似朔風驚，白髮多於附草挾生。挾筴讀書空有得，求田問舍轉無成。解鞍烏石岡邊坐，攜手辛夷樹下行。今日道思真樂事，黃塵深處走雞鳴。

次韻平甫村墅春日

昨日青青尙未齊，忽看春色滿高低。陂梅弄影爭先舞，葉鳥藏身自在蹄。樵蹻踏雲歸舊徑，漁簑背雨向前溪。似知我欲逃軒冕，談笑相過各有攜。

卽席次韻微之泛舟

畫舸幽尋北果園，應將陳迹問桑門。地隨墻墅行多曲，天著岡巒望易昏。故國時平空有木，荒城人少半在村。悠悠興廢皆如此，賴付乾愁酒一罇。

### 示長安君

少年離別意非輕，老去相逢亦愴情。草草杯盤供笑語，昏昏燈火話平生。自憐湖海三年隔，又作塵沙萬里行。欲問後期何日是？寄書應見雁南征。

### 和平甫招道光法師

練師投老演真乘，像劫空王爪與肱。於總特門通一路，以光明藏續千燈。從容發口酬摩詰，邂逅持心契慧能。新句得公還有賴，古人詩字恥無僧。

### 和祖仁晚過集禧觀

妍暖聊隨馬首東，春衫猶未著方空。煙霞送色歸瑤水，山木分香繞閩風。壯髮已輸塵外綠，衰顏漫到酒邊紅。日斜歸去人間世，卻記前遊似夢中。

### 程公闢轉運江西

江西一節鑄黃金，最慰章濱父老心。長孺向來真強子，次公今不異重臨。餘風尙有歡謠

在，陳迹非無勝事尋。豫想新詩能寄我，十年華省故情深。

### 次韻微之卽席

釀成吳米野油羹，卻愛清談氣味長。閑日有僧來北阜，平時無盜出南塘。風亭對竹酬孤峭，雪徑尋梅認暗香。江水中濡應未變，一杯終欲就君嘗。

### 和王微之秋浦望齊山感李太白杜牧之

齊山置酒菊花開，秋浦聞猿江上哀。此地流傳空筆墨，昔人埋沒已蒿萊。平生志業無高論，末世篇章有逸才。尙得使君驅五馬，與尋陳迹久徘徊。

### 次韻王微之登高齋

臺殿荒墟辱井堙，豪華不復見臨春。北山漠漠雲垂地，南隸悠悠水映人。馳道蔽虧松半死，射場埋沒雉多馴。登高一曲悲亡國，想繞紅梁落暗塵。

### 和微之重感南唐事

叔寶傾陳衍弊梁，可嗟曾不見興亡。齋祠父子終身費，酣詠舉君臣舉國荒。南狩皖山非故地，北師淮水失名王。天移海歸真主，誰誘昏童肯用良。

李君昂弟訪別長蘆至淮陰追寄

怒水憑風雪壘高，亂流追我祇魚舠。船忽看淮月臨寒食，想映江春聽伯勞。道義當成麟一角，文章已秃兔千毫。後生可畏吾知子，南北何時見兩髦。

貴州虞部使君訪及道舊竊有感惻因成小詩

韶山秀拔注清寫，氣象還能出搢紳。當我垂髫初識字，看君揮翰獨驚人。郵籤忽報旌麾入，齋閣遙瞻組綬新。握手更誰知往事，同時諸彥略成塵。

冲卿席上得行字

二年相值喜同聲，並轡塵沙眼亦明。新詔各從天上得，殘樽同向月邊傾。已嗟後會歡難必，更想前官責尙經。黽勉敢忘君所勗，古人憂樂有違行。

示甬伯懿

穿橋度壑祇閑行，詠石嘲花亦漫成。嚼蠟已能忘世味，畫脂那更惜時名。長千里北寒山紫，白下門西野水明。此地一塵須卜築，故人他日訪柴荆。



# 王安石全集卷二十

律詩

七言

## 思王逢原三首

布衣阡陌動成羣，卓犖高才獨見君。杞梓豫章蟠絕壑，騏驎駉鬣跨浮雲。行藏已許終身共，生死那知半路分。便恐世間無妙質，鼻端從此罷揮斤。

二

蓬蒿今日想紛披，冢上秋風又一吹。妙質不爲平世得，微言唯有故人知。廬山南墮當書案，滙水東來入酒卮。陳迹可憐隨手盡，欲歡無復似當時。

三

百年相望濟時功，歲路何知向此窮。鷹隼奮飛鳳羽短，騏驎埋沒馬羣空。中郎舊業無兒付，康子高才有婦同。想見江南原上墓，樹枝零落紙錢風。

和吳御史臨淮感事

棚鏤城扉曉一開，拖牙車軸轉成雷。黃塵欲礙龜山出，白浪空分汴水來。澄觀有林邀昧  
陋，霽雲無力報奸回。騷人此日追前事，悲氣隨風動管灰。

和文叔叔浦見寄

多難漂零歲月賒，空餘文墨舊生涯。相看楚越常千里，不及朱陳似一家。髮爲感傷無翠  
葆，眼從瞻望有玄花。唯詩與我寬愁病，報爾何妨賦棣華。

次韻吳季野再見寄

衣裘南北弊風塵，志趣卑汙已累親。流俗尙疑身察察，交遊方笑黨頻頻。遠同魚樂思濠  
上，老使鷗鷺恥海濱。邂逅得君還恨晚，能明吾意久無人。

次韻平甫贈三靈山人程惟象

家山松菊半荒蕪，杖策窮年信所如。占見地靈非卜筮，笑知人貴自陶漁。久諳郭璞言多  
驗，老比顏含意更疎。祇欲勒成方士傳，借君名姓在新書。

次韻和甫詠雪

奔走風雲四面來，坐看山壘玉崔嵬。平治驗穢非無德，潤澤焦枯是有才。勢合便疑包地盡，功成終欲放春回。寒鄉不念豐年瑞，只憶青天萬里開。

次韻張氏女弟詠雪

天上空多地土稀，初寒風力故應微。那能鎮壓黃塵起，強欲侵凌白日飛。邑犬橫來矜意氣，窟蟾偷出助光輝。都城只有袁安憊，我亦年年幸賜衣。

次韻徐仲元詠梅二首

溪杏山桃欲占新，高梅放藻尙嬌春。顰黃映日明飛燕，肌粉含風冷太真。玉笛悲涼吹易散，冰紈生澀畫難親。爭妍喜有君詩在，老我（一作我老）儻然敢效顰。

一一

舊挽青條冉冉新，花遲亦度柳前春。肌冰綽約如姑射，膚雪參差是太真。搖落會應傷歲晚，樊籬曠欲寄情親。終無驛使傳消息，寂寞知誰笑與顰。

詩呈節判陸君 名彥回

中郎筆墨妙他年，晚與君遊喜象賢。款款故情初未慙，飄飄新句總堪傳。英才但未遭文

舉，明主寧當弁浩然。投贈臨分加組麗，小詩能不強雕鐫。

留題曲親益山

和州曲敍

巧與天成未覺殊，國工施手豈須臾。根連滄海蓬萊闕，勢壓黃河砥柱孤。坐上煙嵐生紫翠，影中樓閣見青朱。爲山觀水皆良喻，誰向君家識所趨。

不到太初兄所居遂已十年以詩攀寄

一水衣巾翦翠綃，九峯環佩刻青瑤。生才故有山川氣，卜築兼無市井囂，三葉素風門閥在，十年陳迹屐綫銷。歸榮早晚重攜手，莫負幽人久見招。

偶成二首

漸老偏諳世上情，已知吾事獨難行。脫身負米將求志，戮力求田豈爲名。高論頗隨衰俗廢，壯懷難值故人傾。相逢始覺寬愁病，搔首還添白髮生。

二

懷抱難開醉易醒，曉歌悲壯動秋城。年光斷送朱顏去，世事栽培白髮生。三畝未成幽處宅，一身還逐衆人行。可憐蝸角能多少，獨與區區觸事爭。

雨過偶書

霈然甘澤洗塵寰，南畝東郊共慰顏。地望歲功還物外，天將生意與人間。霽分星斗風雷靜，涼入軒窗枕簟閒。誰似浮雲知進退，纔成霖雨便歸山。

季春上旬苑中卽事

盤路行看斗柄束，簾垂殿閣轉春風。樹林隱翳燈含霧，河漢欹斜月墜空。新蕊漫知紅萼發，舊山常夢直叢叢。賞心樂事須年少，老去應無日再中。

上西垣舍人

共說才高世所珍，諸賢誰敢望光塵。討論潤色今爲美，學問文章老更醇。賦擬相如真復似，詩看子建的應親，仍聞悟主言多直，許史家兒往往曠。

退朝

門外鳴騶送響頻，披衣強起赴雞人。火城夜闌雲藏闕，玉座朝寒雪被宸。避漏成成

與微之同賦梅花得香字三首

漢宮嬌額半塗黃，粉色凌寒透薄粧。好借月魂來映燭，恐隨春夢去飛揚。風亭把盞酬孤豔，雪徑回輿認暗香。不爲調羹應結子，直須留此占年芳。

一一

結子非貪鼎鼐嘗，偶先紅杏占年芳。從教臘雪埋藏得，卻怕春風漏洩香。不御鉛華知國色，祇裁雲縷想仙裝。少陵爲爾牽詩興，可是無心賦海棠。

三

淺淺池塘短短牆，年年爲爾惜流芳。向人自有無言意，傾國天教抵死香。鬚臆黃金危欲墮，蒂圍紅蠟巧能裝。嬋娟一種如冰雪，依倚春風笑野棠。

和晚菊

不得黃花九日吹，空看野葉翠葳蕤。淵明酩酊知何處？子美蕭條向此時。委翳似甘終草莽，栽培空欲傍藩籬。可憐蜂蝶飄零後，始有閑人把一枝。

景福殿前柏

香葉由來耐歲寒，幾經真賞駐鳴鑾。根通御水龍應蟄，枝觸宮雲鶴更盤。怪石誤蒙三品

號，老松先得大夫官。知君勁節無榮慕辱，紛紛一等看。

### 四月果

一春強半勒花風，幾日園林幾樹紅。汲汲追攀常恨晚，紛紛吹洗忽成空。行看果下蒼苔地，已作人間白髮翁。豈惜解鞍留夜飲，此身與醒醉誰同。

### 牆西樹

牆西高樹結陰稠，步履窮年向此留。白日屢移催我老，清風一至使人愁。紛紛暝鳥驚還合，渺渺涼蟬咽欲休。回首舊林歸未得，看看知復幾春秋。

### 度麾嶺寄莘老

區區隨傳換冬春，夜半懸崖託此身。豈慕王尊能許國，直緣毛義欲私親。施爲已壞生平學，夢想猶歸寂寞濱。風月一歌勞者事，能明吾意可無人。

狄梁公陶淵明俱爲彭澤令，至今有廟在焉，刁景純作詩見示，

### 繼以一篇

嘉祐中，提點江東刑獄時作。

梁公壯節就饜臚，陶令清身託酒徒。政在房陵成底事，年稱甲子亦何須？江山彭澤空遺

像，歲月柴桑失故區。末俗此風猶不競，詩翁歎息未應無。

寄沈鄱陽

時爲江東提刑

離家當日尙炎風，叱馭歸時九月窮。朝渡藤溪霜落後，夜過廬嶺月明中。山川道路良多阻，風俗謠言苦未通。唯有番君人共愛，流傳名譽滿江東。

送裴如晦宰吳江

青髮朱顏各少年，幅巾談笑兩愀然。柴桑別後餘三徑，天祿歸來盡一廛。邂逅都門推載酒，蕭條江縣去鳴弦。猶疑甫里英靈在。到日憑君爲艤船。

次韻樂道送花

沁水名園好物華，露盤分送子雲家。新粧欲應何人面，彩筆知書幾葉花，曾和郢中歌白雪，亦陪天上飲流霞。春風已得同心賞，更擬攜詩載酒誇。

籌思亭

在江東轉運司南廳後園

昔人何計亦何思？許國憂民適此時。寓興中園爲遠趣，託名華榜有新詩。數株碧柳蒼苔地，一丈紅蕖綠水池。坐聽楚謠知幾美，想銜杯酒問花期。



愁臺

頽垣斷塹有平沙，老木荒榛八九家。河勢東南吹地坳，天形西北倚城斜。傾壺語罷還登岸，讀詩成卻嘆嗟。萬事因循今白髮，一年容易卽黃花。

和正叔懷其兄草堂

菴堂竹樹水之濱，耕稼逍遙似子真。小吏一身今倦宦，先生三畝獨安貧。欲拋縣印辭黃，來伴山冠戴白綸。祇恐明時收士急，不容家有兩閑人。

鄭子憲西齋

漫軒構窗意亦深，滔滔浮俗倦登臨。詩書千載經論志，松竹四時蕭洒心。曉枕不容春夢到，夜燈唯許月華侵。行看富貴酬勤苦，車馬重來拾翠陰。

寄題思軒

名郎此地昔徘徊，天誘良孫接踵來。萬屋尙歌餘澤在，一軒還向舊堂開。右軍筆墨空殘沼，內史文章祇廢臺。邑子送今誇勝事，豈論王謝世稱才？

陳君式大夫恭軒

恭軒靜對北堂深，新斲檀欒一畝陰。膝下往來前日事，眼中封植去年心。每懷鱗鬣沾餘瀝，獨喜弦歌有嗣音。肯構會須門闕大，世資何用滿甌金？

### 寄黃吉甫

學兼文武在吾曹，別後應看虎豹韜。欲問廟堂誰鎮撫？尙傳邊塞敢驚騷。旌旗急引飛黃下，（時發騎士南征）烽火遙連太白高。聞說荆人亦憔悴，家家還願獻春膠。

### 高魏留

魏留十七助防邊，埋沒鹽州十八年。衣履窮空委胡婦，糗糧辛苦待山田。關河舊路頻回首，腹背他時兩受鞭。邂逅得歸耶戰死，母隨人去亦蕭然。

### 丁年

丁年結客盛遊從，宛洛氈車處處逢。吟盡物華愁筆老，醉消春色愛醅濃。墟間寂寞相如病，鍛處荒涼叔夜慵。早晚青雲須自致，立談平取徹侯封。

# 王安石全集卷二十一

律詩

七言

## 送王詹叔利州路運判

王孫舊讀五車書，手把山陽太守符。未駕朱轡辭鞬鼓，卻分金節佐均輸。人才自古常難得，時論如君豈久孤？去去便看歸奏事，莫嗟行路有崎嶇。

## 送周仲章使君

看君東下霽溪船，迴首紛紛已五年。簪筆少留吾所望，剖符輕去此何緣。高塵行路穿秦樹，駿馬歸時著蜀鞭。子墨文章應滿篋，承明宣室正詳延。

## 送王蒙州

請郡東南促去程，拍堤江水照紅旌。仁聲已逐春風到，使節猶占夜斗行。箭落阜鷗兔兔避，句傳炎海鱷魚驚。麒麟不是人間物，漢詔先應召賈生。

送龐簽判

北都兩去不辭勤，仕路論材况出羣。一相開藩嘗負弩，三年通籍更從軍。清談猶得當時事，遺夢應從此日聞。我憶荆溪山最樂，看君摩翮上青雲。

送潘景純

東都會以一當千，場屋聲名十五年。晚賜綠衣隨宦牒，始操丹筆事戎旃。明時正欲精蒐選，榮路何當力薦延。賴有使君能好士，方看一鶚在秋天。

送僧無惑歸鄱陽

晚扶衰憊寄人間，應接紛紛祗強顏。挂席每諳東匯水，採芝多夢舊遊山。故人獨往今爲樂，何日相隨我亦閑。歸見江東諸父老，爲言飛鳥會知還。

送遜師歸舒州

山川相對一悲翁，往事紛紛夢寐中。邂逅故人恩意在，低徊今日笑言同。看吹陌上楊花滿，忽憶巖前蕙帳空。亦見桐鄉諸父老，爲傳衰颯病春風。

送育王大覺禪師

單已安那示入禪，草堂南望故依然。山今歲暮終岑寂，人更天寒最靜便。隱蹟亦知甘自足，憑心豈吝慰相憐？所聞不到荆門耳，人老禾新又一年。

寄無爲軍張居士

南陽居士月城翁，曾習禪那問色空。卓犖想超文字外，低徊卻寄語言中。真心妙道終無二，末學殊方自不同。此理世間多未悟，因君往往嘆西風。

次韻酬鄧子儀二首

青溪相值各青春，老去臨流輒損神。事事只隨波浪去，年年空得鬢毛新。論心未忍遺橫目，干世還憂近逆鱗。嘉句感君邀我厚，自嗟才不異常人。

一一

金陵邂逅府東偏，手得新蒲每共編。采石耦耕垂百日，青溪並釣亦三年。君才有用方求祿，我志無成稍問田。一笑欲論心迹事，白頭相就且欷眠。

送李璋

湖海聲名二十年，尚隨鄉賦已華顛。卻歸甫里無三徑，擬傍胥山就一廛。朱設風塵休悵

望青鞋雲水且留連。故人亦見如相問，爲道方尋木雁篇。

### 送章宏

道合由來不易謀，豈無和氏識荆璆。一川濁水浮文鶴，千里輕帆落武丘。身退豈嫌吾道進，學成方悟衆人求。西風乞得東南守，杖策還能訪我不？

### 別葛使君

邑屋爲儒知善政，市門多粟見豐年。追攀更覺相逢晚，談笑難忘欲別前。客幙雅遊皆置榻，令堂清坐亦鳴弦。輕舟後夜滄江北，迴首春城空黯然。

### 送王龍圖守荆南

壯志高才偃一藩，更嗟賢路此時難。長幡欲動何妨屈？老驥能行豈易閑。沙市放船寒月白，渚宮留御古苔斑。知公未厭還隨詔，歸看功名重太山。

### 次韻酬宋中散二首

初見彤庭賜履雙，便參東閣寄南邦。時聞正論除疑網，每讀高辭折慢幢。陳迹欲尋無復日，奮恩思報有如江。風流今見佳公子，投老心旌一片降。

超然京洛諒難雙。處在家庭譽在邦。道義門中窺戶牖，風騷壇上見麾幢。素書款款誰憐杜？彩筆迢迢獨勝江。信美賢公有才子，篤誠眞復類危降。

和宋太博服除還朝簡諸朋舊

呼門初起外廷臣，秀氣稜稜動搢紳。談論坐來能慰我，篇章傳出亦驚人。牛芻東他年闕，伐木相求此地新。便欲與君同樂處，窮通餘事不關身。

次韻酬宋玘六首

洗雨吹風一月春，山紅漫漫綠紛紛。褰裳遠野誰從我，散策空阪忽見君。青眼坐傾新歲酒，白頭追誦少年文。因嗟涉世終無補，久使高材壅上聞。

二

東風渺渺客天涯，病眼先春已見花。遠欲報君羞強聒，老知隨俗厭雄誇。窮通往事眞如夢，得失秋毫豈更嗟？邂逅故人唯有醉，醉中衣幘任欹斜。

三

城中燈火照青春，遠引吾方避糾紛。遊行水邊追野馬，嘯歌林下應山君。愁尋徑草無求仲，喜對簷花有廣文。邂逅一樽聊酩酊，聲名身後豈須聞。

四

遠迹荒郊謝儁豪，春風誰與駐千旄？故交重趼恩何厚，新句連篇韻更高。美似狂醒初噉蔗，快如衰病得觀濤。久知坏冶成天巧，豈與人間共一陶？

五

無能私願祗求田，時物安能學計然。鑿井未成歌擊壤，射熊猶得夢釣天。遙思故國歸來日，留滯新恩已去年。攜手與君遊最樂，春風阪上水濺濺。

六

山陵疇昔從吾親，諸父先生各佩紛。零落長年誰語此，遲回故地卻逢君。衣冠偶坐論經術，襜褕當時刺繡文。更怪高材終未遇，有司何日選方聞？

寄吳正仲卻蒙馬行之都官梅聖俞太博和寄依韻酬之

山水元暉去後空，騷人還向此閒窮。小詩聊與論孤憤，大句安州辱雨雄。秦甲久愁荆劍



利，趙兵今竄漢旗紅。背城不敢收餘燼，馬首翩翩只欲東。

### 寄平甫

少時爲學豈身謀，欲老低徊各自羞。乘馬從徒真擾擾，求田問舍轉悠悠。弦歌舊國平生樂，鞍馬新年幾日留。坐想搖鞭楊柳路，春風先我入皇州。

### 次韻舍弟常州官舍應客

霜雪紛紛上鬢毛，憂時自悔目空蒿。桑麻祗欲求三畝，執利誰能籌一毫？此地舊傳公子札，吾心真慕伯成高；飄然更有乘桴興，萬里寒江正復槽。

### 舟還江南阻風有懷伯兄

幾時重接汝南評，兩槳留連不計程。白浪黏天無間斷，元雲垂野少晴明。平皋望望欲何向，薄宦嗟嗟空此行！會有開樽相勸日，鵲鴿隨處共飛鳴。

### 同陳伯通錢材翁游山二君有詩因次元韻

秋來閑興每登臨，因叩精藍望碧岑；強策羸驂尋水石，忽驚幽鳥下煙林。同時覽物悲歡異，自古忘名趨向深；安得湖山歸我手，靜看雲意學無心！

夢張劍州

萬里憐君蜀道歸，相逢似喜語還悲；江淮別業依前處，日月新阡卜幾時？自說曲阿猶未穩，卽疑溢水去猶疑。茫然卻是陳橋夢，昨日春風馬上思！

酬慕容員外

嘗爲王宮教授以武舉入宮掖

初駕王門學者師，晚漂湖海衆人悲！吹毛未試腰閒劍，刺股猶藏袖裏鎚。衛霍功名還有命，蘇張才氣久非時。江尤亦見應須飲，莫放窮愁入兩眉。

次韻張唐公馬上

揭節初悲力不任，賜身終愧謬恩臨。病來氣弱歸宜早，儉取官多責恐深！膏澤未施空謗怨，瘡痍猶在豈謳吟？黃昏信馬江城路，欲訪何人話此心。

和王司封會同年

收科天陛頃同時，回首相歡事亦稀。追講舊遊犀麈脫，交酬新唱彩牋飛。直須傾倒樽中酒，休惜淋漓浪坐上衣。日暮主翁留客轄，會稽聊滯買臣歸。

次韻酬子玉同年

子玉詩云：過盡金湯知帝策，見求貂虎識軍儀。男兒本有四

方志，祇在蓬瀛恐不知。

盛德無心漠北窺，蕃胡亦恐勢方羸；塞垣高壘深溝地，幕府輕裘緩帶時。趙將時皆思李牧，楚晉身自感鍾儀；慙君許我論邊鎖，俎豆平生卻少知。

### 和舍弟舟上示沈道源

還裝欲盡喜舟輕，更喜嘉賓伴此行。野飲不忘魚可釣，旅羹何惜雁能鳴。西山壯馬先歸牧，南穴殘臯欲就烹。憂國自多廊廟宰，與君詩酒盡交情。

### 過山卽事

卻過茲山已九年，江湖身世只飄然；曲城巨墓心空折，鹽步庭闈眼欲穿。慘慘野雲生隴底，蕭蕭餓馬立風前；轉多愁思催華髮，早晚輕舟上秀川。

### 酬裴如晦

二年羈旅越人吟，乞得東南病更侵；殤子未安莊氏義，壽親還慰魯侯心。鮮鮮細菊霜前藥，漠漠疎桐日下陰；濁酒一杯秋滿眼，可憐同意不同斟。

### 酬鄭閔中

蕭條行路欲華顛，迴首山林尚渺然。三釜祗知爲養急，五漿非敢在人先。文章滿世吾誰慕，行義如君衆所傳。宜有至言來助我，可能空寄好詩篇。

### 寄余溫卿

雲散風流不自禁，天涯無路盍朋簪。空馳上國青泥信，誰和南山白石音。平日離愁寬帶眼，訖春歸思滿琴心；終回一命翩翩駕，獨過稽山鍛樹陰。

### 寄郎侍郎

兩朝人物歎賢豪，凜凜清風晚見褒；江漢但歸滄海闊，丘陵難學太山高。放懷詩酒機先息，迴首功名世自勞；久願作公樽俎客，恨無三畝斷蓬蒿。

### 送道光法師住持靈巖

靈巖開闢自何年，草木神奇烏獸僊；一路紫苔通窅窅，千崖青靄落潺潺。山祇嘯聚荒禪室，象衆低摧想法筵。雪足莫辭重趂往，東人香火有因緣。

# 王安石全集卷二十一

律詩

七言

奉酬永叔見贈

欲傳道義心猶在，（一作雖壯）強學（一作學作）文章力已窮；他日若能窺孟子，終身何敢望韓公。摳衣最出諸生後，倒屣嘗傾廣座中；祗虛名因此得，嘉篇爲賦豈宜蒙。

送陳舜俞制科東歸

諸賢發策未央宮，獨得當川一老翁；曲學暮年終漢相，高談平日漫周公。君今壯歲收科第，我欲他時看事功；聞說慨然真有意，贈行聊似蒙人風。

送何正臣主簿

何郎冰雪照青春，應敵皆言筆有神；魯國儒人何獨少，元君畫史故應真。百年冠蓋風雲會，萬里山川日月新，可恨諸公能品藻，會須天子擢平津。

與舍弟華藏院此君亭詠竹

一逕森然四座涼，殘陰餘韻去何長。人憐直節生來瘦，自許高材老更剛。曾與蒿藜同雨露，終隨松柏到冰霜；煩君惜取根株在，欲乞伶倫學鳳凰。

上元戲呈貢父

車馬紛紛白晝同，萬家燈火暖春風。別開闔闔壺天外，特起蓬萊陸海中。盡取繁華供俠少，祇分牢落與衰翁，不知太乙遊何處，定把青藜獨照公。

次韻楊樂道述懷之作

素心非不慕前修，自怪因循欲白頭。臘較越時終瑣瑣，畫墁營職信悠悠。濠梁最憶魚樂，牢筴翻慙爲麤謀。尙有故人能慰我，詩成珠玉每相投。

和楊樂道見寄

宅帶園林五畝餘，蕭條還似茂陵居。殺青滿架書新繕，生白當牕室久虛。孤學自難窺奧密，重言猶得慰空疎。相思每欲投詩社，只待春蒲葉又舒。

寄吳冲卿二首

平生身事略相同，三歲連牆左廡中。更得謬恩分省舍，又將衰鬢作鄰翁。聯翩久傍宮槐綠，契闊今看楚蓼紅。不欲與君爲遠別，沙臺吹帽約秋風。

二 時吳晉州方得舉

塞垣花氣欲飛浮，眼底紛紛綠漸抽；悠遠山川嗟我老，急難兄弟想多愁。舊知白日諸曹滿，試問紅燈幾客留？時節只應無意思，亦如行路判春秋。

酬冲卿見別

同官同齒復同科，朋友婚姻分最多；兩地塵沙今齟齬，二年風月共婆娑。朝倫孰與君材似，使指將如我病何！升黜會應從此異，願偷閑暇數經過。

次御河寄城北會上諸友

客路花時秣攪心，行逢御水半晴陰。背城野色雲邊盡，隔屋春聲樹外深。香草已堪回步履，午風聊復散衣襟；動君載酒相追處，紅萼青跗定滿林。

寄友人三首

萬里書歸說我愁，知君不忘北城幽。一篇封禪才難學，三畝蓬蒿勢易求。欲與山僧論地

券。願爲鄰舍事田疇；應須急作南征計，漠北風沙不可留！

一一

水邊幽樹憶同攀，曾約移居向此間；欲語林塘迷舊逕，卻隨車馬入他山。飛花著地容難治，鳴鳥窺人意轉閑；物色可歌春不返，相思空復慘朱顏。

一二

一別三年至一方，此身飄蕩只殊鄉。看沙更覺蓬萊淺，數日空驚霹靂忙。渺渺水波低赤岸，濛濛雲氣淡扶桑；登臨舊興無多在，但有浮槎意未忘。

寄張襄州

襄陽州望古來雄，耆舊相傳有素風；四葉表閭唐尹氏，一門逃世漢龐公。故家遺俗應多在，美景良辰定不空；遙憶習池寒夜月，幾人談笑伴詩翁。

次韻昌叔懷灑樓讀書之樂

志飲長年不得休，一巢無地拙於鳩；聊爲薄宦容身者，能免高人笑我不？涉德文章吾事樂，塵埃波浪此生浮；看君別後行藏意，回顧灑樓祗自羞！



酬淨因長老樓上翫月見懷有疑君魂夢在清都之句

道人心與世無求，隱几蕭然在此樓；坐對高梧傾曉月，看翻清露洗新秋。登臨更欲邀元亮，披寫還能擬惠休；願我不知天上樂，虛疑昨夜夢仙遊。

寄張諤招張安國金陵法曹

我老願爲臧丈人，君今少壯豈長貧；好須自致青冥上，可且相從寂寞濱。深谷黃鸝驕引子，曲磻翠碧巧藏身；尋幽觸靜還成興，何必區區九陌塵。

欲往淨因寄涇州韓持國

紫荆山下物華新，只與都城共一春；令節想君攜綠酒，故情憐我踏黃塵。涪魚已悔他年事，搏虎方收末路身；欲寄微言書不盡，試尋僧閣望西人。

送別韓虞部

客舍街南初著巾，與君兄弟卽相親；當年豈意兩家子，今日更爲同社人。京洛塵杯嗟阻闕，江湖風酒惜逡巡。歸帆嶺北茫茫水，把手何時寂寞濱。

懷舒州山水呈昌叔

山下飛鳴黃栗留，溪邊欲啄白符鳩；不知此地從君處，亦有他人繼我不？塵土生涯休盪濼，風波時事只飄浮；相看髮禿無歸計，一夢東南卽自羞！

### 呈柳子玉同年

三年不上鄴王臺，鴻雁歸時又北來；水底舊波吹歲換，柳梢新葉卷春回。塵沙漠漠凋雙鬢，簫鼓忽忽把一盃；勞事欲歌無興和，衰顏思見故人開。

### 次韻陸定遠以謫往來求詩

牢落何由共一樽，相望空復歎芝焚；濟時尙負生平學，慰我應多別後文。可但風沉追甫白，由來家世出機雲。行吟強欲偷新格，自笑安能到萬分。

### 李璋下第

浩蕩宮門白日開，君王高拱試羣材；學如吾子何憂失？命屬天公不可猜。意氣未宜輕感慨，文章尤忌數悲哀！男兒獨患無名爾，將相誰云有種哉？

### 送楊驥秀才歸鄱陽

客舍風塵弊綵衣，悲吟重見雁南飛；荆山和氏方三獻，太學何生且一歸。曠野已寒諧獨

宿，長年多難惜分違；巾箱所得皆幽懿，亦見鄉人爲發揮。

### 平山堂

城北橫岡走翠虬，一堂高視兩三州；淮岑日對朱欄出，江岫雲齊碧瓦浮。墟落耕桑公愷悌，杯觴談笑客風流；不知覲首登臨處，壯觀當時有此不？

### 示德逢

先生貧敝故人風，朽想榮桑在眼中；憐感雞豚非孟子，勤勞禾黍信周公。深藏組麗三千牘，靜占寬閑五百弓；處世但令心自可，相知何藉一劉龔。

### 示四妹

孟光求壻得梁鴻，廡下相隨不諱窮；卓犖才名今日事，蕭條門巷古人風。五噫尙與時多忤，一笑兼忘我屢空；六月塵沙不相貸，泫然搔首又西東。

### 寄酬曹伯玉因以招之

寒鷁對立西風樹，出草環生白露庭；清坐喜無公事擾，高談時有故人經。思君異日投朱紱，過我何時載漁鱸？及此江湖氣蕭爽，最宜相值倒吾餅。

次韻奉酬李質夫

逸少池邊有舊山，幾年征淚染衣斑；鶯鶯自飽方爭路，騷擾長飢不在閑；雪漲江南歸浩蕩，烟埋河朔去間關；勞歌一聽皆愁思，況我心非木石頑。

寄袁州曹伯玉使君

宜春城郭繞樓臺，想見登臨把一盃；濕濕嶺雲生竹箇，冥冥江雨熟楊梅。政成定入邦人詠，詩就還隨驛使來；錯莫風沙愁病眼，不知何日爲君開？

邢太保有鶴折翼以詩傷之客有記翎經冥三韻而忘其詩者因作四

韻

不爲摧傷改性靈，靜中猶見好儀形；每憐今日長垂翅，卻悔當時誤翦翎。醫得舊創猶有法，相知多難豈無經？稻梁且向人間覓，莫羨搏風起北冥。

寄致政吳虞部

白鷗生意在滄波，不爲風塵有網羅；年抵馮唐初未半，才方疎廣豈能多？孤清楚國知誰繼，遺愛彬人想共歌。嗟我欲歸真未晚，雪舟乘興會相過。

再至京口寄漕使曹郎中

漂流曾落此江邊，憶與詩翁賦浩然；（浩然堂名）鄉國去身猶萬里，驛亭分首已三年。  
北城紅出高枝靚，南浦青回老樹圓；還似昔時風露好，只疑談笑在君前。

次韻平甫金山會宿寄親友

天末海門橫北固，烟中沙岸似西興；已無船舫猶聞笛，遠有樓臺祗見燈。山月入松金磔碎，江風吹水雪崩騰。飄然欲作乘桴計，一到扶桑恨未能！

送何聖從龍圖

射策曾稱蜀郡雄，朝廷重得漢司空。應留賜席丹塗地，誤責飛菟紫塞功。三徑欲歸無舊業，百城先至有清風；路山直與天爲黨，回首孫高想見公。

送趙學士陝西提刑

遙知彼俗經兵後，應望名公走馬來；陛下東求今日始，胸中包畜此時開，山西豪傑歸囊牘，渭北風光入酒盃；堪笑陋儒昏鄙甚，略無謀術贊行臺。

丙申八月作

秋風摧剝利如刀，漠漠昏烟玩日高；眼看南山露崖巖，心隨東西轉波濤。歸期正自蠶著  
蔡，生理應須問酒醪；還有詩書能慰我，不多霜雪上顛毛。

登西樓

樓影侵雲百尺斜，行人樓上憶天涯；情多自悔登臨數，目極因驚帳望賒！一曲平蕪連古  
樹，半分殘日帶明霞；潘郎何用悲秋色，祇此傷春髮已華。

卽事

河流南苑岸西斜，風有晶光露有華；門柳故人陶令宅，井桐前日總持家。嘉招欲覆盃中  
綠，麗唱仍添錦上花；便作武陵樽俎客，川源應未少紅霞。

# 王安石全集卷二十三

律詩

七言

酬吳仲庶小園之句

舊年臺榭掃流塵，職閉朱門歲又新；花影隙中看鳥裊，車音牆外去麟麟，相逢豈少佳公子？一醉何妨薄主人。祗向東風邀載酒，定知無奈帝城春。

始與韓玉汝相近居遂相與游今居復相近而兩家子唱和詩相屬因

有此作

羈旅兒童得近鄰，相知邂逅卽情親。當時豈意兩家子，此地更爲同社人。勳業彈冠知白首，文章投筆讓青春；萬金雖愧君多產，比我淵明亦未貧。

春寒

寒風滿地月如霜，拂曉鐘聲到景陽。花底袂衣朝宿衛，柳邊新火起嚴粧。冰殘玉甃泉初

動，水澀銅壺漏更長。從此暄妍知幾日，便應鷓鴣損年芳。

次韻再游城西李園

京師花木類多奇，常恨春歸人未歸；車馬喧喧起塵土，園林處處鏤芳菲。殘紅已落香猶在，羈客多傷涕一揮。我亦悠悠無事者，約君聯騎訪郊圻。

予求守江陰未得酬昌叔憶江陰見及之作

黃田港北水如天，萬里風檣看賈船；海外珠犀常入市，人間魚蟹不論錢。高亭笑語如昨日，末路塵沙非少年；強乞一官終未得，祇君同病肯相憐。

送蘇屯田廣西轉運

置將從來欲善師，百城蹉跌起毫釐。驅除久費兵符出，按撫紛煩使節移。恩澤易行窮苦後，功名常見急難時。孺文此日風流在，直筆他年豈愧辭？

酬淮南提刑邵不疑學士來詩及予送沈常州之詩而卒有錢壁錢詩尚未泥之句

曾詠常州送主人，豈知身得兩朱輪？田疇汎濫川方壅，廚傳蕭條市亦貧。以我薄材思拊，賴君餘教得因循；詢求故有風謠在，不獨錢詩尚未泥。



### 酬王太祝

一馬常隨世事馳，豈論江徼與河湄？已成白髮潘常侍，更似青衫杜拾遺。勳業儻來知有命，文章聊以見無期。喜君材俊能從我，力學何妨和子思。

### 出城訪無黨因宿齋館

關外尋君信馬蹄，漫成詩句任天倪；花枝到眼春相照，（一作映）山色侵衣晚自迷，今日笑談還喜共，經年勞逸固難齊；生涯零落歸心懶，多謝殷勤杜宇啼。

### 寄張氏女弟

十年江海別常輕，（一作經）豈料今隨寡嫂行；心折向誰論宿昔，魂來空復夢平生。音容想像猶如昨，歲月蕭條忽已更，知汝此悲還似我，欲爲西望涕先橫。

### 奉寄子思以代別

南北蹉跎成兩翁，悲歡邂逅笑言同；全家欲出嶺雲外，匹馬肯尋山雨中。趨府折腰嗟踽踽，聽泉分手惜怱怱！寄聲但有加飧飯，才業如君豈久窮。

### 次韻劉著過茅山今平甫往游因寄

華陽仙伯有茆卿，官府今傳在赤城。三鶴不歸猶地勝，二君能到亦心清。詩中慷慨悲陳迹，篇末殷勤獎後生。遙想青雲知可附，坐看閭巷得名聲。

### 次韻十四叔賜詩留別

窮冬追路出西津，得侍茫然兩見春。發冊久嗟淹國士，起家初命慰鄉人。行辭北闕樓臺麗，歸佐南州縣邑新。班草數行衣上淚，何時杖屨卻相親？

### 次韻耿天騭大風

雲埋月缺暈寒灰，飄發齊如巨象脛。縱勇萬川冰柱立，紛披千障土囊開；魯門未怪爰居至，鄭圃何妨禦寇來。終夜不眠誰與共，坐忘唯有一顏回。

### 法喜寺

門前白道自縈回，門下青莎間綠苔；雜樹繞花鶯引去，壞簷無幕鷺歸來。寂寥誰共樽前酒，牢落空留案上杯；我憶故鄉誠不淺，可憐鷓鴣重相催。

### 長干寺

梵語清閑側布金，小塘回曲翠文深；柳條不動干絲直，荷葉相依萬蓋陰。漠漠岑雲相上

下，翩翩沙鳥自浮沈。羈人樂此忘此歸思，忍向西風學越吟。

### 落星寺在南康軍江中

萃雲臺殿起崔嵬，萬里長江一酒杯；坐見山川吞日月，杳無車馬送塵埃。雁飛雲路聲低過，客近天門夢易迴；勝槩唯詩可收拾，不才羞作等閑來。

### 清風閣

飛甍孤起下州墻，勝勢崢嶸壓四方；遠引江山來控帶，平看鷹隼去飛翔；高蟬感耳何防靜，赤日焦心不廢涼；況是使君無一事，日陪賓從此傾觴！

### 留題微之廡中清輝閣

故人名字在瀛洲，邂逅低徊向此留；鷗鳥一雙隨坐笑，荷花十丈對冥搜。水涵樽俎清如洗，山染衣巾翠欲流；宣室應疑鬼神事，知君能復幾來遊。

### 次韻和甫春日金陵登臺

鍾山漠漠水洄洄，西有陵雲百尺臺；萬物已隨和氣動，一樽聊與故人來。天邊幽鳥鳴相和，地上晴烟掃不開；悲眼看春長（一作唯）憑盡，直須去取六龍回。

慶老堂陳釋

板輿去國宦三年，華屋歸來地一偏，種竹常疑出冬筍，開池故合涌寒泉。身閑楚老猶能戲，道勝鄒人不更遷。嗟我強顏無所及，想君爲樂更焦然！

寄陳宣叔

扁舟欲動更徘徊，一笑相看病眼開；事忤貴人今見節，政行豪縣衆稱材。忽驚歲月侵雙鬢，卻喜山川共一杯；落日亂亂江北去，離心猶與水東迴。

寄張劍州并示女弟

時張以太夫人喪自劍州歸

劍閣天梯萬里寒，春風此日白衣冠。烏辭反哺顛毛黑，烏引思歸口血丹。行路想君今骨瘦，相逢添我老悲酸。浮雲渺渺吹西去，每到原頭勒馬看。

元珍以詩送綠石硯所謂玉堂新樣者

玉堂新樣世爭傳，況以蠻溪綠石鑄；嗟我長來無異物，愧君持贈有佳篇。久埋瘴霧看猶濕，一取春波洗更鮮。還與故人袍色似，論心於此亦同堅。

和微之林亭

爲有檀欒占雒陽，憶歸杖策此徜徉。觀魚得意還知樂，入鳥忘機肯亂行。未敢許君輕去國，不應如我漫爲郎；中國日涉非無趣，保此千鍾慰北堂。

### 酬微之梅暑新句

江梅落盡雨昏昏，去馬來牛漫不分；當此沈陰無白日，豈知炎旱有彤雲？琴絃欲緩何妨促，畫蠹微生故可熏，回首涼秋知未遠，會須重曝阮郎裯。

### 平甫與寶覺游金山思大覺并見得詩次韻二首

寵參時宰道人琳，氣蓋諸公弟季心。勝踐肯論山在險，冥搜欲與海爭深。搖搖北下隨帆影，踽踽東來想足音。握手更知禪伯遠，隔雲靈鷲碧千尋。

### 二

漳南開士好叢林，慧劍何年出水心。獨往便應諸漏盡，相逢未免故情深。檻窺山鳥有真意，窗聽海潮非世音。一笑上方人事外，不知哀境兩侵尋。

### 金陵懷古四首

霸祖孤身取二江，子孩多以百城降。豪華盡出成功後，逸樂安知與禍雙。東府舊基留佛

刹，後庭餘唱落船窗。黍離麥秀從來事，且置興亡近酒缸。

二

天兵南下此橋江，敵國當時指顧降。山水雄豪空復在，君王神武自難雙。留連落日頻回首，想像餘墟獨倚窗。卻怪夏陽纔一葦，漢家何事費罍缸。

三

地勢東回萬里江，雲間天闕古來雙，兵纏四海英雄得，聖出中原次第降。山水寂寥埋王氣，風烟蕭颯滿僧窗。廢陵塚冢空冠劍，誰復沾纓醉一缸？

四

憶昨天兵下蜀江，將軍談笑士爭降；黃旗已盡年三百，紫氣空收劍一雙。破堞自生新草木，廢宮誰識舊軒窗。不須搔首尋遺事，且倒花前白玉缸。

次韻舍弟遇子固憶少述

時舍弟在臨川

歸計何時就一廛，寒城回首意茫然！野林細錯黃金日，溪岸寬圍碧玉天。飛兔已聞追腰褭，太阿猶恨失龍泉；遙知更憶河濱友，從事能忘我獨賢。

次韻昌叔詠塵

塵土輕颺不自持，紛紛生物更相吹。翻成地上高烟霧，散在人間要路歧。一世競馳甘昧目，幾家清坐得軒眉。超然祗有江湖上，還見波濤愁我時。

石竹花

退公詩酒樂華年，欲取幽芳近綺筵。種玉亂抽青節瘦，刻繒輕染絳花圓。風霜不放飄零早，雨露應從受惜偏。已向美人衣上繡，更留佳客賦嬋娟。

古松

森森直幹百餘尋，高入青冥不附林。萬壑風生成夜響，千山月照掛秋陰。豈因蕪壤栽培力，自得乾坤造化心。廊廟乏材應見取，世無良匠勿相侵。

玉辰人檜鶴廟古松最爲佳樹

壇廟千年草不生，幽真曾此蔭餘清。月枝池上流雲影，風葉大邊過雨聲。材大賢於人有用，節高仙與世無情。秦山陂下今迷處，苦里宮中漫得名。

次韻董伯懿松聲

天機自動豈關情，能作人間物外聲。瞑聒一堂無客夢，曉悲千嶂有猿驚。廟中奏瑟沈三嘆，堂下吹簫失九成。俚耳紛紛多鄭衛，直須聞此始心清。

次韻答平甫

高蟬抱殼悲聲切，新鳥爭巢諍語忙。長樹老陰欺夏日，晚花幽豔敵春陽。雲歸山去當簷靜，風過溪來滿坐涼。物物此時皆可賦，悔予千里不相將。

次韻貧夫兄使君同年

樓堞相望一日程，春風吹急似搖旌。莫言樂國無愁夢，賴把新詩有故情。客舍五漿非所願，私田三徑學須成。青雲自致歸公等，如我何緣得此聲？



# 王安石全集卷二十四

律詩

七言

## 金明池

宜秋西望碧參差，憶君鄉人禊飲時。斜倚水開花有思，緩隨風轉柳如癡。青天白日春常好，綠髮朱顏老自悲。跋馬未堪塵滿眼，夕陽偷理釣魚絲。

## 葛溪驛

缺月昏昏漏未央，一燈明滅照秋牀。病身最覺風露早，歸夢不知山水長。坐感歲時歌慷慨，起看天地色淒涼。鳴蟬更亂行人耳，正抱疎桐葉半黃。

## 泛舟青溪入水門登高齋奉呈康叔

簿領紛紛惜此時，起攜佳客散沈迷。十圍但見諸營柳，九曲難尋故國溪。牽埭欲隨流水遠，放船終礙畫橋低。子猷清興何曾盡，想憶高齋更一躋。

爲裴使君賦擬峴臺

君作新臺擬峴山，羊公千載得追攀。歌鐘殷地登臨處，花木移春指顧間。城似大隄來宛宛，溪如清漢落潺潺。時平不比征吳日，緩帶尤宜向北閑。

送李才元校理知邛州

朝廷孝治稱今日，鄉郡榮歸及壯時。關吏相呼迎印綬，里兒爭出望旄麾。北堂已足誇三釜，南畝今當識兩歧。獨我尙留真有命，天於人欲本無私。

送張頴仲舉知奉新

故人爲邑士多稱，繇賦寬除獄訟平。老吏閉門無重糶，荒山開隴有新粳。方揮玉麈日邊坐，又結銅章天外行。此去料君歸不久，挾材如此卽名卿。

張劔州至劔一日以新憂罷

客舍飛塵尙滿韜，卻尋東路想洪烈。白頭反哺秦烏側，流血思歸蜀鳥前。今日相逢知悵望，幾時能到與留連。行看萬里雲西去，倚馬春風不忍鞭。

次韻子履遠寄之作

飄然逐客出都門，士論應悲玉石焚。高位紛紛誰得志？窮途往往始能文。柴桑今日思元亮，天祿何時召子雲？直使聲名傳後世，窮通何必較功勳。

### 送李太保知儀州

北平上谷當時守，氣略人推李廣優。還見子孫持漢節，欲臨關塞撫羌酋。雲邊鼓吹應先喜，日下旌旗更少留。五字亦君家世事，一吟何以稱來求。

### 送西京簽判王著作

兒曹曾上洛城頭，尙記清波遶驛流。卻想山川常在夢，可憐顏髮已驚秋。辟書今日看君去，著籍長年歎我留。三十六峯應好在，寄聲多謝欲來遊。

### 送劉貢父赴秦州清水

劉郎高論坐嘯枯，幕府調聊用緒餘。筆下能當萬人敵，腹中嘗記五車書。聞多望士登天祿，知有名臣薦子虛。且復弦歌窮塞上，祗應非晚召相如。

### 送純甫如江南

青溪看汝始踟躕，兄弟追隨各少年。壯爾有行今納婦，老吾無用亦求田。初來淮北心常

折，卻望江南眼更穿；此去還知苦相憶，歸時快馬亦須鞭。

### 送郊社朱兄除郎東歸

手持官牒出神臯，迎客遙知賀酒醪。照映里門非白屋，欺凌春草有青袍。宦遊雖晚何妨久，餓顯從來不必高。孝友父兄家法在，想能清白遺兒曹。

### 送沈康知常州

作客蘭陵迹已陳，爲傳謠俗記州民。溝塍半廢田疇薄，廚傳相仍市井貧。常恐勞人輕白屋，忽逢佳士得朱輪。殷勤話此還惆悵，最憶荆溪兩岸春。

### 安豐張令修芍陂

桐鄉振廩得周旋，芍水修陂道路傳。目想僦功追往事，心知爲政似當年。魴魚鱗鱗歸城市，秔稻紛紛載酒船。楚相祠堂仍好在，勝遊思爲子留篇。

### 送復之屯田赴成都

槃礴西南江與岷，石犀金馬世稱神。桑麻接畛餘無地，錦繡連城別有春。結綬相隨通籍久，推車此去辟書新。知君不爲山川險，便忘吾家叱馭人。

送經臣富順寺丞

故人爲縣楚江邊，海角猶聞政事傳。萬井已安如赤子，一麾今去上青天。應開醉眼醱醜下，莫起歸心杜宇前；報主代親俱有地，幾人忠孝似君全。

送張卿致仕

子房籌策漢時功，身退超然慕赤松；餘烈尙能開後世，高材今復繼前蹤。執鞭始負平生願，操几何知此地逢？竊食一官慚未艾，緒言方賴賜從容。

送梅龍圖

子真家世子雲鄉，風力才華豈易當。回首古人多隱約，致身今日獨輝光。謨明久合分三府，治劇聊須試一方。從此政成何所報，百城無事秣耕桑。

送李秘校南歸

四十青衫更旅人，悠悠飢馬傍沙塵。久留上國言空富，卻走南州食轉貧。自作詩書能見意，應知時命不關身。江湖勝事從今數，肯但悲歌寂寞濱。

送蕭山錢著作

才高諸彥故無嫌，兄弟同時舉孝廉。東觀外除方墨綬，西州相見已蒼髯。靈胥引水清穿市，神禹分山翠入簾；好去弦歌聊自慰，郡人誰敢慢陶潛。

### 送靈山裴太博

一官留隱太常中，生事蕭然信所窮。有力尙期當世用，無求今見古人風。遭迴舊學皆殘藁，邂逅相看各老翁；他日卜居何處好？溪山還欲與君同。

### 送趙燮之蜀永康簿

蜀山萬里一青袍，石棧天梯筆轡高。多學侶君寧易得，小官於此亦徒勞。行追西路聊班草，坐憶南州欲夢刀；他日寄聲能問我，應從錦水至江臯。

### 酬吳季野見寄時被召來詩以賈誼見方

漫披陳蠹學經綸，捧檄生平祇爲親；問道不先從事早，課功無狀取官頻。豈堪置足書其上，終欲回身寂寞濱。俯仰謬恩方自歎，慙君將比洛陽人。

### 和平甫寄陳正叔

強行南仕莫辭勤，聞說田園已曠耘。縱使一區猶有宅，可能三月尙無君。且同元亮傾鱗

酒，更與靈均續舊文。此道廢興吾命在，世間臆口任云云。

### 送王太卿致政歸江陵

九卿初命亞三司，朝吏相瞻得老師。南闕使還新印綬，東舟只載舊書詩。漢庭餞客無佳句，越水歸裝有富貴。回首千年見疎范，共疑今事勝當時。

### 送叔康侍御

詔取名郎入憲臺，此時方急濟時才。聖聰應已虛心待，姦黨寧無側目猜。白筆豈知權可畏，卓囊還請上親開；佔聞讜論能醫國，飛報頻隨驛騎來。

### 寄朱昌叔

清江浸浸遶城流，尙憶城邊繫小舟。射虎未能隨李廣，割雞空欲戲言游。雲埋塞路驚塵合，霜入春風滿鬢愁。此日君書苦難得，漫多鴻雁起南洲。

### 九日登東山寄昌叔

城上啼烏破寂寥，思君何處坐岧峩。應須綠酒醺黃菊，何必紅裙弄紫簫。落木雲連秋水渡，亂山煙入夕陽橋。淵明久負東籬醉，猶分低心事折腰。

到舒次韻答平甫

夜別江船曉解騶，秋城氣象亦潭潭。山從樹外青爭出，水向沙邊綠半涵。行問嗇夫多不記，坐論公瑾少能談。只愁地僻無賓客，舊學從誰得指南。

舒州七月十一日雨

行看野氣來方勇，臥聽秋聲落竟慳。浙瀝未生羅豆水，蒼茫空失皖公山。火耕又見無遺種，肉食何妨有厚顏。巫祝萬端曾不救，只疑天賜雨工閑。

次韻答丁端州

莫嗟荒僻又離羣，且喜風謠嶺北聞。銅柱雖然蠻徼接，竹符還是漢家分。春書來逐衡陽雁，秋騎歸看隴首雲。相見會知南望苦，病骸今侶沈休文。

答劉季孫

偶著儒冠敢陋今，自憐多負少時心。輕軒已任人前後，揭厲安知世淺深。挾筴有思慈憫慨，負薪無力病侵淫。愧君綠綺虛投贈，更覺貧家報乏金。

次韻酬王太祝



塵土波瀾不自期，飄然身與願相違。衰根要路知難植，病羽長年欲退飛。高論已嗟能聽少，力行還恨賦材微。慚君俊少今知我，一見心如客得歸。

### 寄吳成之

綠髮溪山笑語中，豈知翻手兩成翁。辛夷屋角搏香雪，躑躅江頭挽醉紅。想見舊山茅徑在，近隨今日板輿空。渭陽車馬嗟何及，榮祿方當與子同。

### 寄曾子固

斗粟猶慙報禮輕，敢嗟吾道獨難行。脫身負米將求志，戮力乘田豈爲名？高論幾爲衰俗廢，壯懷難值故人傾。荒城回首山川隔，更覺秋風白髮生。

### 至開元僧舍上方次韻舍弟二月一日之作

溪谷濺濺嫩水通，野田高下綠蒙茸。和風滿樹笙簧雜，霽雪兼山粉黛重。萬里有家歸尚隔，一塵無地去何從？傷春故欲西南望，迴首荒城已暮鐘。

### 寄回深甫

少年倏忽不再得，後日歡娛能幾何？顧我面顏衰更早，憐君身世病還多。臆間黯澹月含

霧、船底飄飄風送波。一寸古心俱未試，相忘終夜起悲歌。

次韻答彥珍

手得封題手自開，一篇美玉綴玫瑰。衆知圓媚難論報，自願窮愁敢角才。君臥南陽惟畝畝，我行西路亦風埃；相逢不必嗟勞事，尙欲賡歌唱起哉！

寄闕下諸父兄兼示平甫兄弟

父兄爲學衆人知，小弟文章亦自奇；家勢到今宜有後，士才如此豈無時？久聞陽羨溪山好，頗與淵明性分宜；但願一門皆貴仕，時將車馬過茆茨。

# 王安石全集卷二十五

律詩七言 七言長律附

## 鍾山西庵白蓮亭

山亭新破一方苔，白帝留花滿四隈。野豔輕明非傅粉，秋光清淺不憑材。鄉窮自作幽人伴，歲晚誰爲靜女媒？可笑遠公池上客，卻因松菊賦歸來。

## 贈老甯僧首

秀骨脰眉倦往還，自然清譽落人間。閑中用意歸詩筆，靜外安身比太山。欲倩野雲朝送客，更邀江月夜臨關。嗟予蹤迹飄塵土，一對孤峯幾厚顏！

## 次韻舍弟賞心亭卽事二首

檻折簷傾野水傍，臺城佳氣已消亡。難披梗莽尋千古，獨倚青冥望八荒。坐覺塵沙昏遠眼，忽看風雨破驕陽。扁舟此日東南興，欲盡江流萬里長。

一一

霸氣消磨不復存，舊朝臺殿祗空村。孤城倚薄青天近，細雨侵淩白日昏。稍覺野雲成晚霽，卻疑山月是朝暾。此時江海無窮興，醒客忘言醉客喧。

次韻陳學士小園卽事

牆屋雖無好鳥鳴，池塘亦未有蛙聲。樹含宿雨紅初入，草倚朝陽綠更生。萬物天機何得喪？百年心事不將迎。與君杖策聊觀化，搔首春風眼尙明。

寄友人

飄然羈旅尙無涯，一望西南百曠嗟。江擁涕洟流入海，風吹魂夢去還家。平生積慘應銷骨，今日殊鄉又見花。安得此身如草樹，根株相守盡年華。

登大茅山

一峯高出衆山顛，疑隔寒雲道里千。俯視煙雲來不極，仰攀蘿蕪去無前。人間已換嘉平帝，地下誰通句曲天。陳迹是非今草莽，紛紛流俗尙師仙。

登中茅山

脩然杖屨出塵囂，雞犬無聲到沆寥。欲見五芝莖葉老，向攀三鶴羽翰遙。容溪路轉迷橫約，仙几風來得墮樵。興罷日斜歸亦懶，更磨碑藓認前朝。

### 登小茅山

捫蘿路到半天窮，下視淮州杳靄中。物外真游來几席，人間榮願付蒼通。白雲坐處龍池杳，明月歸時鶴馭空。回首三君誰更似？子房家世有高風。

### 送張仲容赴杭州孫公辟

萬屋相誇漆與丹，笑歌長在綺紈間。綵船春戲城邊水，畫燭秋尋寺外山。憶我屢隨遊客入，喜君今赴辟書還。遙知曼倩威行久，赤筆應從到日閑。

### 贈李士寧道人

季主逡巡居卜肆，彌明邂逅作詩翁。曾令宋賈欺車上，更使劉侯驚坐中。杳杳人傳多異事，冥冥誰識此高風。行歌過我非無謂，唯恨貧家酒盞空。

### 次韻春日卽事

人間尚有薄寒侵，和氣先薰草樹心。丹白自分齊破蕾，青黃相向欲交陰。潺潺嫩水生幽

谷，漠漠輕煙動遠林。病得一官隨太守，班春無助愧周任。

次韻答陳正叔二首

青衫憔悴北歸來，髮有霜根面有埃。羣吠我方憎獬子，一鳴誰更識龍媒。功名落落求難值，日月云云去不回。勝事與身何等近，酒樽詩卷數須開。

一一

田宅荒涼去復來，詩書顏髮兩埃塵。忘機自許鷗相狎，得禍誰期鶴見媒。此道未行身有待，古人不見首空回。何當水石他年住，更把韋編靜處開。

送崔左藏之廣東

怪石巉巖上沈寥，昔人於此奏簫韶。水清但有嘉魚出，風暖何曾毒草搖。今日淹留君按節，當時嬉戲我垂髫。因尋舊政詢遺老，爲作新詩變俚謠。

苦雨

靈場奔走尙無功，去馬來車道不通。風助亂雲陰更密，水爭高岸氣尤雄。平時溝洫今多廢，下戶京囷久已空。肉食自嗟何所報，古人憂國願年豐。

江上

村落家家有濁醪，青旗招客解祇裯。春風似補林塘破，野水遙連草樹高。寄食舟車隨處弊，行歌天地此身勞。遲回自負平生意，豈是明時惜一毛？

午枕

百年春夢去悠悠，不復吹簫向此留。野草自花還自落，鳴禽相乳亦相酬。舊蹊埋沒開新徑，朱戶欹斜見畫樓。欲把一盃無伴侶，眼看興廢使人愁。

寄石鼓寺陳伯庸

鯨海無風白日閑，天門當面險難攀。塵埃挨臂離長陌，琴酒和雲入舊山。仁義未饒軒冕貴，功名莫信鬼神慳。郭東一點英雄氣，時伴君心夜斗間。

送熊伯通

歲暮欣逢蓋共傾，川塗南北豈忘情。事經官路心應折，地入家山眼更明。江上月華空自照，梅邊春意恰相迎。關河不鑣真消息，野客猶能聽治聲。

送王覃

分走入閩十五年，塵沙吹鬢各蒼然。山林渺渺長回首，兒女紛紛忽滿前。知子有才思奮發，嗟余無地與迴旋。相看一作秦吳別，身世何時兩息肩？

### 送明州王大卿

大歷才臣有此州，昆雲今鶴鹿輻遊。從來所至邦人喜，真復能分聖主憂。千里封疆何足治，一時名跡故應留。屬城舊吏雖疲懶，尚可揮毫敵李舟。

### 姑胥郭

誤褫雲巾別故山，抵吳由越兩間關。千家漁火秋風市，一葉歸舟暮雨灣。旅病情情如困酒，鄉愁脉脉似連環。情知帶眼從前緩，更恐顛毛自此斑。

### 嚴陵祠堂

漢庭來見一羊裘，默默俄歸舊釣舟。迹似磻溪應有待，世無西伯可能留。崎嶇馮衍才終廢，索寞桓譚道不謀。勺水果非鱸膾地，放身滄海亦何求。

### 藏春塢詩獻刁十四文學士

蒜山東渡得林丘，邂逅盃盞亦少留。今日更知萊氏隱，暮年長憶武陵遊。欲營垣屋隨穿



斷，尙歎塵沙隔獻酬。遙約向吳亭下路，春風深駐五湖舟。

### 太湖恬亭

檻臨溪上綠陰圍，溪岸高低入翠微。日落斷橋人獨立，水涵幽樹鳥相依。清遊始覺心無累，靜處誰知世有機。更待夜深同徙倚，秋風斜月釣船歸。

### 蒙城清燕堂

清燕新碑得自蒙，行吟如到此堂中。吏無田甲當時氣，民有莊周後世風。庭下早知閑木索，坐間遙想御絲桐。飄然一往何時得，俛仰塵沙欲作翁。

### 次韻酬吳彥珍見寄二首

時彥珍爲教授學有右軍墨池

君作新詩故起予，一吟聊復覓雙魚。杖藜高徑誰來往，散帙空堂自卷舒。樹外鳥啼催晚種，花間人語趁朝虛。春風處處堪攜手，何事臨池苦學書。

### 二

篁竹荒茅五畝餘，生涯山蕨與泉魚。家貧殖貨羞端木，鄉里傳書比仲舒。白日憶君聊遠望，青林嗟我似逃虛。春風渺渺烏塘尾，漫得東來一紙書。

自金陵如丹陽道中有感

數百年來王氣消，難將前事問漁樵。苑方秦地皆蕪沒，山借揚州更寂寥。荒埭暗雞催月曉，空場老雉挾春驕。豪華祇有諸陵在，往往黃金出市朝。

初去臨川

東浮溪水渡長林，上坂回頭一拊心。已覺省煩非仲叔，安能養志似曾參。憂傷遇事紛紛出，疾病乘虛疊疊侵。未有半分求自贖，恐填溝壑更霑襟。（一作：馬頭西去百霑襟，一望親庭更苦心。已覺省煩非仲叔，安能養志似曾參。憂傷遇事紛紛出，疾病乘虛疊疊侵。手把空篇臥空屋，欲歌商頌不成音。

讀史

自古功名亦苦辛，行藏終欲付何人？當時黜闇猶承誤，末俗紛紜更亂真。糟粕所傳非粹美，丹青難寫是精神。區區豈盡高賢意？獨守千秋紙上塵。

讀韶書

慶歷七年

去秋東出汴河梁，已見中州旱勢強。日射地穿千里赤，風吹沙度滿城黃。近聞急詔收羣

策，頗說新年又亢陽。賤術縱工難自獻，心憂天下獨君王。

每見王太丞，邑事甚宥，而剽劇之暇，能過訪山館，兼出佳篇爲贈，仰歎才力，因成小詩。

我看繁訟頻搔首，君富才明見亦常。尙有閑襟尋水石，更留佳句似池塘。松苗地合分高下，鳧鶴天教有短長。徐上青雲猶未晚，可無音問及滄浪。

王浮梁太丞之聽訟軒，有水禽三，巢於竹林之上，恬而自得，

邑人作詩以美之，因次元韻。

水邊舟動多驚散，何事林間近絕疑。野意肯從威令至，舊巢猶有主人知。（見王太丞詩）不關飲啄春江暖，自在飛鳴夏日遲。覽德豈無丹穴鳳？到時應讓向南枝。

寄虞氏兄弟

一身兼抱百憂虞，忽忽如狂久廢書。疇昔心期俱喪勇，比來腰疾更乘虛。久聞楊羨安家好，自度淵明與世疎。亦有未歸溝壑日，會應相近置田廬。

除夜寄舍弟

一尊聊有天涯憶，百感翻然醉裏眠。酒醒燈前猶是客，夢回江北已經年。佳時流落真何得，勝事蹉跎只可憐。唯有到家寒食在，春風因泛預溪船。

### 答熊本推官金陵寄酒

鬱金香是蘭陵酒，枉入詩人賦詠來。麾下北風吹急雪，坐間南客送寒醅。淵明未得歸三徑，（金陵有舊廬）叔夜猶同把一盃。吟罷想君醒醉處，鍾山相向白崔嵬。

### 和錢學士喜雪

手把翁詩憶雪詩，坐愁窮海瘴煙霏。誰令天上蒼茫合，忽見空中散漫飛。閭闔與風生氣勢，姮娥交月借光輝。山鷄瑟縮相依立，邑犬跳梁未肯歸。點綴丘園榮樹木，埋藏溝壑亂封圻。高歌業已傳都市，逸興何當叩隱扉。頗欲攜樽邀使騎，幾忘溫席薦親闈。公今早晚班春去，強勸澇田補歲饑。

### 送江寧彭給事赴闕

西江望士衆長兼，卓犖傳家在一男。壯志異時開史牒，妙齡終日對書龕。桂堂發策收科選，櫻苑頌詩豫宴酣。大邑撥琴聊試可，小州懷綬果才堪。分臺拜職榮先入，抗疏辭恩恥橫

覃。勁操比松寒不撓，忠言如藥苦非甘。龍鱗直爲當官觸，虎穴寧關射利探？朱轂獸頭終協夢，粉闌雞舌更須含。均輸北轉荆門鷁，勸課西臨蜀市蠶。期信有兒迎郭伋，食貧無地乞羊曇。囊垂鈴棧駝鳴圓，節擁棠郊虎視眈。歸見廣墀瞻斧藻，對揚初服改朱藍。進班華省財方阜，出按窮邊虜稍戢。帝命賈琮當冀北，民歌姬詭次周南。投壺饗客魚無乙，伐鼓蒐兵馬有驕。鯨鬣掀紅旗杳杳，虬髯吒黑纛鬖鬖。威加諸部風霜肅，惠浸連營雨露涵。大斗時時能劇飲，輕裘往往祗清談。乾龍已應天飛五，晉馬徐觀晝接三。道在君臣方自合，德侔卿長亦誰慙。便蕃肯較平生寵，放曠皆知雅性耽。委佩去辭廷殖殖，揚舲來得府潭潭。一尊客語從容盡，千里人情委曲諳。豈但縉紳稱召杜，故多扶杖祝彭聃。幕中俊乂閑刀筆，帳下驍雄冷劍鐔。楚地怪須留汲黯，蕭規疑欲付曹參。從來貴勢公何慕，自是賢名上所貪。未信逸身今已老，且當憂國每如惓。論心邂逅膠投漆，搔首低徊雪滿簷。鎮撫未驚移歲月，追攀曾許賞煙嵐。餘歡遽隔新亭餞，宿惠難忘舊館驂。卷曲尙誰知散櫟，崢嶸空此詠枯楠。



# 王安石全集卷二十六

律詩 五言絕句 回文 六言詩附

## 聊行

聊行弄芳草，獨坐隱團蒲。問客茅簷日，君家有此無？

## 染雲

染雲爲柳葉，翦水作梨花。不是春風巧，何緣有歲華。

## 溝港

溝港重重柳，山坡處處梅。小輿穿麥過，狹徑礙桑回。

## 霹靂溝

霹靂溝西路，柴荆四五家。憶曾騎款段，隨意入桃花。

## 午睡

簷日陰陰轉，牀風細細吹。翛然殘午夢，何許一黃鸝。

題齊安壁

日淨山如染，風暄草欲薰。梅殘數點雪，麥漲一溪雲。

昭文齋

米黻題余定林所居因作

我自山中客，何緣有此名。適緣琴不鼓，人不見虧成。

臺上示吳愿

細書妨老讀，長簟愜昏眠。取簞且一息，拋書還少年。

示道原

久不仕城市，少留心悵然。幽芳可攬結，仁子飲雲泉。

傳神自讚

此物非他物，今吾卽故吾。今吾如可狀，此物若爲摹。

題何氏宅園亭

荷葉參差卷，榴花次第開。但令心有賞，歲月任渠催。



草堂一上人

一公持一鉢，想復度遙岑。地瘦無黃犢，春來草更深。

題黃司理園

爲憶去年梅，凌寒特地來。閨前空牖盡，渾未有花開。

北山洊亭

西崦水泠泠，汾岡有洊亭。自從春草長，遙見秣青青。

題永昭陵

神闕澹朝暉，蒼蒼露未晞。龍車不可望，投老涕霑衣。

詠穀

可憐臺上穀，轉目已陰繁。不解詩人意，何爲樂彼園。

池上看金沙花數枝過醱醱架盛開

故作醱醱架，金沙秣謾栽。似矜顏色好，飛度雪前開。

五柳

五柳柴桑宅，三楊白下亭。往來無一事，長得見青青。

移松皆死

李白今何在？桃紅已索然。君看赤松子，猶自不長年。

山中

隨月出山去，尋雲相伴歸。春晨花上露，芳氣著人衣。

送王補之行，風忽作，因題四句於舟中

淮口西風急，君行定幾時。故應今夜月，未便照相思。

被召作

榮祿嗟何及，明恩愧未酬。欲尋西掖路，更上北山頭。

再題南澗樓

北山雲漠漠，南澗水悠悠。去此復吾願，臨分更上樓。

南浦

南浦隨花去，迴舟路已迷。暗香無覓處，日落畫橋西。

題定林壁懷李叔時

雲與淵明出，風隨禦寇還。燎爐無伏火，蕙帳冷空山。

離蔣山

出谷頻回首，逢人更斷腸。桐鄉豈愛我？我自愛桐鄉。

江上

江水漾西風，江花脫晚紅。離情被橫笛，吹過亂山東。

春雨

苦霧藏春色，愁霖病物華。幽奇無可奈，強啜一杯霞。

歸燕

馬上逢歸燕，知從何處來。貪尋舊巢去，不帶錦書迴。

和惠思波上鷗

翩翩白鳥鷗，汎汎水上游。西來久不見，夢想在滄洲。

秣陵道中口占二首

經世才難就，田園路欲迷。慙慙將白髮，下馬照青溪。

一一

歲熟田家樂，秋風客自悲。茫茫曲城路，歸馬日斜時。

### 次青陽

十載九華邊，歸期尙杳然。秋風一乘傳，更覺負林泉。

### 代陳景元書於太一宮道院壁

官身有吏責，觸事遇嫌猜。野性豈堪此，廬山歸去來。

### 山雞

山雞照淥水，自愛一何愚。文采爲世用，適足累形軀。

### 雜詠四首

故畦拋汝水，新壟寄鍾山。爲問揚州月，何時照我還？

一一

已作湖陰客，如何更遠遊。章江昨夜月，送我到揚州。

三

證聖南朝寺，三年到百回。不知牆下路，今日幾荷開？

四

桃李石城塢，餉田三月時。柴荆常自閉，花發少人知。

臥聞

臥聞黃栗留，起見白符鳩。坐引魚兒戲，行將鹿女遊。

秋興有感

宿雨清畿甸，朝陽麗帝城。豐年人樂業，隴上踏歌聲。

題八功德水

欲尋阿練若，曳屐出東岡。澗谷芳菲少，春風著野桑。

口占

去歲別南嶽，前年返渤潭。臨機一句子，今日遇同參。

偶書

雄也營身足，聘兮悞汝多。捐書知聖已，絕學奈禽何。

送陳景初金陵持服舉族貧病煩君藥石之功

舉族貧兼病，煩君藥石功。長安何日到，一一問歸鴻。

汨姚江

軋軋櫓聲急，蒼蒼江日低。吾行有定止，潮汐自東西。

樓上

蕩漾舟中客，徘徊樓上人。滄波浩無主，兩槳邈難親。

春晴

新春十日雨，雨晴門始開。靜看蒼苔紋，莫上人衣來。

淨相寺

淨相前朝寺。荒涼二十秋。曾遭塵劫壞，今遇勝緣修。

將母

將母邗溝上，留家白紵陰。月明開杜宇，南北總關心。

朱朝議移法雲蘭

幽蘭有佳氣，千載闕山阿。不出阿蘭若，豈遭乾闥婆。

晚歸

岸迴重重柳，川低渺渺河。不愁南浦暗，歸伴有姮娥。

題舫子

愛此江邊好，留連至日斜。眠分黃犢草，坐占白鷗沙。

惠崇畫

斷取滄州趣，移來六月天。道人三昧力，變化只和鉞。

蒲葉

蒲葉消淺水，杏花和暖風。地偏緣底綠，人老爲誰紅？

芳草

芳草知誰種，綠階已數叢。無心與時競，何苦綠慙慙！

與徐仲元自讀書臺上定林

橫絕潺湲度，深尋犖确行。百年同逆旅，一壑我平自。

病中睡起折杏花數枝二首

獨臥南牕榻，翛然五六旬。已聞鄰杏好，故挽一枝春。

二

獨臥無心起，春風閉寂寥。鳥聲誰喚汝，屋角故相撩。

送望之赴臨江

黃雀有頭顱，長行萬里餘。想因君出守，暫得免包苴。

送丁廓秀才歸汝陰

風駛柳條乾，駝裘未勝寒。慙慙陌上日，爲客暖征鞍。

送王彥魯

北客憐同姓，南流感似人。相分豈相忘，臨路更情親。

送呂望之

池散田田碧，臺敷灼灼紅。年華豈有盡，心賞亦無窮。



別方劭祕校

迢迢建業水，中有武昌魚。別後應相憶，能忘數寄書。

梅花

牆獨數枝梅，凌寒獨自開。遙知不是雪，爲有暗香來。

紅梅

春半花纔發，多應不奈寒。北人初未識，渾作杏花看。

病起過寶覺

執手乍欣悵，霜毛應更新。依然舊童子，卻想夢前身。

書定林院牕

問遠大師師云夜來夢與說十波羅密道人今輟講，卷誠寄松蘿。夢說波羅密，當如習氣何。

題徐浩書法華經

一切法無差，水牛生象牙。莫將無量義，欲覓妙蓮華。

碧燕

回文

碧蕪平野曠，黃菊晚村深。客倦留甘飲，身閑累苦吟。

### 夢長

夢長隨永漏，吟苦雜疎鐘。動盞荷風勁，沾裳菊露濃。

### 迸月

迸月川魚躍，開雲嶺鳥翻。徑斜荒草惡，臺廢冶花繁。

### 泊雁

泊雁鳴深渚，收霞落晚川。析隨風斂陣，樓映月低弦。漠漠汀帆轉，幽幽岸火然。壑危通細路，溝曲繞平田。

### 題西太一宮壁二首 六言

草色浮雲漠漠，樹陰落日潭潭。（一作：柳葉鳴蜩綠暗，荷花落日紅酣。）三十六陂流  
（一作：宮煙）水，白頭想見江南。

一一

三十年前此路，（一作：地）父子持我東西。今日重來白首，欲尋陳迹都迷。

西太一宮樓

草際芙蓉零落，水邊楊柳欹斜。日暮炊煙孤起，不知魚網誰家。



# 王安石全集卷二十七

律詩

七言絕句

## 歌元豐五首

水滿陂塘穀滿篝，漫移蔬果亦多收。神林處處傳簫鼓，共賽元豐第二秋。

二

露積成山百種收，漁梁亦自富鰕鱸。無羊說夢非真事，豈見元豐第二秋。

三

湖海元豐歲又登，秬生猶足暗溝塍。家家露積如山壠，黃髮咨嗟見未曾。

四

放歌扶杖出前林，遙和豐年擊壤音。曾侍土階知帝力，曲中時有譽堯心。

五

豚柵雞埒曉霽間，暮林搖落獻南山。豐年處處人家好，隨意飄然得往還。

碁

莫將戲事擾真情，且可隨緣道我贏。戰罷兩奩分（一作收）白黑，一枰何處有虧成。

題畫扇

玉斧修成寶月團，月邊仍有女乘鸞。青冥風露非人世，鬢亂釵斜特地寒。

夢

黃梁欲熟且留連，漫道春歸莫悵然。蝴蝶豈能知夢事，蘧蘧飛墮晚花前。

清明

東城酒散夕陽遲，南陌鞦韆寂寞垂。人與長鉞臥芳草，風將急管度青枝。

東岡

東岡歲晚一登臨，共望長河映遠林。萬竅怒嗚風喪我，千波競湧水無心。

春郊

青秧漫漫出初齊，雞犬遙聞路卻迷。但見山花流出水，那知不是武陵溪。

元日

爆竹聲中一歲除，東風送暖入屠蘇。千門萬戶曛曛日，插插（一作：總把）新桃換舊符。

九日

九日無歡可得追，飄然隨意歷山陂。蔣陵西曲（一作：面）風煙慘，（一作：澹）也有黃花一兩枝。

初晴

幅巾慵整露光華，度隴深尋一徑斜。小雨初晴好天氣，晚花殘照野人家。

南蕩

南蕩東陂水漸多，陌頭車馬斷經過。鍾山未放朝雲散，奈此黃梅細雨何。

芙蕖

芙蕖耐夏復宜秋，一種今年便滿溝。南蕩東陂無此物，但隨深淺見游鯈。

溝西

溝西直下看芙蕖，葉底三三兩兩魚。若比濠梁應更樂，近人渾不畏春鉏。

東臯

東臯攬結知新歲，西崦攀翻憶去年。肘上柳生渾不管，眼前花發即欣然。

一陂

一陂（一作：段）飲水蔣陵西，含風卻轉與城齊。周遭碧銅磨作港，逼塞綠錦翦成畦。

園蔬

園蔬小摘嫩還抽，畦稻新春滑欲流。枕簟不移隨處有，飽餐甘寢更無求。

愴然

愴然三月閉柴荆，綠葉陰陰忽滿城。自是老年遊興少，春風何處不堪行。

杖藜

杖藜隨水轉東岡，興罷還來赴一牀。堯桀是非時入夢，固知餘習未全忘。

圖書

圖書老矣尚紛披，神剝天黥似有知。茅竹結蟠聊一榻，卻尋三界外愚痴。

老嫌



老嫌智巧累形軀，欲就田翁學破除。百歲用癡能幾許，救吾黥劓可無餘。

移柳

移柳當門何啻五，穿松作徑適成三。臨流遇興還能賦，自比淵明或未慙。

誰將

誰將石黛染春潮，復撚黃金作柳條。西崦東溝從此好，筇輿追我莫辭遙。

雪乾

雪乾雲淨見遙岑，南陌芳菲復可尋。換得千顰爲一笑，春風吹柳萬黃金。

南浦

南浦東岡二月時，物華撩我有新詩。含風鳴綠鄰鄰起，弄日鵝黃裊裊垂。

竹裏

竹裏編茅倚石根，竹莖疎處見前村。閑眠盡日無人到，自有春風爲掃門。

隨意

隨意柴荆手自開，公岡度壑復登臺。小橋風露扁舟月，迷鳥羈雌竟往來。

秋雲

秋雲放雨靜山林，萬壑崩湍共一音。欲記荒罪無善處，賴傳悲壯有能琴。

春風

春風過柳綠如縲，晴日蒸紅出小桃。池暖水香魚出處，一環清浪湧亭臯。

陂麥

陂麥連雲慘淡黃，綠陰門巷不多涼。更無一片桃花在，借問春歸有底忙？

木末

木末北山煙冉冉，草根南澗水玲玲。縲成白雷桑重綠，割盡黃雲稻正青。

進字說二首

正名百物自軒轅，野老何知強討論！但可與人覆醬瓿，豈能令鬼哭黃昏。

二

鼎湖龍去字書存，開闢神機有聖孫。湖海老臣無四目，謾將糟粕汙修門。

窺園

杖策窺園日數巡，攀花弄草與常新。董生只被公羊惑，肯信捐書一語真。

### 嘲白髮

久應飄轉作蓬飛，眷惜冠巾未忍違。種種春風吹不長，星星明月照還稀。

### 代白髮答

從衰得白自天機，未怪長青與願違。看取春條隨日長，會須秋葉向人稀。

### 外廚遣火二首

竈鬼何爲便赫然，似嫌刀機苦無羶。圖書得免同煨燼，卻賴廚人清不眠。

### 二

青煙散入夜雲流，赤焰侵尋上瓦溝。門戶便疑能炙手，比鄰何苦卻焦頭。

### 初夏卽事

石梁茅屋有彎碕，流水濺濺度雨波。清日暖風生多氣，綠陰幽草勝花時。

### 千蹊

千蹊百隧散林丘，圖畫風煙一色秋。但有興來隨處好，楊朱何苦涕橫流。

和陳輔秀才金陵書事

南郭先生比鷓鴣，年年過我未愆期。休論王謝當時事，大抵烏衣祗舊時。

和耿天隲以竹冠見贈四首

竹根殊勝竹皮冠，欲著先須短髮乾。要使山林人共見，不持方帽禦風寒。

一

無物堪持比此冠，竹皮柔脆穀皮乾。故人戀戀綈袍意，豈爲哀憐范叔寒？

二

滋潤金明信好冠，錯刀剜出薜紋乾。不忘君惠常加首，要使權盟未可寒。

四

冠工新意斲檀欒，霧卷雲烝久未乾。遣我山林真自稱，何須貂暖配金寒。

和郭功甫

兄欲相邀臥看山，扁舟自可送君還。留連山郭今如此，知復何時伴我閒。

葉致遠置洲田以詩言志次其韻二首

吟嘆君詩久掉頭，知君興不負滄洲。土山欲爲羊曇賭，且可專心學奕秋。

一一

若將有限計無涯，自困真同算海沙。隨順世緣聊戲劇，莫言河渚是吾家。

又次葉致遠韻二首

庵成有興亦尋春，春暖荒萊步始勻。若遇好花須一笑，豈妨迦葉杜多身。

一一

明時君尙富春秋，豈比衰翁遠自投。智略未應施猷畝，上前他日望吾工。

次昌叔韻

寄公無國寄鍾山，垣屋青松晚靄間。長以聲音爲佛事，野風蕭颯水潺湲。

次張唐公韻

憶昨同追八馬蹄，約公投老此山棲。公乘白鳳今何處，我適新年值白雞。

次俞秀老韻

解我蔥珩脫孟勞，暮年甘與子同袍。新詩比舊增奇峭，若許追攀莫太高。

酬宋廷評請序經解

未曾相識已相憐，香火靈山亦有緣。訓釋雖工君尚少，不應忽務世人傳。

送耿天隲至渡口

雪雲江上語依依，不比尋常恨有違。四十餘年心莫逆，故人如我與君稀。

承慶院送道原還儀眞作詩要之

歲暮青條已見梅，餘花次第相爭開。淮南無此山林勝，作意春風更一來。

送方劭秘校

南浦柔條拂地垂，攀翻聊寄我西悲。武昌官柳年年好，他日春風憶此時。

芙蓉堂二首

投去歸來一幅巾，尙私榮祿備藩臣。芙蓉堂下疏秋水，且與龜魚作主人。

一一

乞得膠膠擾擾身，五湖煙水替風塵。祗將鳧雁同爲侶，不與龜魚作主人。

長干釋普濟坐化

投老唯公最故人，相尋長恨隔城闕。百年俯仰隨薪盡，畫手空傳淨戒身。





# 王安石全集卷二十八

律詩

七言絕句

送黃吉甫入京，題清涼寺壁

薰風洲渚薺花繁，看上征鞍立寺門。投老難堪與君別，倚江從此望還轅。

與道原自何氏宅步至景德寺

元豐七年三月十九日

前時偶見花如夢，紅紫紛披競淺深。今日重來如夢覺，靜無餘馥可追尋。

過法雲

路過潮溝八九盤，招提雪脊隱雲端。金鈿一一花柳老，翠被重重山更寒。

光宅寺

梁武帝宅也其北齊安隔淮齊武帝宅也宋興又在其北

齊安孤起宋興前，光宅相仍一水邊。蜂分蟻爭今不見，故窠遺塚尚依然。

題勇老退居院

道人投老寄山林，偶坐翛然洗我心。夢境此身能且在，明年寒食更相尋。

與寶覺宿龍華院二絕句 舊有詩云：京口瓜州一水間，鍾山只隔數重山。

春風自綠江南岸，明月何時照我還？

老於陳迹倦追攀，但見幽人數往還。憶我小詩成悵望，鍾山只隔數重山。

一一

世間投老斷攀緣，忽憶東遊已十年。但有當時京口月，與公隨我故依然。

三

與公京口水雲間，問月何時照我還？邂逅我還還問月，何時照我宿金山？

清涼白雲庵

庵雲作頂峭無鄰，衣月爲衿靜稱身。木落岡巒因自獻，水歸洲渚得橫陳。

自定林過西庵

午雞聲不到禪林，柏子煙中靜擁衾。從憶西巖道人語，杖藜乘興得幽尋。

歸庵

稻畦藏水綠秧齊，松鬣初乾尚有泥。縱蹇尋岡歸獨臥，東廡殘夢午時雞。

### 雪中遊北山呈廣州使君和叔同年

南州歲晚亦花開，有底堪隨驛使來。看取鍾山如許雪，何須持寄嶺頭梅。

### 謝安墩二首

我名公字偶相同，我屋公墩在眼中。公去我來墩屬我，不應墩姓尚隨公。

一一

謝歸陳迹自難追，山月淮雲祗往時。一去可憐終不返，暮年垂淚對桓伊。

### 東陂二首

東陂風雨臥黃雲，陸水翻溝隔壠分。春玉取新知不晚，腰鎌今日已紛紛。

一一

荷葉初開筍漸抽，東陂南蕩止堪游。無端壠上脩脩麥，橫起寒風占作秋。

### 山陂

山陂院落今按種，城郭樓臺已放燈。白髮逢春唯有睡，睡聞啼鳥亦生憎。

欲往北山以雨止

北山朝氣澹高秋，欲往愁霏獨少留。散策緣岡初見日，興隨雲盡復中休。

耿天隲惠梨次韻奉訓

故人家果獨難忘，秋實初成便得嘗。直使紫花形味勝，豈能終日望咸陽。

一一

淮圃新陰百畝涼，分甘每得助秋嘗。張公大谷雖云美，誰肯苞苴出晉陽。

三二

甘滋南北共傳誇，栽接還如老圃家。誰謂交梨非外獎，因君澆灌已萌芽。

北山有懷

香火因緣寄北山，主恩投老更人間。傷心躑躅岡頭路，明日春風自往還。

定林

窮谷經春不識花，新松老栢自欹斜。慇懃更上山頭望，白下城中有幾家。

封舒國公三首

陳迹難尋天柱源，疏封投老誤明恩。國人欲識公歸處，楊柳蕭蕭白下門。

一一

桐鄉山遠復川長，紫翠連城碧滿隍。今日桐鄉誰愛我，當時我自愛桐鄉。

三

開國桐鄉已白頭，國人誰復記前遊。故情但有吳塘水，轉入東江向我流。

北陂杏花

一陂春水繞花身，花影妖嬈各占春。縱被春風吹作雪，絕勝南陌碾成塵。

五更

青燈隔幔映悠悠，小雨含煙凝不流。祗聽蛩聲已無夢，五更桐葉強知秋。

與薛肇明弈碁賭梅花詩輸一首

華髮尋春喜見梅，一株臨路雪培堆。鳳城南陌他年憶，杳杳難隨驛使來。

又代薛肇明一首

野水荒山寂寞濱，芳條弄色最關春。故將明艷凌霜雪，未怕青腰玉女嗔。

溝上梅花欲發

亭亭背暖臨溝處，脈脈含芳映雪時。莫恨夜來無伴侶，月明還見影參差。

紅梅

江南歲盡多風雪，也有紅梅漏洩春。顏色凌寒終慘澹，不應搖落始愁人。

耿天隲許浪山千葉梅見寄

聞有名花卽謾栽，慙慙準擬故人來。故人歲歲相逢晚，（一作能相見）知復同看幾度開

與天隲宿清涼廣惠僧舍

故人不惜馬虺隤，許我年年一度來。野館蕭條無準擬，與君相殖浪山梅。

池上看金沙花數枝過醪醑架盛開二首

午陰寬占一方苔，映水前年坐看栽。紅藥似嫌塵染污，青條風上別枝開。

一一

醪醑一架最先來，夾水金沙次第栽。濃綠挾疎雲對起，醉紅撩亂雪爭開。

北山

北山輪綠漲橫陂，直壑回塘澗灑時。細數落花因坐久，緩尋芳草得歸遲。

詠菊二首

補落迦山傳得種，閩浮檀水染成花。光明一室真金色，復似毗耶長者家。

二

院落深深數菊叢，綠花錯莫兩三蜂。蜜房歲晚能多數，酒盡重陽自不供。

楊柳

楊柳杏花何處好？石梁茅屋雨初乾。綠垂靜路要深駐，紅寫清波得細看。

北山人栽松

陽坡風暖雪初融，度谷遙看積翠重。磊砢拂天吾所愛，他年來此聽樓鐘。

山櫻

山櫻抱石蔭松枝，比並餘花發最遲。賴有春風嫌寂寞，吹香渡水報人知。

償薛肇明秀才檀木

濯錦江邊木有檀，小園封植色華滋。地偏或免桓（淵聖御名）魑伐，歲晚聊同庾信移。

馬斃

恩寬一老寄松筠，晏臥東牕度幾春。天廐賜駒龍化去，謾家小蹇載閑身。

出郊

川原一片綠交加，深樹冥冥不見花。風日有情無處著，初迴光景到桑麻。

懷府園

槐陰過雨盡新秋，盆底看雲映水流。忽憶小金山下路，綠蘋稀處看游篋。

江寧夾口二首

鍾山咫尺被雲埋，何況南樓與北齋？昨夜月明江上夢，逆隨潮水到秦淮。

二

日西江口洛征帆，卻望城樓淚滿衫。從此夢歸無別路，破頭山北北山南。

蔣山手重松

青青石上歲寒枝，一寸巖前手自移。聞道近來高數尺，此身蒲柳故應衰。

中年



中年許國邯鄲夢，晚歲還家壙垠遊。南望青山知不遠，五湖春草入扁舟。

### 寄四姪旒

數篇持往助歡怡，想見封題手自開。春草已生無好句，阿連空復夢中來。

### 一一

一日東岡上幾迴，百重雲水隔蘇臺。（一作：一日東岡望百迴，迢迢雲水隔蘇臺。）遙知別後詩無數，黃犬歸時總寄來。

### 寄吳氏女子

夢想平生在一丘，暮年方此得優游。江湖相忘真魚樂，怪汝長謠特地愁。

### 寄蔡天啓

杖藜綠蘆復穿橋，誰與高秋共寂寥？佇立東岡一搔首，冷雲衰草暮迢迢。

### 呈陳和叔

數椽生草覆莓苔，（一作：數椽牢落長莓苔，）一徑牆陰斷雪開。玉匣囊衣新徙舍，杖藜從此爲君來。

一一

數椽庫屋茨生草，三故荒園種晚蔬。永日終無一杯酒，可能留得故人車。

招葉致遠

白下長干一水間，竹雲新筍已斑斑。明朝若有扁舟興，落日潮生尚可還。

招楊德逢

山林投老倦紛紛，獨臥看雲卻憶君。雲尙無心能出岫，不應君更懶於雲。

和叔招不往

門前秋水可揚舲，有意西尋白下亭。只欲往來相邂逅，卻嫌招喚苦丁寧。

和叔雪中見過

捐書去寄老山林，無復追緣（緣一作尋）往事心。忽值政人乘雪興，玉堂前話得重尋。

俞秀老忽然不見

忽去飄然遊冶盤，共疑杖策在梁端。禪心暫起何妨寂，道骨雖清不畏寒。

與耿天隲會話

邯鄲四十餘年夢，相對黃梁欲熟時。萬事祗如空鳥迹，怪君強記尙能追。



# 王安石全集卷二十九

律詩

七言絕句

與沈道原過西莊遂遊寶乘

周顥宅作阿蘭若，婁約身歸窳堵坡。今日隱侯孫亦老，偶尋陳迹到煙蘿。（一作：蕙帳銅屏皆舊事，飄然陳迹在松蘿。）

庚申正月遊齊安

水南水北重重柳，山後山前處處梅。未卽此身隨物化，年年長趁此時來。

庚申正月遊齊安有詩云：「水南水北重重柳，」壬戌正月再遊

招提詩壁漫黃埃，忽忽籠紗兩過梅。老值白雞能不死，復隨春色破寒來。

壬戌正月晦與仲元自淮上復至齊安

風暖柴荆處處開，雪乾沙淨水洄洄。憶行卻得前年路，看盡梅花看竹來。

壬戌五月與和叔同遊齊安

纒成白雪桑重綠，割盡黃雲稻正青。它日玉堂揮翰手，芳時同此賦林垌。

成字說後與曲江譚君丹陽蔡君同遊齊安

據梧枝策事如毛，久苦諸君共此勞。遙望南山堪散釋，故尋西路二登高。

元豐二年十月政公改路故作此詩

獨龍東路得平岡，始免遊人屐齒妨。更有主林身半現，與公隨轉作陰涼。

書定林院牕

與安太師同宿，既曉，問昨夜有何夢，師云，有數夢皆忘記。

竹雞呼我出華胥，起滅篝燈擁燎鑪。試問道人何所夢？但言渾忘不言無。

同熊伯通自定林過悟真二首

與客東來欲試茶，倦投松石坐欹斜。暗香一陣連風起，知有薔薇澗底花。

二

城郭紛紛老倦尋，幅巾來寄北山岑。長遭客子留連我，未快穿雲涉水心。

悟真院

野水從橫漱屋除，午牕殘夢鳥相呼。春風日日吹香草，山北山南路欲無。

傳神自讚

我與丹青兩幻身，世間流轉會成塵。但知此物非他物，莫問今人猶昔人。

定林院昭文齋

定林齋後鳴禽散，只有提壺守屋簷。苦勸道人沽美酒，不應無意引陶潛。

經局感言

罷相出守江寧，仍領經局。

自古能全已不才，豈論騏驥與鴛鴦。放歸自食情雖適，絡首猶存亦可哀。

鍾山晚步

小雨輕風落棟花，細紅如雪點平沙。槿籬竹屋江村路，時見宣城賣酒家。

散策

散策東岡亦已勞，橫塘西轉有亭皋。絮飛度屋何許柳，花落填溝無數桃。

書靜照師塔

簡老已歸黃土陌，淵師今作白頭翁。百憂三十餘年事，陳迹山林草野中。

記夢

辛酉九月二十二夜，夢高郵土山道人赴蔣山北集雲峯爲長老，已而坐化，復出南興國寺，與余同臥一榻，禪懷出片竹數寸，上繞生絲，屬余藏之，余弃弗取，作詩與之。

月入千江體不分，道人非復世間人。鍾山南北安禪地，香火他時共（一作：供）兩身。

勸會賀蘭溪主

賀蘭溪，洛京地名，陳繹買地築居於郵中間之。

賀蘭溪上幾株松，南北東西有幾峯。買得往來今幾日，尋常誰與從坐容。

書湖陰先生壁二首

茆簷長掃靜無苔，花木成畦手自栽。一水護田將綠遶，兩山排闥送青來。

二

桑梓索漠棟花繁，風斂餘香暗度垣。黃鳥數聲殘午夢，尙疑身屬半山園。

過劉全美所居

西崦晴天得強扶，出林知有故人居。數能過我論奇字，當復令公見異書。

書何氏宅壁



有興提魚就公煮，此言雖在已三年。皖灔終負幽人約，空對湖山坐惘然。

### 題永慶壁有雱遺墨數行

永慶招提墨數行，歲時風露每悽傷。殘骸豈久人間世，故有情鍾未可忘。

### 江寧府園示元度

畫船南北水遙通，日暮幅巾篔簹中。行到月臺逢翠碧，背人飛過子城東。

### 金陵郡齋

談經投老拚悠悠，爲吏文書子卽休。深炷鑪煙（一作：香）閉齋閣，臥聽簷雨瀉高秋。

### 戲示蔣穎叔

扶衰南陌望長楸，燈火如星滿地流。但怪傳呼殺風景，豈知禪客夜相投。

### 遊城東示深之德逢

欲牽淮舸共尋源，且踏青青繞杏園。憶我舊時光宅路，依然桑柳映花繁。

### 麗澤門

麗澤門西日未俄，水明沙淨卷纖羅。綠瓊洲渚青瑤嶂，付與詩工敢琢磨。

示公佐

殘生傷性老耽書，年少東來復起予。各據槁梧同不寐，偶然聞雨落堦除。

示俞秀老二首

不見故人天際舟，小亭殘日更回頭。縑成白雪三千丈，細草孤雲一片愁。

一一

君詩何以解人愁？初日紅蕖碧水流。未怕元劉妨獨步，每思陶謝與同遊。

示李時叔二首

知子鳴絃意在山，一官聊復戲人間。能爲白下東南尉，藜杖緇巾得往還。

一一

千山訪我幾摧舟，清坐來看十日留。勢利白頭何足道，古人傾蓋有綢繆。

示寶覺二首

火暖窻明粥一盂，晨興相對寂無魚。超然聖寺山林外，別有禪天好淨居。

一一

重將壞色染衣裙，共臥鍾山一塢雲。客舍黃梁今始熟，烏殘红柿昔曾分。

### 仲元女孫

雙鬢嬉戲我庭除，爭挽新花比繡繡。親結香纓知不久，汝翁那更鑷毳鬚。

### 示永慶院秀老

禪房借枕得重歇，陳迹翛然尙有詩。嗟我與公皆老矣，拂天松栢見栽時。

### 示王鐸主簿

君正忙時我正閑，如何同得到鍾山。夷門二十年前事，回首黃塵一夢間。

### 戲城中故人

城郭山林路半分，君家塵土我家雲。莫吹塵土來污我，我自有雲持寄君。

### 戲贈段約之

竹栢相望數十楹，藕花多處復開亭。如何更欲通南隸，割我鍾山一半青。

### 示俞處士

魯山眉宇人不見，只有歌辭來向東。借問樓前踏子齋，何如雲臥唱松風。

懷張唐公

直諫多爲世所排，有懷長向我前開。暮年惆悵誰知此，南陌東阡獨往來。

憶金陵三首

覆舟山下龍光寺，元武湖泮五龍堂。想見舊時遊歷處，煙雲渺渺水茫茫。

二

煙雲渺渺水茫茫，繚繞蕪城一帶長。蒿目黃塵憂世事，追思陳迹故難忘。

三

追思陳迹故難忘，翠木蒼藤水一方。開設精廬今更好，好隨殘汴理歸艎。

離昇州作

殘菊冥冥風更吹，雨如梅子欲黃時。相看握手總無語，愁滿眼前心自知。

望淮口

白煙瀾漫接天涯，黯黯長空一道斜。有似錢塘江上望，海潮初落見平沙。

入瓜步望揚州

落日平林一水邊，蕪城掩映祗蒼然。白頭追想當時事，幕府青衫最少年。

泊船瓜州

京口瓜洲一水間，鍾山祗隔數重山。春風自綠江南岸，明月何時照我還？

重過余婆岡市

憶我東遊未有鬚，扶衰重此註肩輿。市中年少今誰在？魯叟當街六十餘。

秦淮泛舟

強扶衰病牽淮舸，尙怯春風泝午潮。花與新吾如有意，山於何處不相招。

中書卽事

投老翻爲世網嬰，低徊終恐負平生。何時白下岡頭路？渡水穿雲取次行。

萬事

萬事黃梁欲熟時，世間談笑漫追隨。雞蟲得失何須算？鵬鷄逍遙各自知。

寄金陵傳神者李十雲

衰容一見便疑真，李子揮毫故有神。欲去鍾山終不忍，謝渠分我死前身。

贈外孫

南山新長鳳凰雛，眉目分明畫不如。年小從他愛梨栗，長成須讀五車書。

東流頓令罷官阻風示文，有按風伯奏天閭之語，答以四句。

令尹犀舟失去期，慙然凭几古文移。勸君慎莫譏風伯，會有開帆破浪時。

楊德逢送米與法雲二老，作此詩

盧仝不出憎流俗，我卜郊居避俗憎。仝有鄰僧來乞米，我今送米乞鄰僧。

送黃吉父將赴南康官歸金谿二首

柘岡西路白雲深，想子東歸得重尋。亦見舊時紅躑躅，爲言春至每傷心。

一一

還家一笑卽芳辰，好與名山作主人。邂逅五湖乘興往，相邀錦繡谷中春。

二二

歲晚相逢喜且悲，莫占風日恨歸遲。我如逆旅嘗去客，復會有無那得知！

# 王安石全集卷三十

律詩

七言絕句

## 金陵卽事三首

水際柴門一半開，小橋分路入青苔。背人照影無窮柳，隔屋吹香併是梅。

二

結綺臨春歌舞地，荒蹊狹巷兩三家。東風漫漫吹桃李，非復當時仗外花。

三

昏黑投林曉更驚，背人相喚百般鳴。柴門長閉春風暖，事外還能見鳥情。

## 烏塘

烏塘渺渺綠平隄，隄上行人各有攜。試問春風何處好？辛夷如雪柘岡西。

## 柘岡

萬事紛紛祗偶然，老來容易得新年。柘岡西路花如雪；迴首春風最可憐。

### 城北

青青千里亂春袍，宿雨催紅出小桃。迴首北城無限思，日酣川淨野雲高。

### 金陵

金陵陳迹老莓苔，南北遊人自往來。最憶春風石城塢，家家桃李過牆開。

### 午枕

午枕花前簾欲流，日催紅影上簾鉤。窺人鳥喚悠颺夢，隔水山供宛轉愁。

### 州橋

州橋踟月想山椒，迴首哀湍未覺遙。今夜重聞舊嗚咽，卻看山月話州橋。

### 觀明州圖

明州城郭畫中傳，尙記西亭一橫船。投老心情非復昔，當時山水故依然。

### 九日賜宴瓊林苑作

金明馳道柳參天，投老重來聽管絃。飽食太官還惜日，夕陽臨水意茫然。



壬子偶題

熙寧五年，東府庭下作盆池，故作。

黃塵投老倦忽忽，故遠盆池種水紅。落日欹眠何所憶，江湖秋夢鱗聲中。

和張仲通憶鍾陵二首

一夢章江已十年，故人重見想皤然。祇應兩岸當時柳，能到春來尙可憐。

二

逸少池邊有一丘，西山南浦慣曾遊。殘年歸去終無樂，聞說章江卽淚流。

送和甫至龍安暮歸

隱隱西南月一鉤，春風落日澹如秋。房櫳半掩無人語，鼓角聲中始欲愁。

鍾山卽事

澗水無聲繞竹流，竹西花草弄春柔。茅簷相對坐終日，一鳥不鳴山更幽。

南澗樓

在江寧尉司。

撲撲烟嵐遶四阿，物華終恨未能多。故應陡起三千丈，始奈重山複嶺何。

京城

三年衣上禁城塵，撫事怡然愧古人。明月滄波秋萬頃，扁舟長寄夢中身。

隴東西二首

隴東流水向東流，不肯相隨過隴頭。祇有月明西海上，伴人征戍替人愁。

二

隴西流水向西流，自古相傳到此愁。添卻征人無限淚，怪來嗚咽已千秋。

斜徑

斜徑偶通南埭路，數家遙對北山岑。草頭蛺蝶黃花晚，菱角蜻蜓翠蔓深。

暮春

北山吹雨送殘春，南澗朝來綠映人。昨日杏花渾不見，故應隨水到江濱。

雨晴

晴明山鳥百般催，不待桃花一半開。雨後綠陰空繞舍，總將春色付莓苔。

日西

日西階影轉梧桐，簾卷青山籠半空。金鴨火銷沈水冷，悠悠殘夢鳥聲中。

禁直

翠木交陰覆雨簷，夜天如水碧潏潏。帝城風月看常好，人世悲哀老自添。

御柳

御柳新黃已迸條，宮溝薄凍未全消。人間今日春多少，祇看東方北斗杓。（一作：習習春風拂柳條，御溝春水已冰消。欲知四海春多少，先向天邊問斗杓。）

祥雲

冰入春風漲御溝，上林花氣欲飛浮。未央屋瓦猶殘雪，卻爲祥雲映日流。

題中書壁

夜開金鑰詔辭臣，對御抽毫草帝綸。須信朝家重儒術，一時同榜用三人。

禁中春寒

青（一作：浮）煙漠漠雨紛紛，水殿西廊北苑門。已著單衣猶禁火，海棠花下怯黃昏。

試院中

少時操筆坐中庭，子墨文章頗自輕。聖世選材終用賦，白頭來此試諸生。

學士院燕侍郎畫圖

六幅生綃四五峯，暮雲樓閣有無中。去年今日長千里，遙望鍾山與此同。

道旁大松人取以爲明

龍甲蚪髯不可攀，亭亭千丈蔭南山。應嗟無地逃斤斧，豈願爭明爝火間。

見鸚鵡戲作四句

雲木何時兩翅翻，玉籠金鎖祗煩冤。眞須強學人間語，舉世無人解鳥言。

池雁

羽毛摧落向人愁，當食哀鳴似有求。萬里衡陽冬欲暖，失身元爲稻粱謀。

六年

六年湖海老侵尋，千里歸來一寸心。西望國門搔短髮，九天宮闕五雲深。

世故

世故紛紛漫白頭，欲尋歸路更遲留。鍾山北繞無窮水，散髮何時一釣舟。

邵平

天下紛紛未一家，販繪屠狗尙雄夸。東陵豈是無能者？澤傍青門手種瓜。

中牟

頽城百雉擁高秋，驅馬臨風想聖丘。此道門人多未悟，爾來千載判悠悠。

王章

壯（一作：志）士軒昂非自謀，近臣當爲國深憂。區區女子無高意，追念牛衣暖卽休。

神物

神物登天擾可騎，如何孔甲但能羈。當時若更無劉累，龍意茫然豈得知？

文成

文成五利老紛紛，方丈蓬萊但可聞。萬里出師求寶馬，飄然空有意凌雲。

讀漢書

京房劉向各稱忠，詔獄當時跡自窮。畢竟論心異恭顯，不妨迷國略相同。

賜也

賜也能言識真未，誤將心許漢陰人。桔槔俯仰妨何事，拘魏區區老此身。

重將

重將白髮旁牆陰，陳迹茫然不可尋。花鳥總知春爛漫，人間獨自有傷心。

載酒

載酒欲尋江上舟，出門無路水交流。黃昏獨倚春風立，看卻花開觸地愁。

楚天

楚天如夢水悠悠，花底殘紅漫不收。獨繞去年揮淚處，還將牢落對滄洲。

江上

江北秋陰一半開，晚雲含雨卻低回。青山繚繞疑無路，忽見千帆隱映來。

春江

春江渺渺抱牆流，烟草茸茸一片愁。吹盡柳花人不見，青旗催日下城頭。

春雨

城雲如夢柳依依，野水橫來強滿池。九十日春渾得雨，故應留潤作花時。

初到金陵

江湖歸不及花時，空邊扶疏綠玉枝。夜直去年看蓓蕾，晝眠今日對紛披。

送和甫至龍安微雨，因寄吳氏女子

荒煙涼雨助人悲，眼染衣巾不自知。除卻春風沙際綠，一如看汝過江時。

與北山道人

蒔果疏泉帶淺山，柴門雖設要常關。別開小徑連松路，祇與鄰僧約往還。

過外弟飲

一自君家把酒杯，六年波浪與塵埃。不知烏石岡邊路，至老相尋得幾回。

若耶溪歸興

若耶溪上踏莓苔，興罷張帆載酒回。汀草岸花渾不見，青山無數逐人來。

烏石

烏石岡邊繞繚山，柴荆細路（一作：徑）水雲間。吹（一作：拈）花嚼蘂長來往，祇有

春風似我閑。

定林

定林青（一作：修，又作：喬。）木老參天，橫貫東南一道泉。六月杖藜尋石路，午陰多處弄潺湲。

### 定林所居

屋繞灣溪竹繞山，溪山卻在白雲間。臨溪放艇依山坐，溪鳥山花共我閑。

### 臺城寺側獨行

春山撩亂水縱橫，籬落荒畦草自生。獨往獨來山下路，笳輿看得綠陰成。

### 遊鍾山

終日看山不厭山，買山終待老山間。山花落盡山長在，山水空流山自閑。

### 松間

被召將行作

偶向松間覓舊題，野人休誦北山移。丈夫出處非無意，猿鶴從來不自知。

### 雨未止，王臣欲行，以詩留之

紛紛應接使人愁，與子從容喜問酬。他日故將泥自庇，今朝欲以雨相留。